

近代中國史料叢刊第二十八輯  
沈雲龍主編

石遺先生年譜

陳聲暨  
王眞編

文海出版社印行

石遺先生年譜



10/27/20

夜鏡續譜圖



(作真子女越東)

夜鏡續譜圖




續編陳侯官年譜跋

石遺師年譜公荆兄所編僅至五十三歲二月而止自是常闕趨庭致懸而有待歲乙丑公荆歸道山戊辰真自都從里得侍絳帷其明年乃請續編是譜仍以詩文集日記爲根據而參以請益遂湊成七卷惟一時海內著述於師之言論有傳聞異詞不可不辨者如王遽常撰沈寐安年譜據安與金旬丞書言元和元祐元嘉爲詩中三關云云謂三元之說實寐安創之非割自師不思師所標舉者三元指自唐至宋之開元元和元祐撤却六朝也寐叟所標舉者

二關有元嘉而無開元雜六朝於唐宋中宗旨不同  
焉得指鹿爲馬乎今傳是樓詩話謂張廣雅過繩菴  
故居詩云廿年奇氣伏菰蘆虎豹當關氣勢粗知有  
衛公精爽在可能示夢傲令狐當關云云蓋泛指同  
時執政異趣者箕齋捐館已在虞山被放之後石遺  
詩話以爲隱刺松禪似非事實云云不知虞山爲帝  
黨箕齋爲后黨虞山實深沮箕齋廣雅亦被沮於虞  
山者故箕齋既逝虞山尙存次年意其作衛公之傲  
令狐用典可謂恰切仇怨所在不以虞山去位而遂  
消豈有舍虞山而不之傲乃舉泛泛執政之人而一

一示傲之乎此詩 師曾對廣雅讚其用典之切廣雅無辭駁菴文其時未還朝不及知其詳也續譜既成復附辨一二於此受業東越女子王真





侯官陳石遺先生年譜卷一

門人王真續編

男 聲 暨 編

門人葉長青補訂

謹案家君官不及五品舉不過乙科特科而生  
平學問事蹟關繫數十年來學界政界者不小  
大畧散見於詩文集及平日手邊日記然日記  
筆墨未經修飾不許示人 聲暨 擬詳注諸石遺  
室詩集中以著梗概但詩注非旦夕可就若先  
編年譜則提綱挈領於詩注已思過半因并平

日所聞於過庭者纂組之仿施注蘇詩中王宗  
稷所編年譜體例不分紀年時事出處著作爲  
四層惟每年中分月及紀年書太歲在日在辰  
之名則朱竹垞先生詩集及年譜之例紀元只  
書元年則李元仲先生年譜之例爾聲暨謹識  
咸豐六年柔兆執徐一歲

家君姓陳氏福建福州府侯官縣人先世順治間  
自泉州晉江城內草埔尾地遷省城爲始祖奇珍  
公以軍官征臺灣戰歿檢骨歸葬東關外金鷄山  
世襲雲騎尉三傳而至曾王父御六公諱起龍四

傳至先大父鹿笙公諱用賓字吉甫皆積學未仕  
年五十生家君故名曰衍小名尹昌行三故字曰  
叔伊是年四月八日寅時生於城東北井樓門內  
龍山之麓先大母王太宜人妊數月移居焉屋後  
廢園榛莽蕪穢先大母手自斬艾以供爨見者戒  
勿屈要呂數揮刃恐殘腹中兒先大母笑勿信未  
幾家君生故無恙也是夜晴見星忽雨如注生四  
閱月先大母病革暈厥移時先大父知醫灌救甦  
自是乳漸絕然家貧不得乳嫗諸姑母輪流抱持  
家君飲以漿糊粉養之屬未幾遂斷乳

強圉大荒落二歲

能識楹聯上佳美二字先大父知子平算法謂家  
君四柱中日祿居時天干兩道文星佩印正木火  
通明格當爲一代聞人家君能記二歲時三事大  
世父木庵公諱書長家君十有八歲世母林宜人  
歸寧抱家君往諸婦女嘖嘖環視家君恚何以侮  
我若此然自顧軀小無如何隨先大母臨族祖母  
喪見尸面紅白如生同舍一老翁貌枯瘠動必扶  
杖其名曰凌漢甚不喜之

長青案先生嘗談後識  
鄰漢二字字義以爲此

鄰居之  
老漢也

著雍敦牂三歲

讀三字經千字文自是至十歲皆先大父講授課

作文字常患腹痛七八月颶風起時尤甚見家人

食菱角黃彈

長青案彈去聲通稱黃皮果亦名黃淡王壇

龍眼

長青案通稱桂

丸即荔奴也諸果而不得食

屠維協洽四歲

讀孝經千家詩喜花開紅樹綠樹陰濃黃梅時節

去年花裏諸首別有會心

長青案石遺室詩有云千家詩是潛夫選三字

經原伯厚成蓋世文人由

此出教科坊本漫爭鳴多病常食粥一大碗晝

作四稜每頓食一稜是秋先大世父應鄉試閩俗

多送鴨爲潤筆瀦水畜之家君以爲此詩所謂乳  
鴨池塘也

上章瀦灘五歲

讀四子書毛詩春秋左氏傳先大父爛熟經史晨  
寢未與令家君立床前背誦昨日所授書一字錯  
落必呵正之是歲移居東門街十二月五日季父  
生先大父命之曰遷字曰季新

重光作醞六歲

讀左氏傳尙書先大父授書動數千言若書禹貢  
傳公子重耳之出亡韓城濮泌鄆陵之戰皆起訖

限一日背誦家君則臨睡熟讀倦極乃寢詰旦遲  
明起奔立案頭一手披衣一手翻書朗誦踰時廚  
下晨餐熟則成誦矣一日讀孟子不仁者可與言  
哉章一日讀小弁小人之詩也章喜其音節蒼涼  
抗聲誦不已先大父適自外歸喜形於色謂於書  
味有神會

同治元年玄默閣茂七歲

移居湯門街屋後又有廢園先大母所以斬艾荆  
棘者如在龍山時家君讀書之暇則督一力汰瓦  
礫徒細土平晝畦町大木豫章柚木蘭外蔬苽菜



生實根諸物靡不種植貧家終歲盤餼十恃六七  
焉大世父題北堂楹帖云圓月滿華堂婦獻椒花  
兒進酒富春開後圃筭抽稚子芥添孫讀唐人近  
體詩最喜陳子昂之銀燭吐青煙白玉仙臺古柱  
審言之獨有宦遊人宋之問之陽月南飛鴈張說  
之涼風吹夜雨王灣之客路青山下孟浩然之春  
眠不覺曉移舟泊煙渚元稹之寥落故行宮諸首  
先大父常提攜出遊城中三山城西小西湖怡山  
長慶寺施氏園李氏園城東湯泉諸處嘗私學爲  
歌詩積一小帙焉

昭陽大淵獻八歲

讀書外常從諸姑母私看小說傳奇戲仿爲水晶宮鴈門關兩傳奇後來回憶約略柳毅傳書昭君出塞情事一種數葉不知其中作何語矣時大世父館城南梁氏間一二夜歸常與諸姑母夜談不寐屋前廣庭周以長廊夏夜月出軒窗盡開光射室中竹簟鋪地坐談狐說鬼誦危冠廣袖楚宮粧耶孃送我青楓根諸絕句大世父輪流背諸姑母環走庭中爲戲家君亦常與笑樂夜深不睡

闕逢困敦九歲

時福建徧地寇盜粵匪餘黨屯閩邊家君年雖小極知憂危聞朝廷已命浙撫左宗棠督閩浙則私喜出見長星亙天又懼 九月粵匪李世賢汪海洋兩股由粵犯汀州卽分股陷龍巖南靖遂陷漳州郡城時左宗棠尙在浙飛飭提督黃少春副將劉明珍兩軍四千五百人由衢州入康國器全部由邵武先進勦漳州劉典一軍八千人由建昌赴汀州省垣重地以興泉爲門戶恐或涉疏虞復飭提督高連陞率所部三千五百人馳赴寧波僱坐輪船由海道先赴福建省城相機迎勦左宗棠自

帶親兵及各營取道浦城以出中路家君時年雖  
小聞之日盼左公至如望歲然 十月大世父使  
二世父代館自有漳州福寧寨彙請卹典之役福  
寧寨者漳州族人六萬據寨拒粵寇寨被地雷轟  
破同日死難也大世父日則奔走於外夜則就燈  
下授家君唐宋人詩古文詞家君嘗言夜讀時見  
大世父瓶中插菊花秀色沁入腦際胸中一種  
詩味不可名言大世父自題小楹帖云寶鼎香縈  
新柏翠錦屏書映落梅紅書法娟秀可喜家中有  
韓冬郎香奩集注本李長吉歌詩鈔本朱竹垞鴛

不列夕之三言

鴛湖權歌嘗竊取吟諷之

二世父諱  
豫字仲常

旃蒙赤奮若十歲

正月大雪厚數寸時易書詩周禮春秋左氏傳已  
畢讀禮記才畢曲禮爾雅才讀釋詁夏月一夜先  
大父忽語家君曾子易簣孔子夢奠兩楹事汝知  
之乎特翻檀弓爲講此兩節次夜又講授陶淵明  
與子儼等疏大世父自館夜歸聞之意甚惡是歲  
八月大父忽卧病七日竟棄養異矣是歲兩世父  
有友許珍甫學博文璧家貧母老調缺渡臺灣一  
子名佛保方七歲寄讀吾家甚強記能背誦文選

京都江海諸賦皆其祖母課之讀天暹明即使背誦昨日所授書佛保居連墻日午歸飯一日日昃尙未歸問之則曰祖母云今日午飯已于早間并食之矣蓋是午停炊也因留之飯後佛保光緒間舉於鄉榜名中未幾亦卒 七月颶風起後園一大豫章高數丈忽拔而仆踰月大父卒或其兆也家君哭至見血大世父刲股煎藥不效痛父疾非不治設於爲人子不知醫自是敝精力學醫因覓葬地敝精力學堪輿覓得西關外保福鄉之紗帽山坐午向子 十一月營葬大世父自書墓碑題

一聯云芝艸琅玕日應長霓衣風馬紛歸來

柔兆攝提格十一歲

移居燈籠巷屋前後有竹數百竿二世父課家君  
讀時兩世父所常往來者徐雲汀一鶚陳子駒適  
祺劉壽之三才林怡庵葵皆福州名流陳林能詩  
能畫徐劉能詩詞是冬二世父以降服故出應院  
試爲郡諸生

強圉單闕十二歲

移居鼇峯坊屋背負于山

亦名九  
仙山

有樓五楹有園

有荔支龍眼黃彈諸果樹十數株老梅二株老松

老石榴各一株雜花滿塢繚以亭樹下有巨石可  
坐十許人蓋山根也家君居之樂甚覺古人詩中  
如買夏欲論園松際月窺人疏影橫斜暗香浮動  
諸景物會心不遠是歲大世父假館南營巖商陳  
寓挈家君往讀日課一詩四月隨二世父遊石鼓  
山止東際樓至喝水巖靈源洞水雲亭舍利窟達  
摩洞白雲洞諸處初入日家君生長方丈淨空和  
尚與先大父稔集僧衆數百和南于客堂石鼓以  
松勝石磴二千餘級兩旁萬株春夏間幾於終日  
出雲雲來則對面不見人出手不見掌有小詩數



首紀之皆不存矣九月二世父鄉試中副車

著雍執徐十三歲

諸姑母從大世父學詩一春積數十首大世父命

曰對影樓合稿四月大世父假館光祿坊前杭嘉

湖道劉岫農

齊昂

宅挈家君往讀有石芝山館陶舫

樸學齊諸勝林吉人先生故居也時與文字飲李

星邨太學

應庚

劉贊軒孝廉

勳

皆呼家君為小友家

君飲量能至三十杯自是漸健啖有逾常人體隨

壯實

屠維大荒落十四歲

家居習舉業學爲律賦多讀秦漢六朝人文長篇  
若兩都若哀江南諸賦皆背誦如流是歲五姑母  
適黃觀臣茂才光七姑母適李苑之茂才翰七月  
從兄大彌生大世父出大彌諱敬光  
緒壬寅舉人  
上章敦牂十五歲

移居石井巷屋極湫隘家居習舉業出應童子試  
仍未售學爲駢體文常遊城東北慶城禪寺長青  
生少有所思居寺旁人邂逅高道孫文學鍾泉如  
去屋存往往留連陳迹舊相識逋孫名家子幼孤家中落有祖屋亦在寺  
旁年十六有句云貧家紅紫都如洗惟有青苔上

井闌聞者極贊賞之 九月大世父鄉試中副車  
冬移居河東街屋有花木秋季多種菊兩世父每  
集朋輩吟折枝鬥菊爲勝負家君得菊較夥頤折  
枝者拈不對兩字嵌在七言對句中約定嵌第幾  
字對仗工整者勝亦名詩鐘卽古人擊鉢催詩意  
重光協洽十六歲

多閱唐宋元明人筆記小說喜張皋文詞選黃仲  
則兩當軒詩是時嬉曲鄉井過從惟一高逋孫往  
往出門寫憂意行原野迴汀斷港頽榭荒龕相選  
而笑則買山果及菱芡充飢渴日將入不忍舍去

有千百錢則登酒樓談諧動隣壁蓋如東坡之得  
鼂美叔也案逋孫丈嘗有句云花事尙無據東風  
面太生家君云此種神理數十年前老  
輩未曾開關而是歲家君始學填詞有浣溪紗二  
君早慧若此  
闕攤破浣溪紗一闕

### 玄默澗灘十七歲

移居八角樓偕六姑丈沈丹孫長青案名璋慶文  
肅公葆楨長子

七姑丈李苑之讀書慶城寺客堂後院治舉業均  
以大世父爲師客堂花木疏野夏月枕簟邀涼往  
往夜午猶不忍睡或上鐘樓代寺僧撞鐘爲戲一  
夜應書院詩課賦得荷風送香氣五言六韻如卽

事詩然後院中聽為東嶽三世子行臺兩壁畫猶  
鬼秋深沈李兩姑丈不復來家君書室獨與鬼隣  
出入必經中廳亦覺畏怖則從後廊越窗出入經  
冬歷春乃遷回家時與五姑丈黃觀臣茂才同居  
案諱光祚黃姑丈嗜奕熟於南北曲旅食建溪假歸省  
母則時與家君對奕汎覽各傳奇是冬六姑母適  
沈氏家君嘗為大世父代作某太守壽序有云以  
五品官與宰相爭可否者御史也以二千石與皇  
帝共憂勤者太守也大世父逢人誦之

昭陽作噩十八歲

從二世父讀書於魁輔里謝氏祠 四月入邑庠

為諸生 八月同兩世父應鄉試 九月揭曉皆

薦而不售同大世父館於臺江殷商危氏江右人

也學子甲初頗穎悟後以諸生援沈氏表兄翊清

長青案翊清文肅公長孫光緒乙丑舉人官至四

品卿銜會辦船政大臣以陸軍部候補丞參派入

省閱兵積勞卒亦從游挈之往歲暮歸 臘月十日與先

母蕭恭人長青案諱道管字道定婚初先母年十

安同邑人富有著作

五從外祖母往戚屬張氏許有陳績九孝廉變者

大世父摯友也與張氏同居其妻黃氏見先母心

形傾倒如晉劉柳之遇道蘊然乃力以媒自任而

外祖母鍾愛一女有議婚者決之神簽于山王靈  
 官者貌極猙獰外祖母所從求簽者也簽皆不吉  
 最後求簽畢取孟琰問吉否忽大風掀起神帳露  
 神貌外祖母向所未見也驚嚇擲孟琰走自是不  
 復求簽於是績九丈介家君求婚適至遂得諧

關逢閻茂十九歲

二月同二世父攷取致用書院初名致用堂攷課  
係福建巡撫專政  
 時巡撫王凱泰述職入都總督李鶴年兼署之書  
 院初設西湖濱後移烏石山中有十三本梅花書  
 屋首主講席者為前陝西布政使林穎叔先生壽圖未諧樸學誠五岳攷九男攷  
 擬蘇武答李陵書道咸以來讀書人專力時文罕

治實學福州尤甚自張廣雅尚書同之輶軒語書目

答問出而後人知讀書門徑自王補帆撫部諱凱

蘇寶應人巡撫福建設致用書院專攷經史而後

福建人知讀書門徑三月大世父就幕於汀州

永定縣携眷行家君有送別詩今不存大世父行

至將樂上灘舟破人無恙九月歸十月先母來

歸年二十舅氏漁生太學美秀而文與家君至相

得是歲家極貧催租人屢至家君廣應各書院

詩賦課作月得獎賞數金津貼家用有榴火賦擬

李德裕用人如積薪賦蓮爲君子花試帖詩皆冠



軍爲時傳誦

光緒元年旃蒙大淵獻二十歲

移居妙巷室極小窗前種竹二三十竿金銀花一  
架綠陰在地幽香入帷先母有種竹小記春暮金  
銀花二詩是歲先母多看唐宋人筆記小說及四  
庫全書總目以爲讀書用功端自目錄學入手秋  
深買菊花於隙地栽之案頭羅列瓶盃供折枝上  
燈影離離蘸窗紙先母夜坐詩所謂牕紗厭白地  
位以瓶花影者也家君題一楹聯云翠袖影嬋娟  
日暮天寒倚修竹疏簾風料峭秋深人瘦比黃花

有疏影詞三闕詠菊影有蝶戀花二闕詠落梅殘  
月是秋兩世父皆舉於鄉家君又報罷宴鹿鳴日  
女客來賀者先母共兩世母歛接毫無介介之色  
見者皆稱雅量 臘月杪先母產長兄二日而殤  
病甚殆

柔兆困敦二十一歲

是年又當鄉試與沈丹孫姑丈陳肖虞丈念祖諸人

爲四書文之會 二月請畫師施祖柱爲先母寫  
小影題洞仙歌一闕是歲先母專看四庫全書總  
目讀姚氏古文詞類纂 五月福州大水上游積

兩山水漲發侯官地界西城一帶水皆沒頂其餘  
大街小巷深數尺不等時巡撫爲豐順丁公日昌  
親出梭巡夜駐城上者旬日遣輪船赴江浙等處  
運米有詩紀其事大世父其門下士和詩有船上  
張帆市搖櫓句余家居妙巷水所不至先母歸寧  
雅道巷水淹半扉稍退泛舟回 八月杪與先母  
奉外祖母遊石鼓山喝水巖水雲亭諸處先母皆  
能上下石磴不坐肩輿先母有詩數首隨手集斥  
今只存二絕句及斷句數聯在遺集中是秋家君  
鄉闈又報罷是年始治小學閱巖鐵橋段懋堂王

萊友諸先生書家君雅不喜治舉業每至大比年  
春後始集數友人爲文會報罷則如脫羈縻取所  
謂詞章攷据之學雜治之有與先母不寐聯句一  
首有浣溪紗一詞

強圉赤奮若二十二歲

正月二十六日

聲暨

生時先母妊

聲暨

未彌月歸

甯隔宿遂生於外祖母雅道巷宅家君是年治小  
學外有詠史詩題桂未谷說文統系圖詩 五月  
福州又大水牆垣壁倒較甚於上年當道拯拯備  
至水退紳士請浚南港以殺水勢自是水不爲患

七月家君病九月初始愈而高丈逋孫察疾卒

往哭之慟重陽後大世父與陳芸敏編修琇瑩徐

仲眉副將葆齡葉損軒舍人大莊

長青案琇瑩光緒丙子進士官

給事中河南學政葆齡能詩古文詞大莊同

治癸酉舉人有玉屏山莊集閩中金石記

神之戲夜夜淨几明燈倡和於沙盤木筏間家君

多徹曉不睡歲暮驂鸞倡和集厚徑寸先母亦有

和作今遺集中綠梅水仙諸作是也是年先母亦

治說文有春陰湖上春暮春夜菊各詩

著雍攝提格二十三歲

仍治小學成說文舉例七卷 二月二十五日二

弟聲漸生字并侯 四月移居雅道巷外祖母宅  
 是年二世父設帳於劍池家君常往遊有春日題  
 仲兄治亭書齋春暮登治亭復題治亭諸詩 五  
 月與先母夜泛舟小西湖止宛在堂有詩二首先  
 母極畏蚊有豹脚賦 七月八日李琬華世母蓉  
 病卒有感賦三絕句琬華世母能詩詞與先母至  
 相得事詳先母雙驂園思舊記戴花平安室記是  
 秋家君有湖上遇雨秋晚雜書九日憶逋孫亡友  
 諸詩是秋移居西門街有小池小露臺花木有木  
 芙蓉千葉桃安石榴水楊柳之屬是時所常往來

者為郭梅生元調陳少虞李友枚枚諸丈有挽徐仲

眉絕句徐丈居開元頭工小篆自撰門前帖書之

云南州高士宅東海偃王孫室有落葉庵詩榻額

徵同人題詩故挽詩用徐波故事有落木荒龕舊

擘窠句有除夕雜詩有賀新涼一詞有本事

長青案以上為先生幼稚及家居時代

侯官陳石遺先生年譜卷二

門人王真續編

男聲暨編

門人葉長青補訂

屠維單閏二十四歲

在家泊遊杭州

二月欽差大臣前福建巡撫丁日昌薦大世父於

浙撫梅筱巖中丞敢照以內閣中書會辦洋務局

居幕中家君賦長句書扇送行有搖碧齋乘張春

水開紅舸放姜石帚詩社南屏罷晚鐘酒樓西穆

無殘紙等句傳誦江湖是年又逢大比與許豫生

石遺先生年譜二

一



不  
式  
之  
言

教諭貞幹謝心丹明經銘陳肖虞李苑之王蘭生諸

茂才為文會 九月三弟聲被生字冀伯是秋鄉

闈又報罷航海出遊訪大世父於杭州先至寧波

附夜航船經上虞餘姚會稽蕭山至西興大雨渡

江入杭厲撫署西齋者月餘日是年在家有秋日

寄懷伯兄秋早視蘭生同人集塔江金山寺過石

倉園諸詩出遊有文亭晚望大雨泊下壩宿撫署

西軒呈伯兄吳山晚眺望西興諸詩有一剪梅點

絳唇霜天曉角長相思醜奴兒慢六醜滿庭芳天

仙子諸詞此外湖上詩數十首六言絕句別伯初

家兄茶禪寺浦東夜泊送徐大四首合爲酒痕集  
先母用衛景武碑體精楷鈔之 十一月六日家  
君歸途至上海將遊金陵聞兩江督部沈公葆楨  
薨遂不果往先母有菩薩鬘摸魚兒二詞代家君  
作

上章執徐二十五歲在

假館余府巷曹長卿通守晉廌長卿嘉善人顧菴

先生堪爾後人有齋居春日徐大招遊武夷武夷之

遊以事阻諸詩長青案徐大名學永字碩園侯官  
諸生詳見福建新通志孝義傳

冬先母產一妹不育是歲先母著說文重文管見

重光大荒落二十六歲

在家泊遊崇安

春爲武夷之遊往返計三十餘日得詩三十餘首  
先母爲鈔乾魚集一卷武夷峯巒皆離立插地直  
起山前九曲水如碧玉以一曲大王峯爲最大二  
曲玉女峯爲最峭六曲天游觀爲最高三曲小九  
曲爲最幽七曲以往突兀稍亞山後樹木參天多  
杉桂水簾洞瀑布長數十丈慧苑巖磊石巖酒饌  
之美殆罕其匹 四月有與先母宿雨初霽曉坐  
聯句初夏聯句各一首有蘭生招同芸敏肖虞夜  
集雜述視蘭生夏晚小叢住屋蘭生以詩落之用

樊榭移居韻和存一首各詩有南浦水龍吟長亭  
怨慢雨霖鈴減蘭菩薩蠻田文各詞是歲草創元  
詩紀事急欲成書閱市借人日日攤卷暝寫有時  
借書麋至疊床皮架滿室滿堂先母亦分抄撮之  
任時妊第八胎 九月產一弟墜地已死血崩人  
常昏暈服翁醫師昌藥乃漸愈家君有暗香二詞  
記其事先母亦有病起一律

玄默敦牂二十七歲

在家

是歲爲六姑母課子假館豐井營大世父宅辰往  
酉回六姑丈卒已二年姑母舊自課子至是哀傷

病甚家君為分勞以慰之 九月舉於鄉登鄭孝

胥榜同榜有林琴南丈羣玉者方肆力為文詞家

君嘗見其致用書院試卷駢文一篇甚淹博彷彿

王仲瞿至是蘇堪丈問其為詩祈嚮所在答以錢

注杜詩施註蘇詩蘇堪丈以為不能取法乎上意

在漢魏六朝也琴南丈甚病之 案丈後大挑二等官教諭自號畏廬

是科座主為禮部侍郎宗室寶廷號竹坡揭曉家

君往謁知為搜遺卷取中竹坡先生立朝直言敢

諫與吾鄉陳駿庵閣學 寶琛 豐潤張幼樵學士 佩綸 為

一時清流眉目先生嗜酒耽詩好山水遊歸途坐

江山船買榜人女爲妾自劾落職福建典試差囊  
可得六千金先生到手立盡次年初春家君公車  
入都往謁則著敝緼袍表破殆盡綿見焉

昭陽協洽二十八歲入都泊歸里

與大世父二世父同赴禮部試先是先母產聲暨

諸弟妹多瀕於危計是夏又當媿身有戒心遂偕

先母行至都廡同鄉陳汝翼編修翁許識李蕪客

部郎慈讀其所撰某貲郎墓志文學陽湖派散體

中時參以八字偶句汝翼言蕪客賣文篇必百金

吾二三十金卽賣然每歲生涯吾常贏於蕪客蓋

價廉則求者多也相與大笑在都多習殿體書與

大世父及星治李丈各日書一卷

長青案星治名兆珍長樂人官

安徽巡稍遊陶然亭葦灣十刹海天寧崇效法源

按使

案京都海棠以西郊極樂寺為最蘇堪丈云

極樂高至兩三丈者殆百株家君遊時止數十株

後親貴營園林者競相移去暨遊時所存不過一二十株矣

亭法源寺看花過謝文節祠同伯兄蘇戡游崇效

寺觀紅杏青松圖卷晤芸敏聞蘭生有蜀道之行

重游天寧寺同道安同伯初家兄往極樂寺看海

棠潞河舟中黃浦登舟失足落水各詩登舟落水

者報罷歸至滬家君攜一僕先督行李上輪船先

母尙在客舍忽乃心傷悲不慙哭出聲同舍者大  
駭須臾家君倉皇歸乃知登輪後復返岸浪翻小  
舟欹遂墜水浮沈數十須臾纔援一篙而上也

五月半歸里

六月朔七弟

聲訖

生仍輯元詩紀

事在都門購回說郛正續集價四十金函海十六  
金 八月有寄呈寶竹坡座主五言古五十韻今  
不存寶先生有答書是歲成說文辨證十四卷

閔逢涪灘二十九歲

在家涪  
遊建甯

七月三日我海軍與法兵艦戰於馬江燬焉初法  
越粵敢沿海各省驛騷是夏法全力注福建攻瑕



也四月朝命翰林院侍講學士張佩綸會辦福建海疆事宜閏五月朝命前直隸提督劉銘傳著賞給巡撫銜督辦臺灣事務所有臺灣鎮道以下各官均歸節制是月法提督孤拔率兵艦來福州窺馬尾船廠初進入艘繼增至十二三艘任其出入莫之或阻臨戰又增一大兵艦我軍只揚武振威伏波飛雲濟安藝新福星大小七船蟻子船兩號船之大小堅脆又相去懸絕英美二國皆以調人自任給至戰之日未刻大雨傾盆法人礮聲作矣計我軍諸船俱燬惟伏波藝新損傷而逃法船僅

一焚一壞沈一雷艇或云孤拔受傷而死而馬江  
去會城五十里城中初未之知報捷者相屬於道  
夜三鼓當道猶在夢中天黎明逃亂者肩輿擔夫  
填咽城市矣諸大吏縮頭不敢出衙署林團練使  
案已革山西布政使林壽圖奉旨爲團練大臣在  
七月杪而福州紳士先時已羣推出辦團練矣  
獻策將囊沙塞各城門人心皇皇懼坐以待斃也  
家君令先母扶挈老幼暫避西關外保福鄉墓側  
家自與一力留家中先母生平未嘗執爨至是始  
學爲之六七人居一室木榻木案外清器虎子龍  
具彘盤之類雜然前陳乃知田家風味有如此也

是役也幼樵學士終以被劾查辦獲罪與船政大

臣何如璋皆遣戍總督何璟巡撫張兆棟皆革職

家君有七月初三後雜詩五首

案時惟福州將軍穆圖善尚守長門

礮臺法艦未敢徑闖出有將由梅花港遁之說故

第二首第二句云然後法艦竟奪路揚長而去當

路恐其復來乃議填港故第四句云然第三首末

句謂張學士有文祭陣亡者第五首言臺灣戰事

餘已詳

譜中 八月全家避地建溪之房村而葉丈損

軒先招大世駿卜居淘江

長青案亦名陶江實南港上流陽崎鄉去城三

十里地多種橘家君送大母往居編覽江鄉風景得七絕

句又有八月十三夜宿玉屏山莊損軒出讀西溪

詩長句一首房村為李畚曾年丈

長青案畚曾名宗言光緒壬午

舉人官江西西路鹽幫設關查驗處逸家君暫重  
廣信府知府

其事所居背山臨流正屋外有樓有別院有梅有  
桃登樓一望則竹樓記所謂沙鳥風帆煙雲竹樹  
也此地去建郡九十里郡中鹽幫請家君往遊觀  
劇徵歌流連數日早起放溜在船上假寐中瘴氣  
病熱瘧不食者十日委頓甚先母攜家護歸卧病  
百餘日臘月方大愈重游房村有除夕前二日與  
先母書今載先母平安室雜記中六姑母卒有木  
蘭花慢詞一闕哭之是歲有讀書雜感七首

旃蒙作噩三十歲

自建寧  
歸里

正月自房村歸有送李次玉遊武夷絕句云九曲

溪山我舊遊滯淫春雨幔亭舟獨留一角流香潤

讓汝題詩在上頭此詩集中漏刻

長青案次玉名宗禕宗言第官

員外是歲在家授徒鄭蘇堪年丈歸自金陵常過

從初蘇堪丈論詩專主漢魏六朝與家君多不合

長青案先生叙海藏樓詩有云初時持論若南山秋氣之相與高所謂否不稍假借至是丈

詩由大謝而柳州而東野出近作一册使家君圈

點丈以為不減漁洋之圈點蓮洋集因賦五言古

近體各一首為贈近體有知我只元龍句古體自

謂似顏延之北使洛作有起予有吾子清言時見

連坐令平生抱惘惘當風前等語

長青案此詩見石遺室詩話海

藏樓集

家君有蘇堪屬題其詩後即效其體五言

古蘇堪丈以為精進送蘇堪之天津五言律陳弢

菴閣學見之以為清剛

長青案先生海藏樓詩序云喜余送行兩五律屢誦

於陳弢菴又云余感君言作詩盤鬱於中者久其

出之也必有自耐咀味者乙酉後渡海遊臺北沂

江游湖南亦時蘇堪丈厲其洗銀營老屋池墺有

遂變其前詩小齋齋前百年老樹每夜劇談論詩盡二三燭而

去未幾陳閣學薦丈入李少荃相國幕厲書家君

所謂然燭對語遂成舊事此意黯然者也蘇丈工

漢隸臨褒斜道銘數巨幀為餉字大如斗弢菴戲

乙

言可伯仲伊呂伊墨卿兼呂呂西邨世皆福建

人工隸者是歲家君詩亦間作選體有六姊葬病

不克送愴然有作五古是歲治三禮學元詩紀事

粗成自作叙 八月左恪靖侯宗薨於福州初上

年七月朝命左侯督辦福建軍務年齒已高頗耄

昏拜命日奏陳於西太后曰臣此去必奏凱臣昔

日所放生之牛已託夢告臣矣太后大笑盖左侯

為總督時有牛將被宰突奔督署大堂跪乞命左

侯放諸鼓山者也至閩日團練大臣林壽圖往迎

林故以布政使被劾於左侯者也左侯見之間旁

人曰此人之字記似與穎考叔有合旁人曰渠字  
穎叔曰然則被參於我者尙來迎我故是好人又  
曰福建海味海蜇皮甚佳

柔兆閏茂三十一歲入都歸里  
泊遊臺

正月與林琴南卓芝南凌雲長青案後改名孝復  
登進士第官至湖南

按察使高嘯桐鳳岐長青案後佐東諸侯幕官至廣  
西梧州府知府入福建新通志

循吏傳諸丈赴禮部試至都寓五道廟旅館試後同

遊昆明湖摩挲金牛久之過海淀遇竹坡先生方

自西山歸已酩酊如習池山公矣南通張季直先

生來訪王可莊殿撰旭莊舍人來訪長青案季直  
名書甲午狀



元官農商部總長有張季子集可莊名仁堪丁時  
丑狀元官蘇州知府旭莊名仁東官江蘇知府  
都下所知多能誦家君近詩蓋蘇堪丈傳之也春

盡日有寄先母一書坵柳色黃詞一首今載平安  
室筆記中詞未載 四月十日竹坡先生招飲寓

齋出示遊西山詩卷遂分韻賦詩得徧字初晤伯

福壽仲福壽兩公子有詩二首歸途有綺羅香湘

春夜月八聲甘州高陽臺別蘇堪永遇樂寄蘇堪

諸詞 九月赴臺灣劉爵撫部之招

長青案撫部  
字省三平捻

功封男爵附官輪船至基隆有晚渡獅球嶺放船  
餘已見前

至水返脚乘月肩輿抵稻江五古一首至臺北大

稻埕寓李迪臣營務處善後局中長青案劉撫部

年九月實授福建巡撫先是撫部於六月十五赴

基隆法兵艦已陸續進逼礮臺下戰書定是早攻

擊臺礮只五尊臺旋被毀弁勇傷亡數十人法兵

上岸築營撫部台章高元蘇得勝曹志忠諸將分

路襲擊傷亡法酋法兵百餘人迪臣名彤恩福州

人開辦臺灣安平打狗兩海關出身以廣東候補

知府為劉撫部所倚任而湘淮軍黨派不合左宗

棠為欽差大臣督辦福建軍務派湘人楊岳武軍

門渡臺查辦以基隆失守劾劉撫及彤恩彤恩革

職劉撫革職留任旋以淡水塢尾之戰彤恩薦臺

人張阿火用土勇大破法兵梟其首而曉其腦法

人望而大哭捷聞開復劉撫彤恩不得開復阿火

叙獎守備改名李時劉撫部已督兵進勦生番於

成謂彤恩成之也

內山加九岸家君移寓撫墾幫辦林時甫京卿大

料嵌行臺者旬月撫部招往觀戰遂與京卿文案

郭賓石年丈名昌同往山路六十里千峯摩天迄無

平地作健步行輿夫四人昇空輿猶喘汗不止過

竹頭角麻裏翁諸兇番地長青案竹頭角地最險

我不出草速以牛來出草謂殺人伏莽意也至則短衣長揖軍門撫部

謂書生能健步若此殊不易惜生番已就撫無戰

可觀耳一宿先歸歸途過林京卿板橋宅園林幽

邃亦一宿去有行抵臺北內山加九岸記有自大

斜坎行達加九岸大營古詩三首案兇番名馬來

樟腦廠工匠共二十人梟其十九詩昧者一夜抵

次薙髮出降在大營與家君連床而睡林希村丈  
嘗戲言馬來詩昧可對以牛去  
禮明謂招撫生番則犒以牛也  
十月遷入撫部

行臺同事有洪蔭之大令熙長青案熙北江先生

諸撫部者後改名述何研孫比部年丈維棟案維

南道州人子貞先生姪孫光緒癸未進士選翰林

院庶吉士散館改刑部主事學問淹賅下筆敏捷

書法顏魯公書院則有林希村孝廉如主講席長

本其家學案如玉後改名長浙江候補知縣學過從頗不寂

問淹博駢體文在袁枚金應麟之間寘臺地暄暖冬夜蟲聲如春頗思家歲暮有雙雙

燕壺中天慢鳳凰臺上憶吹簫數詞寄家撰高逋

孫墓志銘

強圉大淵獻三十二歲在臺北

泊歸里

四月十第雍男生先母奉外祖母率聲暨諸兄弟

三十三百普二

二

渡臺寓臺北府城內行臺街東頭所居一高樓樓外有榭榭外有臺每海月東上開牕四顧彌望竹樹及稻田東南里許參差雉堞襯以遠山往往與先母夜談忽忽達曙時臺灣方撫墾內山番社臺人林蔭堂觀察朝棟故提督文察之子統土勇數營主臺中路頗招文士入幕郭咸熙年丈績昌王蘭生婦翁景長青案咸熙癸酉舉人蘭生原就其聘名懷芬辛卯舉人有秋影庵詩屯彰化萬山中終日瘴霧如濺婦翁則屢病與家君隔百餘里常書札相勞問瑣屑無一歡者有作文字則由驛遞加排單寄視家君是歲家君有晚

春閨思寄蘇堪寄蘭生大湖營次曉行至大稻埕

寄故山兄弟苦熱九日寄丹曾 哭劉紹庭

長青案紹

庭名大受癸酉舉人 送何研孫同年省親揚州得

江西知縣治禮學

愛蒼京師書却寄諸詩有齊天樂八六子賀新郎

徵招送研孫歸揚州諸詞研孫歸不久下世徵招

詞有縹緲見雲車是蓬萊歸處句見者以爲讖語

爲洪蔭之作肅陳閣學封翁六十文歲暮辭歸撫

部以四百金爲贖臘不盡六日季新九叔父病卒

叔父少家君四歲讀書極穎悟二十歲入邑庠爲

諸生兩赴秋闈報罷遂輕世肆志與二三損友爲

狹邪遊因染洋煙嗜好常大言自此物入中國能  
日吸二兩者惟張子青相國萬之劉峴莊督部坤一不  
才差可與鼎足而三耳既不得意則典鬻俱盡家  
君無力助數金無濟毫末數年抑鬱以死悲哉叔  
父詩才雋逸有所眷歌者天逝傷逝之作多淒厲  
不可卒讀家君曾錄數首於石遺室詩話及近代

詩鈔中

著雍困敦三十三歲

在家泊  
遊上海

家居柏林坊至四月窘甚先母有裙七盡入質庫  
他可知矣時朝命湖南巡撫卞寶第為閩浙總督

沈愛蒼嫻丈瑜慶將薦家君為典籤奏招先往滬上

俟之 六月附兵輪出廬沈丈所為攝教讀受業

者一女鵲一子鵲鵲字孟雅聰穎能詩文後適林

暎谷京卿旭著有崦樓詞者也時有鄉人林孝廉

某者卞督部廿年前撫閩時門下士泝江至漢口

迎之知沈丈將薦家君偽作沈丈函以自薦事諧

函告沈丈家君事罷論 八月歸里則四川學使

朱詠裳編修善祥湖南學使張鐵君編修嘉亨河南學

使陳芸敏給諫瑩瑒三處皆函聘總襄校家君以為

河南文風尚塞名勝荒廢四川山水雄奇而路險



遠獨湖南差近而文風蒸蒸日上張編修又以長  
函極道洞庭衡嶽天下偉觀江湖會左中興偉人  
必有人士文章繼起者夸示之以要其必往家君  
乃辭豫蜀而就湘 九月次妹師葛生字曰月采

十月與陳弢菴閣學年丈會於許豫生丈處長青

案中法之戰陳閣學會辦南洋軍務以力保唐炳  
徐延旭可大用二人敗岷原保大臣降五級調用  
適丁內艱是日許豫丈家慶家君為駢體壽言首  
歸遂不出

云夫粲粲門子白華補六篇之詩蛇蛇碩言彤管  
取三章之義張菴丈甚賞之旋鬪詩鐘首唱為爭  
出二字家君一聯云爭此一墩兩安石出人頭地

幾東坡弢庵丈取第一弢庵丈句云出花寒蝶休  
迷路爭粒山禽未息機家君取第一

屠維赤奮若三十四歲

入都泊  
遊湖南

二月同二世父沈丹曾表兄入都寓驢馬市旅館  
二世父赴大挑丹曾亦公車也闈後多觀劇醉歌  
者所所常往來者王可莊丁叔衡鄭蘇堪陳幼蓮  
陳弼宸沈愛蒼諸丈長青案幼蓮名宗濂辛未進  
士官汀蘇候補道弼宸名與  
岡庚辰進士官編修曾典試山東叔衡名  
立鈞丹徒人庚辰進士官沂州府知府  
三月  
十弟殤於家家君得信甚痛惜之初弟生九月家  
君方自臺北歸弟一見喜躍就抱持弟面目開朗

極可愛以貧故次年六月卽斷乳秋遂病漸消瘦  
竟以不育悲哉時移居西門街劉宅第三進 四  
月揭曉薦而不售出都回家住一月五月杪攜一  
僕赴湘一路有江行日記有江上望蘆洲江行舟  
中聞蘇堪考取中書寄調江中回望金焦二山牛  
渚懷古牛渚望青山遙題采石太白樓過馬當過  
黃州過黃鶴樓下晚眺晴川閣遂登大別謁禹廟  
諸詩抵漢口換坐壩干名船帆船宜東北風大暑無  
之自漢口至長沙約八百里行十九日始至白螺  
山才三百餘里耳一晚風大作次日遂抵長沙有

楚江二首阻風白螺山謁吳大帝廟東北風大作  
舟過岳陽樓下不得泊遂渡洞庭詒詩時學使者  
方考長沙府屬文風極盛闔郡生童卷萬有八千  
閱卷者六人家君總其成無一卷不經眼者取者  
必有數大圈不取者必有數大點鐵君丈慎重試  
事校文如赴饑渴愛士如護性命慎黜落如決獄  
之恐失入一郡屬經古場發題百數十道分經史  
小學輿地掌故兵謀算術詞賦各門治經者分習  
各經又分今日文若詩齊魯韓毛尙書伏歐陽夏  
侯孔馬鄭諸家大畧鐵丈主史學地理各門家君

主經學小學詞賦一府治試二三十日鐵丈夜閱  
卷往往達曙尼家君共之鄉試號舍僅萬有奇應  
試者萬七八千人錄取遺才府縣學生當十擯其  
三太學生當十擯其四去取尤不可苟襄校者多  
假歸應秋試家君獨任其勞益以觀風著作多厚  
盈寸線裝數冊鄉闈後校經堂及各書院試卷又  
如束筭如小巨矣家君目力過用受傷湖南又酷  
熱潮濕有逾福建遂日疾大作流汗如漿如糊幸  
得良醫善藥不數日而愈如是者兩次所得士若  
湘鄉李希聖常德戴德誠辰陽李馥善化饒

智元任元德鳳凰廳熊希齡等

長青案希聖字亦元王辰進士官刑

部主事有雁影齋詩擬桓溫責王猛書傳誦於時  
德誠長於經學展誠進士官學部參議馥長經學  
智元字識三長史學官候補道為袁項城所殺元  
德治儀禮說文甚精熟中西輿地之學能背誦注  
疏及乾嘉諸儒經說嘗在場屋中作釋或經義或  
乏干餘言希齡第進士官至民國總理治事或詞章皆一時才俊之尤者校士錄出土林  
爭購以為命題閱博即得未曾有也幕中有某明  
經本長厚人因與鐵丈有意見往往勒帛試卷鐵  
丈則大戚袖數卷訴於家君謀補救家君就其勒  
帛處連環之則大喜鄉闈後諸生多錄闈作送閱  
皆歸家君評隲一日又袖數卷請評因曰曩者君

所評雖甚褒嘉然皆未決其必售今此何如家君  
閱畢曰向者文雖佳皆未必售此數卷售必矣揭  
曉果無不售者一日問家君曰卷中有連用明斤  
二字者何謂也家君曰此不詞也明明斤斤出爾  
雅釋訓何得只摘一字連用之鐵文曰君真博雅  
因袖出一卷裏校者於二字旁加小勒帛考生粘  
一紙其上曰二字出爾雅何以不知家君曰吾請  
爲君批駁之批云子只知此四字出爾雅尙未知  
爾雅本詩經之斤斤其明何得單舉明斤二字連  
用之是謂不詞似此狂妄本應發學戒飭姑饒初

次在長沙遊定王臺賈太傅祠岳麓山岳麓書院  
愛晚亭皆有詩 十月出棚至岳州巴陵縣有一  
卷襄校者已置三等矣家君拔置一等第一後鐵  
丈忽衣冠來向家君長揖曰此生已考七次一等  
第一非君識拔則抑置三等公論譁然矣屢遊岳  
陽樓樓在城垣上前臨洞庭眼界空曠家君以爲  
勝黃鶴樓遠甚有用杜韻一詩同人遊君山有記  
遊小橋墓有四絕句 十一月由岳州出棚至澧  
州大舟數艘緣洞庭湖邊港行忽出大湖忽入小  
港蓋西湖數百里已漸淤水極淺不可方舟不然



遇順風一日夜可渡也十日始達一路經圖山琴  
棋望冷飯洲諸處蘆葦林立蔽虧天地鴻鴈萬千  
水次人屠殺其十之三四食且賣之到處血肉狼  
籍而飛翔悲鳴不能去世之謀稻梁而不避危險  
者其可哀不猶是哉有舟過冷飯洲變君學使阻  
風琴棋望長歌和韻二詩先是由岳州開船颶風  
忽起巴陵縣供張船阻風夜二更始至數艘人皆  
終日不得食家君素極健啖至是同幕者皆戲家  
君曰餓虎不可近當使專一席我輩十數人共一  
席可也已而家君竟獨盡一席之肴考至常德經

古場龍陽縣有一生考詩經原場兩題皆敷衍無  
心得覆試三篇皆極精博時家君將北上已束裝  
矣因告鐵丈此必鈔襲來者鐵丈曰爲我留一日  
吾當查獲真贓其夜告家君曰果然某篇鈔某書  
某篇鈔某書無一自作者在澧州有仙眠洲懷李  
文山多安橋弔車武子詩 十二月至常德爲沅  
水入湖處沂流則經辰州靖州以達貴州武陵桃  
源常德屬縣產桃源石蓋所謂石似玉者



侯官陳石遺先生年譜卷三

門人王眞續編

男 聲 暨 編

門人葉長青補訂

上章攝提格三十五歲

自湖南入都泊在上海

正月元宵後家君將北上由常德取道公安石首陸路行四日過虎渡河至沙市第一日遇大雨輿中及行李盡濕二日大雪三日西風勢面四日晴旅店飯非炊非煮用鐵鍋燒熱將冷飯倒入乾炒之亦不用油味似焦似饘夜宿忽聞床頭有豕聲

則隔一破壁也客路之苦如此沙市與荊州隔一  
河晚到次日卽附輪船行都未登眺將至漢口船  
擱淺四日不得行水涸時此路往往如此有歸途  
望大別山記自九江至湖口舟中望廬山用孟韻  
江上望彭澤縣二詩彭澤全縣排山上城市民居  
厯厯可數真所謂江城如畫裡也 二月至都寓  
沈愛蒼丈宅張季直來會是科卷在沅陵馮莘垞  
給諫錫仁房首薦於孫尙書汝馮公評語揚之太  
過復探中否至三四孫公疑焉已中矣改挑取臈  
錄簽分國史館馮給諫與可莊丈同年屬家君往

見謂湖南襄校甚勞勸改就上海製造局幕爲薦  
於劉康侯兵備麒劉公湘鄉霞仙中丞蓉子也家  
君函告張鐵丈商進止鐵丈復書畧云自公之別  
如處幽而去其燭如涉大海泛萬斛之舟而不得  
舵師足下聞之能無動念倘能大發慈悲翻然思  
息壤在彼再見於岳陽樓上固所願也如其不然  
僕將令湘士效華元之於子反鍾建之於季芊刼  
足下以來云云而第二書又云足下家累重學幕  
薪薄事繁摯好如吾兩人必責諾足下使辭十萬  
而受萬心所不安則前言亦所謂戲之耳遂留滯

上劉公聘兼方言館漢文教習始識桐城蕭敬甫

茂才穆道州何詩孫副貢維湘鄉成子晉郡守希

葛心水布衣道湘潭胡式清布衣登湘陰胡浴生

大令長青案敬甫先生長目錄之學曾文正派充

經解續刻古文詞彙纂材料多取資於敬甫詩孫

子貞先生長孫心水長算學三省黃河圖由其測

量 七月移家至寓高昌廟有村居江上已近重

陽輒用東坡霜風漸欲作重陽作起三首長青案

正集二首重九日席上食蚶二首晚食題山谷梨

花詩後數詩 十一月遊金陵寓愛蒼丈所時丈

蘇候補道總辦水師學堂

有晚登雨花臺雪後過莫愁湖詩是

歲治禮學成攷工記辨證三卷補疏一卷刻之攜  
聲暨

入方言館課讀習舉業兩弟則先母在家課

之取山谷尺牘語顏所居曰戴花平安室自書之

重光單闕三十六歲

海在上

屢遊金陵有遊後湖過半山寺題楞嚴菴莫愁小

象詩仍治禮學撰周禮辨證後孫仲容比部年丈

詒讓

長青案仲容先生瑞安琴西先生子

同治丁卯舉人精攷據著述甚富 聞有是

作寄書將以所著周禮正義就商榷未果後孫年

丈沒久之正義始出版家君為糾正數十條增在

辨正中是歲多作文有書先君子遺事書先妣事



書仲容六姊事時物力尙賤米價一石僅二餅金  
有六角然館穀薄不足用則益以授徒賣文居停  
主人命其子來請業又新寧劉峴莊制軍坤方督  
兩江長江上下多湘人居停爲廣招徠凡稱觴諛  
墓之文歲百十篇篇不過三十金至五十金然以  
當時物力與近日較之三四十金可值一二百金  
矣旅食賴以不困又文皆散體數時許可成一篇  
若要駢體則非百金不售記一年偶連作三篇壽  
言篇百廿餅金葉損軒文勸以三百餅金買國史  
館功課可議叙優先班知縣家君勉從之厥後卒

不爲此官家君嘗自嘲低文不應售高價也又嘗  
自言壽文皆草草酬應之作不足存故集中絕不  
刻一篇一日愛蒼文招至金陵爲某道員撰壽言  
壽兩江督部沈秉成其夜家君主愛蒼丈秦淮水  
榭忽有腹疾屢如廁踰時成千餘言口念使愛蒼  
丈錄之家君自笑真歐公所謂作文在三上矣一  
夜正在金陵居停劉觀察電促歸作某達官壽言  
並要駢文次夜至滬大雪彌天卽挑燈爲之脫稿  
五鼓矣當時精神饒富如此是年先母草創列女  
傳集解有龍華鎮看桃花七言古是秋婦翁王蘭

生丈舉於鄉久屈忽伸家君為喜甚

玄默執徐三十七歲

歸里游  
在上海

正月十九日丁先大母憂家君自元旦起心緒作惡不可名言行坐不寧元宵後尤甚十八夜四鼓家君忽從夢中驚呼曰母親死矣先母亦同時驚呼醒所夢同知必有異披衣起剔燈須臾打門凶電至矣心血感動如此先大母春秋已高自季父貧病偃蹇死悲痛太過形神懣悅頗有心疾全賴大世父知醫世母飲食衣服日夜照料幾十年於茲幸無大恙卒之夜食挂麪稍多痰湧未幾遂棄

養家君候輪奔喪歸 四月葬先大母畢復至滬

奉外祖母來居是歲無詩成禮記辨證五卷許豫

生文注吳山尊鼎所選入家四六若干卷刻成寄

示家君見其闕誤甚多為補正數百條家君少好

芸敏葉損軒二丈皆以淹博稱芸敏不知特健藥

家君告以出輟耕錄損軒不知寅哥家君告以出

志雅堂雜鈔若入家文中之霍虎出說苑若瑾出

墨子天夫乘火出太玄經設妃若廟樹子若社出

大戴禮烏頭可帝出莊子之類並作一駢體叙還

非甚僻書人不留心自不記耳之叙歷言注家之病盖有十數一時傳誦徧大江

南北嗣家君又補出多條寄許文勸將原往誤者

刪去補注併入重刻家君不居其名引鄭康成舉

左傳注贈服虔已不出名故事爲例後許丈未果行而坊間將二注合印傳布萬本非家君所欲也

昭陽大荒落三十八歲

在上海

時葉損軒丈司讞上海縣過從至密有題損軒吳門集後絕句次損軒韻七古雨後訪損軒絕句損軒治訓詁有年家君七古末韻云君看經師出大令金壇曲阜雙嶙峒損軒丈和韻亦用令長治小學者二人云浹浹令長雙嶙峒蓋許叔重爲浹長呂忱爲浹令也 三月回福州與大世父相聚者二十餘日讀客冬大雪大世父與歿菴丈疊韻諸

作亦追和一首蓋吾福州距同治乙丑二十七年  
無此大雪矣時龔藹仁布政圖易新營城北環碧軒  
城南芙蓉別島皆擅水石林亭之勝屢於二處觴  
家君別後寄題一絕句 九月福建秋試揭曉愛  
蒼丈女夫林旭爲解首旭字暎谷少孤學爲詞賦  
出語驚其長老喜瀏覽羣書家貧閱市借人人見  
其強記樂與之初愛蒼丈絕愛其女孟雅鵲必欲  
以字佳士省墓歸從暎谷塾師觀其文字異其博  
瞻見其少不颺意猶豫以孟雅家君女弟子也商  
於家君家君以爲才士難得遂決妻之舊歲就贅

於金陵過滬來謁家君未遇投所作詩文去遊武

昌徧識一時名流若陳右銘伯嚴父子梁節菴屠

敬山之倫

長青案陳寶箴字右銘義寧人官至湖南巡撫陳三立字伯嚴號散原官吏部

考功司

主事工詩古文詞梁鼎芬字星海號節庵

番禺人

翰林院編修以言事降五級調工詩後官

至湖北

按察使屠寄字敬山武進人庶吉士

散館為知縣

工駢體文著有蒙古史百卷

聞墨出傳誦天下絕不似未冠人所作噉谷最服

膺家君詩誦不絕口尤喜後湖半山寺莫愁小像

諸近作

閱逢敦牂三十九歲

在上海

正月回福州省兄 二月復至滬有歲朝損軒見

過繼之以詩余已還山來滬後次韻奉答至滬寄

伯初家兄二詩林贊虞丈

名紹年甲戌進士由編修轉御史以直言敢諫

聞由御史出知雲南昭通府過滬相聚累日有絕

句三首送之官書便面上丈過武昌謁張廣雅督

部之督部見詩至為激賞

長青案先生呈督部詩所謂長句曾邀歎起予

也者 余家在高昌廟賃屋而居屋皆幾樓幾底隙

地甚小春買牡丹栽之秋則種漢宮秋雁來紅老

少年之類數根而已是年居停始騰出官屋借居

之屋前後兩進皆三間中庭甚廣有老梅梧桐芭

蕉添種桃杏數株旁臨大河隔以疏籬緣以金銀



花有魚步可從汲水屋後空地地方十數丈旁舍數  
間有古冢雜花蔽之居停使其掌書記湘鄉李茹  
真大令為題小浣花草堂橫額家君作小記後失  
之矣 五月愛蒼丈出貲代刊元詩紀事賦詩為  
謝時愛蒼丈權鹽宜昌常來滬上夜涼常過宿劇  
談有用損軒韻送愛蒼還夷陵旬月嗜睡偶讀石  
山四絕句每首摘其二句續以二句書孫仲容古  
籀拾遺後寄仲容兼謝札遙之贈各詩是歲申日  
敢覺海氛甚惡 九月朝命劉峴莊督部  
時總督兩江  
督師出榆關所統凡一百四十營奏請馮莘垞給

諫總營務處移湖廣張廣雅督部權督兩江廣雅以愛蒼丈嘗侍文肅公於兩江旣聞江南政治人才檄總辦籌防局愛蒼丈薦葉損軒鄭蘇堪二郡丞均檄充文案委員督部詢及家君欲使掌書記家君以不能爲四六辭愛蒼丈乃爲言陳某家貧已久客蘇松太道許館穀較優督部因言然則俟吾卽眞再請之時大世父已老愛蒼丈強使出遊聘入籌防幕家君因屢至金陵與林暉谷李拔可長青案拔可名宣龔甲午舉人官江蘇道員時拔可尊人次玉先生亦客籌防局拔可新舉於鄉將由此徧尋白下諸勝有雪後遊靈谷寺絕句遊燕入都

子磯騎馬往至弘濟寺家君言磯石作欲飛勢方

知樊榭絕句之工

旃蒙協洽四十歲在上

舊臘挈聲暨及門生錢仲德家在金陵度歲長青

生詩所謂兒子歲朝六日歸滬上有拉雜書事寄

伯初家兄並視愛蒼頡言時事有五言一首贈晚

翠晚翠林旭之號有雜感五言絕句十七首皆言

時事 三月入都有試禮闈畢寄伯初家兄江南

七言律蓋不踏軟塵六年矣與方雨亭家林琴南

卓芝南高嘯桐諸年丈上書都察院爭遼南割地

事書家君起草投入不報

長青案家澍侯官人光緒壬辰進士廷試第一

人翰林散館改兵部主事又改授桐鄉知縣人福建新通志循吏傳

五月歸滬上

梁節菴寄扇及橫幅報以詩又送程生芷庭

祖慶赴

德國兼訊朱生聽濤

長青案二人皆方言館高才生

送葉覲俞

琛大

丙戌進士由主事改浙江知縣

同年歸里復至金陵有自利涉橋

步至青溪望鍾阜詩顧石公學博

雲

招飲薛廬廬

在清涼山下烏龍潭旁薛慰農太守

時雨

主講惜陰

書院時門弟子所築石公上元諸生薛高足著有

盜山詩文集故寓此飲量甚洪坐有梁節菴蒯禮

卿檢討

光顧印伯舍人愚印

皆大戶極飲爛醉節菴

不列之云言

腰腹既大歸途轉側轎中扛折人墜地長青案禮卿台肥人

癸未進士下筆動千言印伯華陽人已卯舉人能詩善行楷張廣雅門下士後改官湖北知縣是

日石公出其先世忠貞錄求題家君題一詩亡之

矣為善化饒氏女撰墓銘

柔兆澗灘四十一歲在上海

正月遊金陵歸過京口宿茅子貞茂才宅曉起同

遊北固金山有七古二首遊北固詩頗譏諷時事

時某督議以長江歸英國保護以抗日艦三月為聲暨授室王氏蘭

生外舅長女也就贅福州 寒食日有用昌黎寒

食出遊韻寄伯初家兄詩是歲中日既媾和劉峴



莊督部回任兩江張廣雅督部回任湖廣愛蒼丈  
權鹽大通仍要大世父參其幕此詩寄大通大通  
古池州故多用池州事清明日次山谷過家上冢  
二詩韻寄仲常家兄 四月 聲暨 來滬俶田內兄

名我賦能 同來乞為外舅作詩叙家君為撰墓志  
詩早卒

九月挈 聲暨 至杭州寓豫生許丈處日同往西

湖文瀾閣鈔書補緝元詩紀事林迪臣太守 名啟 侯官

人丙子進士由編修轉御史出守勵 命校官孫叔  
精為治杭人葬之孤山置林社祀之

和 禮樹 幫同檢討家君及 聲暨 各鈔數千字傍晚而

去午飯則於樓外樓數日畢即歸有重至西湖歸

來寄嘯桐詩紀其事是歲作詩較多戲作飲酒和

陶十首放言向茹真

李嶽衡湘鄉人諸生自江蘇知縣善書

乞酒兒

乞酒歸再得一絕句答豫生寄變君茹真送笋及

菜放言報之各詩

強圉作噩四十二歲在上

正月忽得一病其始每日頭微痛一時許即愈數  
日後坐立稍久則頭項漸低背呂漸屈幾有李後  
主牽機之勢卧下則伸如常人中西醫診者多人  
下藥皆無效有一醫者以為病在肝陰一日家君  
忽自念病必在督脈當可服肉桂因商諸醫者醫

者曰然哉然哉須往蔡同德號購其最上者日細末三釐用舌頭舐而吞之黏在口齒者用湯半匙送下如法行但覺一股辣氣透項背須臾吐冷痰極多如是者三次筋脈舒項背直矣蓋累年住高昌廟去租界十餘里往往爲卜夜燕集三四更坐小車歸大率月居大半自恃體健嚴冬亦然寒氣所中積背呂久久乃發脫非上等肉桂幾不採然肉桂釐三餅金三日費二十七餅金皆聲暨往購詰其直何昂乃爾曰此物最上等者亦不常售稍閣置則陳而不新無用矣難得有賜顧者一切皆



取贏焉耳幸別有售者貨稍低而直廉甚三十餅  
金購一大塊恐寒氣未盡尙需此也一日脊背又  
稍覺欲屈急卧下刮桂末約一二錢服之痰立湧  
出須臾吐百十口積冷盡矣自是日食暖補物自  
參耆薑附等藥以及鷄羊朮米桂丸之類約百餘  
餅金而體氣一變後三十年未嘗卧病小病皆服  
涼劑時居停卽真蘇松太兵備道道屬九書院官  
課各種卷不下萬本專聘家君評閱春季方事之  
殷適卧床不能起坐則卧閱之令聲暨坐床前旁  
置小案設筆墨紙條家君閱一卷取者蘸筆加數

大圈不取者加數大點口念評語使聲暨書之但

閱數十卷人便覺疲急濃煎三錢高麗參湯吸下

則又可閱一百卷不疲如是日數次十餘日乃畢

一日有饋遼參者試服之則頭飽悶難受急食蘿

蔔湯乃已蓋煖補已足矣一日頭忽又飽悶欲痛

往醫者巢仲山問之曰君服煖劑已稍過吾開一

方頭悶時服卽愈可數十年用則生首烏蔓荆子

雙鈎鈎明天麻小胡麻黑芝麻杭白菊諸味皆去

風熱者也後果然 七月同鄉陳敬如副將季繹

如孝廉壽彭兄弟與洪蔭之大令祖述數人集貨開辦

求是雜誌月出三冊多譯格致實學以及法律規

則之書

敬如丈精法文充出使大臣參贊  
釋如丈精英文舉人官海軍部

林暎谷

孝廉以爲非家君秉筆修飾潤色不可遂公推作

主筆家君序痛言中西交涉以來種種受虧率坐

闇於外情慙挾其痛癢所在傳誦萬紙益以每冊

皆有論說風行一時捐貲助刊預購者麀至挈聲

暨日至館校理如是者半年家君去而雜誌停矣

八月居停劉兵備瘵疾卒家君有縣令不爲久

居此七八年不去者少之宦情讀高適還山吟每

爲神往而故鄉無可蕪之田園留戀江湖聊當煙

波釣徒浮家泛宅耳每誦邱遲與陳伯之書暮春  
三月江南草長一段輒復蹉跎不悔 臘月不盡  
三日庭梅方開徙倚長廊吟望忽叩門送武昌電  
報發之則梁節菴代廣雅督部傳語久切饑渴欲  
請新正到鄂一談立促覆電而蘇堪丈處又送電  
至則廣雅讀求是雜誌上文字必欲晤家君知蘇  
堪丈同年攀好長電話相邀有文章光明俊偉讀  
之使人神王等語遂電復開正有江輪卽行是年  
止存詩五言律一首題爲村居移梅二樹開花粲  
然 是歲成尙書舉要七卷

不遠夕生言

三

侯官陳石遺先生年譜卷四

門人王真續編

男聲暨編

門人葉長青補訂

著雍闍茂四十三歲入都泊在武昌

正月五日攜一僕赴鄂九日至主梁節庵丈寓廣

雅約次日遲明見節庵為備飯備輿至節署則儀

門以內庭燎光徹大堂主人已衣冠候於花廳門

內廣雅長不及中人而廣額偉鼻目三稜有光髯

及腹行坐揖讓儀觀秩然自黎明坐至日午勺水

十得衍故又問何以字叔伊答以小名尹昌故又問攷工記元詩紀事外尙有何著作答以周禮禮記說文各辨證說文舉例尙書舉要皆未梓又問在上海館穀外更有何歲入答以授徒賣文又問在上海久所識海內有學問之人必多鄙人所未知者能分類舉其最優者否答以散體文有直隸新城王樹枏義寧陳三立駢文有武進屠寄秦州朱銘盤攷據之學可信者有瑞安孫詒讓善化皮錫瑞當皆老帥所已知

老帥者當時僉以此稱廣雅也樹枏字晉卿直隸新

城人丙戌進士官至新疆布政使工詩古文詞有  
文莫室集銘盤字曼君泰興人壬午舉人工駢文  
有桂之華此外尚有浙江章炳麟號太炎餘杭廣  
軒詩集

雅聞至此即大不謂然曰梁啟超文字宗旨頗謬  
然尚文從字順章某則並文字亦怪異矣足下何

數及此人答云章某能讀書實過於梁老師似未

見其左傳著作後家君入都聞廣雅召章君至月

甫方以忠君宗旨取稅廣雅章君識強甫乃與昌

言革命強甫詰其先代有仕者何得強甫以此言章君

言此為強暴所污耳子孫當幹蠶強甫以告節庵

節庵以告廣雅廣雅當逐此人否則上聞廣雅

辭章君贈以五百金購其左傳撰稿節庵復扣留  
其款章君狼狽歸至滬至杭覓家君皆不遇留書  
而去故於是橫風打斷言他事忽論及桐城古文  
知之詳



姚視方何如答以姚雖言攷據義理詞章三者缺一不可然方根柢遠過於姚人皆謂姚勝方衍謂方勝姚卽惲子居亦勝姚惟佞佛無謂耳廣雅頗以爲然又談及蘇堪詩甚爲稱許惟言所見不多答以趙甌北評元遺山詩學不甚博才不甚大惟以精思健筆夏夏獨造蘇堪似之後遂談求是雜誌事可以棄彼就此此間亦擬出一雜誌因此言及陳季同之爲人答以季同不修邊幅濫用錢有之然未嘗媚外薛叔耘忌之其言不可信也餘瑣屑不能盡記廣雅服御樸儉外袿貂皮將禿炕墊

紅呢破稻草見焉次日家君上七言律二首是夕  
廣雅招飲大圓卓白木無漆罩以舊白布而已同  
席者節庵外有王雪澄觀察隸華陽人癸酉舉人  
熟目錄之學王捍鄭主政俊仁字幹臣吳縣人甲午  
進士改庶吉士散館改吏部著作甚富皆廣雅門  
下士朱強甫茂才克嘉興人命雪澄騰出紡紗局  
官屋三進爲家君卸裝地坐間廣雅言中國自大  
創於日朝廷厲行新政然起行必由於坐言擬稍  
集留心時務者研究政學庶有裨於萬一次日來  
答拜使節庵道達誠意請本年起留鄂辦理一切

新政筆墨暫任官報局總編纂鄂中度支不足月  
先致薪水百金勿棄菲薄諾之乃函辭滬館廣雅  
遂檄雪澄觀察爲官報局提調派捍鄭強甫幫同  
辦理筆墨捍鄭薪水七十金強甫五十金時節庵  
爲西湖書院山長調兩省高材生分科教授實具  
學堂性質經史輿地外兼有測量槍操各門功課  
又次日節庵招飲兩湖書院院正座居兩小湖中  
一名墩子湖一忘其名大門內兩邊長廊抱湖向  
北進學舍書庫在焉正座一大講堂堂上大樓兩  
旁分教各員室正座後兩廊抱湖亦如之是日識

楊惺吾名守敬精舊輿地之學宜都人同治壬戌  
 相近自號鄰蘇著有歷代地理沿革圖水經注  
 水經注要刪曾隨何如璋使日本值維新伊始唾  
 棄舊學書所有善本惺吾賤價得之滿載海船馬  
 歸黃州有大屋充棟焉在書院分教舊地理  
 季立名貞榆順德人豐為學長治經兼采漢宋季  
 立受尚書禹貢春秋左氏傳在書鄒沅颯名代鈞  
 院分教經學後奏授翰林院待詔鄒沅颯名代鈞  
 叔績先生漢勛孫精新地理陳善餘名慶年鎮江  
 之學在書院分教新地理陳善餘名慶年鎮江  
 教諭在書院陳仁先名曾孫新科拔貢生能詩飲酒  
 分教史學陳仁先名曾孫新科拔貢生能詩飲酒  
 溫諸人節庵尚能豪飲以方三寸深二寸小斗飲  
 克諸人節庵尚能豪飲以方三寸深二寸小斗飲  
 盡八九斗夜深散仍回節庵寓節庵精治饌最嗜  
 魚翅家君即用其厨宴節菴拚酒大醉其表弟龍

伯鸞秀才鳳鑣順德人刻知服齋叢書數十冊雕  
版頗精贈家君兩部是日在坐數日移居紡紗局  
王雪澄觀察招飲於織布局初廣雅在文昌門外  
江邊躬設紡紗織布纜絲製麻四廠皆雪澄爲總  
辦絲麻二廠未開工先開紗布局其辦公處統於  
布局故紗局屋空也數日廣雅令擬開設官報序  
言一篇又撰時務論說二篇廣雅甚稱許 二月  
廣雅忽使節菴促入都會試登第後早來辭以無  
意科名不悅謂尙未中年豈宜過於自廢不得已  
遂請假廣雅節庵雪澄排日飲餞有再至西湖書

院視節庵詩廣雅平日出言極斟酌偶有未當已  
隔數句矣將前言重提起謂頃間所說不是如彼  
乃是如此家君嘗謂廣雅不但文字有添註塗改  
言語亦有添註塗改然可見其爲人不苟矣獨餞  
家君畢送出乃云此去狀元及第好爲文文山期  
許之重不覺其失言矣歸至滬知聲暨及二弟聲  
漸三弟聲被皆考入北洋大學聲暨不往兩弟往  
三月入都寓爛麪胡同蓮花寺大世父以選人  
至同住時海內言變法者蜂起公車集輦轂下尤  
人人晁賈蘇王矣康長素梁卓如外若宋伯魯楊

深秀譚嗣同唐才常陳虬宋懋之倫遽數不能終  
 林暉谷先以援例為內閣中書到衙門京師強學  
 會興日奔走其間與張鐵君等興閩學會與王書  
 衡張菊生等興通藝學堂長素寓上斜街有所謂  
 萬木草堂者梁卓如麥孺博諸人日夜論議方上  
 萬言書開保國會長素原名祖詒南海人改名有為成乙未進士官工部主事著  
偽經考詆古文專信今文繼與其徒梁卓如等言  
變法遂有戊戌之禍卓如名啟超新會人已丑舉  
人後號任公伯魯陝西人深秀字漪春聞喜人嗣  
同字復生瀏陽人才常醴陵人虬恕温州人皆文  
士魁傑書衡名儀通後改式通汾陽人官至推丞  
菊生名元濟浙江人翰林院編修孺博名孟華廣  
東人  
 東瞰谷聳於其說又日至家君處談藝談國事家

君語以子向習詞章經濟非所長時局會有變盍  
姑少俟既下第強使出都同遊杭州廣雅與湖南  
巡撫陳右銘寶箴皆欲致之而中朝方令京外大  
員薦舉人才翰林學士王錫蕃薦之召見特命與

楊銳劉光第譚嗣同以四品卿銜充軍機章京參

與新政

銳字叔嶠綿竹人丙子舉人光第字斐繁  
村富順人進士嗣同父官湖北巡撫

然有所更張十日而四章京之難作矣方家君之

在都也朝命廣雅入覲將使入閣廣雅聞召即行

至滬朝命止其來則常熟翁叔平師傳同龢

咸豐丙辰

狀元官至大學士戶部尙書軍機大臣  
臣以帝黨爲西后罷斥後追諡文恭  
沮之時景皇



方親政常熟方在樞廷也家君出都至滬船上謁

廣雅廣雅言還鎮亦好子可速來 閏三月家君

以寓滬八年未同先母至杭州今將他適遂同往

有三至西湖同道安二律時琴南嘯桐鄭稚辛名

禮蘇堪文弟諸丈與瞰谷拔可相繼亦至 四月

至武昌仍寓紗局有江行黃州望月寄伯初家兄

詩先母隨後攜葛妹至寓文昌門內大街聲暨與

婦及七弟尚寓高昌廟時大世父以謁選太早南

歸亦寓聲暨處家君所遺廣方言館教習一席館

中提調請大世父庖代 六月大世父往正陽關

愛蒼丈處丈早調該關榷鹽也

聲賢

挈眷赴武昌

移居豹頭堤堤在督署旁屋頗高敞花廳有花木  
外有空園武昌夏曠本至酷以臨江一帶自漢陽  
門平湖門文昌門至望山門城皆西向江水一曲  
抱城陽燄自朝至暮曬成千萬斛沸湯此氣熏蒸  
至夜未退也是夏尤其甚家君至畏熱夜張大牀空  
園中鋪竹簟露宿如是者月餘武昌城內多小湖  
皆種白蓮花一文錢一朶日中買數十朶插瓶夜  
半聞香則盡開矣黃鶴樓亦向西不宜夏冬又西  
風淒緊賴有西日漢陽晴川閣龜山皆無足觀桃

花夫人廟亦不存鸚鵡洲徧地竹木廠惟伯牙琴  
臺高臨郎官湖環以萬荷稍有涼意有沈乙盦招  
遊月湖夜話達曙詩乙盦丈名曾植字子培嘉興  
人嘉道閒鼎甫侍郎維鏞之孫侍郎曾督學福建  
林文忠公則徐郭遠堂中丞柏蔭皆出門下屢持  
文衡廣雅父爲其分校會試所得士乙盦丈庚辰  
進士官刑部郎中總理衙門章京博極羣書尤長  
史地與順德李若農侍郎文田桐廬袁爽秋太常  
昶論學最相契工詩近澀體蘇堪丈亟稱之嘗自  
謂吾詩學深詩功淺深者謂閱詩多淺者謂作詩

少也因丁丙艱廣雅聘爲兩湖書院史學分教至  
亦住紗局西院始相見乙盦丈諦視家君名刺曰  
吾走琉璃廠以朱提一流市君元詩紀事者今日  
始相見自是多聚夜談至三四鼓索其舊作則棄  
斥不存片楮矣家君因謂君耽史地吾亦喜攷據  
其實皆無與已事詩文却是自己性情語言且時  
足以發明哲理乙盦丈因言吾夙喜張文昌樂府  
山谷精華錄而不輕詆前後七子家君進以宛陵  
乃借宛陵集亟讀之武昌既酷熱廣雅又喜夜談  
每約家君及乙盦節庵雪澄捍鄮諸人集織布局

廣臺上露坐夜深乃散集必有酒肴當時物力尙  
廉一席以四餅金爲度廣雅不多食葷饌多食水  
果酒黃白俱備終席食飯一小盃粥一小盃或饅  
頭一二一夜指白酒間坐客燒酒始於何時家君  
曰今燒酒殆金元人所謂汗酒廣雅曰不然晉已  
有之陶淵明傳云五十畝種秫五十畝種稻稻以  
造黃酒秫以造燒酒也家君曰若然則大酋之秫  
稻必齊月令早言之矣廣雅急稱秫稻必齊者再  
曰吾奈何忘之其虛已不護前如此 八月北京  
政變言變法者多獲罪先是那拉后雖歸政景帝

自居頤和園而用榮祿爲北洋大臣某爲步軍統領袁世凱練兵小站兵權皆在握也而景帝珍妃瑾嬪皆編修文廷式字芸閣萍鄉人庚寅榜眼女弟子珍妃最得寵旣愆愆景帝大考翰詹預知賦題爲水火金木土穀漏泄於其師使宿構考取第一並代妃兄某捉刀列高等旣而與那拉后爭諧價鬻官先鬻廣州織造於玉銘又鬻江海關道於魯伯陽諭旨下兩江總督劉坤一不識魯伯陽爲何許人電奏詰問爲那拉后所知坐內殿召珍妃訊而撻之而幽之母子閒嫌隙深矣於是帝黨謀矯旨召兵繫

后於頤和園召世凱世凱以告榮祿那拉后半夜  
回內廷嚴訊景帝懼而吐實於是楊銳譚嗣同劉  
光第林旭楊深秀康廣仁六人就逮數日未具獄  
詞遽斬西市廣仁以康有為弟而誅深秀以常言  
得三千桿毛瑟槍圍頤和園有餘也康有為梁啟  
超跳於英使館而免各省惟湖南行新政最認真  
得罪最甚巡撫陳寶箴學政江標巡警道黃遵憲  
皆革職寶箴以舉人軍功起家標字建霞元和人已丑翰林遵憲字公度南海人癸酉舉人  
曾使日本有寶箴子三立與焉自是啟超避地日  
人境廬詩集本既作清言報醜詆那拉后復作維新報痛詆專

制倡言革命章炳麟尅書革命軍各印本出人人  
皆有革命思想矣時廣雅雖主變法而所言一切  
變法與諸新進者議頗不同乃著勸學篇由門生  
侍講學士黃紹箕進呈之紹箕字仲叟號鮮庵瑞  
安人前通政使黃漱蘭先生體芳子庚辰進士博  
雅工詞賦 九月廣雅因新政一切停頓官報亦  
停令家君入參幕府初廣雅以新政既停乃奏請  
設商務報改爲研究實業月出三冊實雜誌體廣  
雅自定凡例自作序署本年八月而籌備一切至  
次年始開辦也初識周彥昇明經家祿彥昇海門人曾與張



審朱銘盤諸人同客吳筱軒軍門長慶高麗軍幕時同居節署與乙盦丈同住節

署劇談多至夜深有哀晚翠憶高昌舊居花木冬

夜感懷季新亡弟詩新識湖北紳士吳星階侍御

兆泰為經心書院山長翰林院編修周少樸樹模

天門人官至黑龍江巡撫已丑進士號沈觀工詩是冬蘇堪丈以總辦蘆

漢鐵路局差至漢口常來武昌初丈以江蘇候補

同知出廣雅保舉使才七月入都召見賞候補道

員在總理衙門章京上行走既政變以人才薦舉

者皆獲罪誅貶有差丈以係保使才獨免九月乞

假出都鐵路督辦盛宣懷委是差以漢口地屬湖

廣丈與廣雅稔購地彈壓一切事宜不棘手也

臘月偕乙盦丈過江宿蘇龕鐵路局樓上約暇時  
相督爲律詩

屠維大淵獻四十四歲

在武昌

正月有視蘇堪新正臥病連日讀荆公詩仿其體

寄蘇堪新春病起視蘇堪友人約看梅洪山病未

果往

洪山在武昌朝陽門外松樹甚夥  
中有卓刀泉相傳爲關雲長遺蹟

十六日節

菴招遊琴臺歸再作二律示節菴太夷諸詩蘇戡

丈亦有人日雨中梁星海約遊琴臺廣雅尙書招

同姚園探梅諸律偶占視石遺同年四絕有憑君

嘲老醜終覺愛花枝句自注石遺示詩云著花老  
樹初無幾試聽從容長醜枝又有徑上大床眠陳  
登翻作客句自注石遺嘗渡江過余就下牀卧竟  
夕故戲之 自去秋籌辦商務報訂日本人高等  
商學畢業河瀨儀太郎字長定專譯商務各種書  
報是春開始發行家君仍移寓紡紗局辦事副者  
惟朱強甫首譯商律五百餘條破產律數十條兩  
月而畢其中商務名詞多所未識往往數字之疑  
往復筆談至數百字始悉者又須簡明注出使閱  
者易知幸河瀨長定中國文理甚用功尙易通達

刊成自作一叙 四月有早起渡江逾漢飯於蘇

堪歸途成一首讀蘇堪登閱兵臺詩閱兵臺在洪山廣雅閱兵

處書後二首 六月譯商業博物志成原本英文

日人譯之今又轉譯中文分植物動物礦物三門

學者不可不閱之書 七月有雨後同子培子封

對月懷蘇堪兼寄琴南書堂聽雨調子培各詩子封

子培弟名曾桐丙戌進士官編修書淫之癖不亞

厥兄而懶散有踰嵇康極憚下筆友朋書向不作

答作客亦不寄家書嘗以積俸當開坊須預備召

見以高卧不起失之是夏來省兄與家君至洽

湖北天酷熱無好瓜子培丈諸人醵錢為食瓜會

使聲暨寄書託上海運輸 九月吳彥復來訪彥

復名保初廬江人前提督駐軍高麗筱軒軍門子  
學詩於寶竹坡先生來鄂常至乙庵丈處家君再  
答子培詩所謂屢簡吳郎益舊題者也又有次韻  
答子培冬述四首視子培拉雜說本年一年事是  
秋子培丈病瘧逾月不出戶乃時託吟詠與家君  
寓廬密邇有所作輒相夸示或夜半緘箋抵家君  
至冬已積稿百十首有寒雨積悶雜書遺懷一長  
古論詩宗旨多本家君說如家君言詩學莫盛於  
三元謂開元元和元祐丈詩有開天啟疆域元和  
判州部及敦興元祐賢奪嫡西江祖各云云謂三

元皆外國探險家覓新世界開埠頭本領也家君  
言今人強分唐詩宋詩宋人皆推本唐人詩法力  
破餘地耳丈詩有唐餘逮宋興師說一香炷及強  
欲判唐宋堅城捍樓櫓咄茲盛中晚幟自閩嚴樹  
各云云 是冬大雪嘗同先母攜家人登黃鶴樓  
冬述第一首畧言之又有贈林李兩生林敏生甲  
午舉人與  
李拔可同為蘇堪掌書記乙菴雪中招飲觀沈石田山水長卷  
紅梅和蘇堪四首為林琴南題茶花女遺事後紅  
梅詩乙菴節庵皆有和家君作多自寓身世 初  
湖北錢商多倒閉錢帖止折支十成之四五類飽

私囊數萬緡而去自設官錢局人民信用官錢票  
而此害少殺然而時有偽造官錢票者家君教以  
改製暗字銀紙民間難以偽造於是官錢票行用  
由二百萬銀圓十年至四千萬銀圓信用達十餘  
省 大世父赴選得直隸博野縣知縣明春赴任

上章困敦四十五歲

在武昌  
泊歸里

二月移居水陸街有七律二首示子培丈 夏京  
師諸孽臣鼓煽拳匪與旅華外人作難京津大亂  
三弟聲被已歸聲漸二弟陷焉家君有用蘇堪韻  
送子培時子培有弟余有子均在北方亂中詩初

二弟讀書甚強記幼學爲文卽清暢千百言十餘  
歲課之爲時藝如論說不中繩尺則聽其爲時事  
策論之文顧獨嗜西人言語文字則考入北洋大  
學在天津二年將卒業而難作矣五月十七日得  
弟初入書言匪最仇學生將攻學堂家君急馳書  
令急去學堂謀速歸二十晚洋兵攻大沽礮臺書  
已不達二十四得弟十四書言已去學堂寄居同  
學袁世蔭宅二十九又得弟十五書言匪亂甚欲  
走伯父博野聞道阻奈何自是南北不通消息天  
津一帶已糜爛至七八月聞所知有逃至保定順



德者弟杳然八月以唐才常之亂先母挈全家歸里家君後歸唐才常本兩湖書院高才生後歸長沙辦湘學報學問優長筆墨精警戊戌政變後實行革命義和團起富有票徧長江上下才常爲其首領潛蹤於漢口某處被獲僅有徒侶十數人鏽涇洋槍數枝而已械送武昌嚴鞠於營務處終日夜二鼓斬於水陸街十一人皆健步就死才常最後出則兩人挾而拖之殆已服毒就斃矣體貌甚偉而頭尖甚九月家君復至鄂南北郵政電信皆已達弟終杳然次年乃知聯軍將入京師弟尙寓

袁宅袁有新婦洋兵將據焉弟爲說退之且曰敢爾當告而帥懼去復來開槍戕弟九月間事也痛哉 六月有感憤坐庭中見雜草木皆不祥之物作六言詩五首家君嘗自言平生不怨不尤於窮達得喪殊少介意至骨肉死亡不免悲哀未有動魄驚魂如是年之甚者自拳匪亂成革王載漪矯旨命各疆吏攻各居留外人廣雅不奉詔與兩江總督劉坤一兩廣總督李鴻章倡互保之約故北方鼎沸東南晏然然無日不吞聲北望矣 是年詳貨幣制度論商業經濟學二書成 初與黃仲

張學士相會知家君將重刻元詩紀事仲張欲為  
集貲助成先自助百金

重光赤奮若四十六歲

在武昌泊歸里

三月始確得二弟凶耗 是春有作貨幣論刊之

戲成示蘇堪出門見隔江山色蘇堪書來屢以詩

老相稱志感贈周彥昇

彥昇和詩有陳鄭之哀漸稱謂家君與蘇堪丈

兒各詩有次男聲漸哀辭蘇堪丈題哀辭後詩有

神京烽火莽連雲愛子詩來隔虜氛魂夢飛揚多

幻想道途驚絕入傳聞云云 六月請假歸里有

思歸詩 七月有夜讀杜工部孟襄陽集張菴閣

學昌雨乘月兩過別後奉寄二詩 是年譯商業

開化史商業地理銀行論成有追悼壽伯福兄弟

李亦元寄詩一帙屬為評定中湘君望帝二首為

最寄丹曾大甥聞歌得愛蒼書却寄題易實甫魂

西集是年始與實甫年文會又名順鼎龍陽人乙亥舉人官兵備道有詩萬首自丁內艱後自

號哭菴自朝廷割臺將援臺不果後自謂已死故詩有魂東魂西魂北諸集河瀨長定

尊人六十初度諸詩有沈乙菴詩序

玄默攝提格四十七歲在武昌

二月為蘇堪丈作海藏樓詩叙丈以為風格在誠

齋白石之間有鷗鷺一首和太夷野鶴詩蘇堪丈

有野鶴何緣頂自丹句謂唐才常案廣雅保丈加  
二品頂戴丈雅不願受也家君詩有云君已盟鷗  
江水涓我原雁鷺在蘆葑飢中風味鷗能語寒裏  
神情鷺最知謂丈築盟鷗榭於漢口鐵道局臨江  
處家君常醉其中次聯謂丈喜忍飢家君喜忍寒  
能忍至兩三時許也 三月有卧病旬月子大招  
飲不能赴實甫枉過亦未能見用子大韻雨一首  
病中作答愛蒼次韻諸詩 程頌萬字子大寧鄉人  
官湖北知府嘗監督工  
業學堂工 夏有月蝕詩是夏大旱至秋未雨有  
詩詞工書 大旱苦熱中秋夜同士可登安徽會館西臺詩 陳毅

字士可黃陂人以諸生調學部為參事  
後官至庫倫辦事大員熟輿地之學  
是秋沈

子封丈來典鄂試廣雅復權督兩江鄂撫端午橋  
方兼署鄂督家君將去鄂故秋早詩有江冷楓丹

中酒人會當去句蘇堪丈見之來書有江冷楓丹

酒人欲去聞者何以為情果動歸思盟鷗榭益當

勤過云云 自去歲先母携葛妹至鄂廡花堤聲

暨留鄉試居陽崎鄉避疫入城數月置書邨舍為

白螞蟻食五大箱以書告家君家君有一長句

廣雅既行端撫部留家君辭之以撫部雖壬午同

年素未與通也子封丈出闈家君久客江南未嘗

食河豚時有讌子封

丈者家君在座席上有魚肝大如杯味美甚丈云恐是河豚然非其時問之厨子曰名斑魚河豚類也不爲害大家皆不敢復食家君曰吾已食數塊矣遂放膽恣啖之撫部使堅挽乃留故臘盡書懷次山谷還家呈伯氏韻寄伯初家兄詩有同時被舉有節度遠判雲泥敢與友聞名傳命使之往請見愆期未遭諾云云首議鑄銅幣初廣雅讀家君所著貨幣論一卷十餘篇欲創鑄當十紫銅元終恐其不能通行未決匆匆移鎮至是撫部又疑之家君又著論與反覆辨說乃以停鑄一兩銀元所剩機器試鑄之至年底不及四閱月估計工料已贏餘利五十萬銀圓明年乃大開

小學堂會城計六十處並大派學生留學日本次年一年贏利二百萬銀圓而廣雅回任矣 十月

廣雅在兩江任奏保經濟特科人才飭知及咨文

至家君考語有學富才長於中外古今政治利病

皆能持之有故言之成理云云漕督陳夔龍亦奏

保家君特科人才是歲乙菴丈出守江西廣信府

調南昌府招家君遊廬山 有贈馬季立詩

昭陽單閼四十八歲 在武昌泊遊淮  
北入都歸里

二月為聲被三弟在家娶婦王氏湖北創立兩湖

師範學堂梁節庵以武昌府知府充監督聘家君



充國文兼倫理學教授並兼方言學堂國文教授  
家君云時方言學生有聞詳者斬水人下筆數千  
 言鄧繼龔者荆州人下筆千言皆相貌俊秀年方  
 十餘歲而後時湖北創立女學堂胡千之孝廉鈞  
 皆無聞異哉將聘先母充監督先母以多病不能起早謝之廣  
 雅交卸兩江督篆入都述職自都寄語節菴促家  
 君應徵先母阻之家君謂借此出遊亦佳應試與  
 否臨時再決 三月行訪愛蒼丈於清江時丈官  
 淮揚道觀察使廡官齋數日因訪陳小石漕院大  
 世父乙亥同年也與愛蒼丈同至揚州有高郵舟  
 中補酬河瀨長定贈行作揚州襍詩七首同遊者

為沈墨藻表兄

墨藻名復六姑母少子能詩每優差得多金到手立盡窮困以死

時為鹽官至上海有贈汪穰卿

名康年進士內詩閣中書錢塘人

至蘇州始交江叔海丈瀚時丈方監督某學堂蓋

同徵特科者

叔海丈長汀人布衣有重名官至布政使

四月回武昌

擬不入都矣

五月節菴丈又傳廣雅意促行

閏五月至都謁廣雅舊例見舉主皆用門生帖子

家君以為論輩行品學廣雅均可為師惟因薦舉

而稱門生則鄙矣遂不用門生帖子廣雅始亦不

樂後釋然某日到部投咨文填寫履歷家君本應

寫議叙知縣因聞知縣當以道府用不願為外官

只寫舉人某日廷試於保和殿特派廣雅及某某  
尙侍六人爲閱卷大臣入直文華殿專命廣雅命  
題後聞某尙書說廣雅意中以當時急務莫如財  
政教育研究財政者莫如家君研究學務者莫如  
黃陂陳毅故首題論大戴記師保傅之職與今日  
德育智育體育異同若何次題畧問漢武帝用金  
三品鑄幣與今日各國貨幣制度利病異同若何  
特命諸大臣閱卷定去取高下後歸廣雅總其成  
前清朝殿閱卷大臣照憲綱爲次第則廣雅外官  
應居末座此次孝欽太后特重廣雅學問輩行使

居首座廣雅以自取第一卷抑置第三拔他人所  
取梁士詒卷置第一楊度卷置第二於是相傳梁  
字似家君第二篇對策冠場楊字似陳毅第一篇  
論冠場故特為移動通場共取入十名豈知試日  
家君論頂格寫違式卷束不閱也舊格式論頂格  
寫自鄉會試首  
場改入股為論新式低二格寫與策回家君久不  
試禮部不知也是日同試者見之皆不以告惟陳  
繹如丈壽彭言之家君揭曉日折彌封廣雅見無  
尚與爭論已寫兩葉矣  
家君名大駭詢諸陳玉蒼倘書陳告以違式卷不  
送閱事廣雅嘆喑曰經濟人才而用考試已不合  
矣尙要論格式乎鄙人殿試卽以不合舊格式置

第三今尙將卷束起乎可歎可歎初廣雅甚重視此科奏陳東朝優者當破格用繼有進讒言以取悅者謂此輩皆小有才而心存叵測宜嚴格淘汰最優者予以一級升遷於是廣雅滋不悅覆試將已取者痛行黜落八十名僅留二十七名於是第一名袁嘉穀嘉穀字樹五雲南人後入學部官至浙江提學使本庶吉士僅免散館授編修舉人僅予知縣矣後家君歸告家人云吾平生所遭每同塞翁失馬卽如此次應徵以徇廣雅之期望勉強就試試而不取不可謂非辱幸違式不閱非戰之罪矣設不幸而取又用

知縣則吾所固有而不爲者也豈不冤哉在都與

沈子封編修張珍午侍御程子大曾重伯兩太守

冒鶴亭周松孫兩刑部陳士可博士曹君直舍人

張元奇字珍午又字薑齋丙戌進士由編修改御

史後官奉天巡按使曾廣鈞字重伯湘鄉人文正

公孫已丑進士由編修出爲廣西知府冒廣生字

鶴亭如臯人甲子舉人官刑部郎中後補農商部

陳士可時官國子監博士曹元忠字

君直吳縣人甲午舉人官內閣中書日事游讌有

答張珍午次韻再次韻答冒鶴亭三次韻答曾重

伯次韻答周松孫再次韻贈琴南各詩慈仁寺古

松相傳金元物聞亂後尙存同鶴亭訪之乃得三

株一株殆真五六百年者二株似不過二三百年

有慈仁寺訪松同鶴亭詩將行子封丈招同君直

鶴亭遊葦灣話別有詩 七月歸里與大世父相

處者匝月

時大世父方自博野投劾歸病漸愈

時往來於陽崎時聲

暨與弟輩鄉居也有次伯兄韻又次韻答伯兄二

詩與發菴丈屢為風浴之遊發丈有詩摘頷聯古

松懸劫供談塵秋藕留花勸禊杯十四字書對為

贈

上句指慈仁寺訪松事也

時易實甫年丈客闕督魏光燾制

府幕常與發菴丈鄭澹菴姻丈大世父諸人為文

酒之集家君始與澹菴丈訂交傾蓋如故丈以為

有夙緣

丈名錫光庚寅進士官翰林院編修深於內典有出世之志

葉肖韓侍

御次石湖韻紀積翠寺山樓吟集竝送家君行家

君有次韻兼呈弢菴閣學詩

肖韓名在琦聞縣人丙戌進士由翰林院

檢討補監察御史督貴州學政

八月聞先母在武昌病急挈張

莊二僕行至母病漸愈有次伯兄寫別韻弢丈有

和大世父寫別詩送家君行 九月有次韻答珍

午見寄詩 十月有太息一首送河瀨如何歸日

本時日俄開釁將以中國東三省為戰地也

時日俄在

中國地界開戰而中國守局外中立黃仲弢丈云是謂局中外立也諱而虐矣

十一月

武昌府立師範學堂聘充教授兩湖師範學堂日

本教習戶野周二郎招飲索詩有作



關逢執徐四十九歲

在武昌泊遊  
南昌南康

春廣雅奉命往金陵與江督議事事畢回任兩湖  
初廣雅由兩江入都主試特科後留定學堂章程  
踰年未歸端撫部既兼鄂督遂百計謀真除有力  
助端黃綠者即廣雅素所卵翼者也至是進謁廣  
雅謝不見其人大皇恐疏通累日乃解廣雅歸益  
用家君言盛鑄銅元前後數年獲餘利一千四百  
萬銀元用以百廢具興漢陽兵工廠添造快槍由  
日五枝至五十枝而未已子彈稱之武健諸軍外  
練成第二鎮新軍礮隊營輜重營等俱備以外遣

派各種學生留學日本士官爲盛卒成武昌革命之局非廣雅所及料矣改商務報爲官報局家君仍總其事 三月曹君直先生來遊武昌年來先母多病先生世傳女科爲先母下藥有效有送君直歸蘇州詩 四月家君遣接蘋妹至鄂妹名師蘋字月青本季次女貌娟秀而人極聰慧季父一子殤家君以七弟爲之子而以妹爲己女字於滇撫林贊虞年丈之猶子葆懽葆懽字躍臣陸軍畢業生官上校約今夏來就婚於鄂其從兄子有孝廉葆恒送之來五月完婚 六月同王俶田我臧遊南昌止乙

菴丈官齋數日夏暎飽啖撫州枕瓜甘潤遠出上海種上乙菴用巨木構露臺高出樹杪夜間用納涼其上故家君別乙菴丈詩有豫章青白桐離立時往參露臺出其杪下見江影涵云云也將遊廬山丈贈四十餅金爲遊資命大官舫送至南康南康城下爲匡廬之麓前臨鄱湖澗水百道逆集湖湍峻急小舟不能停泊非大舫莫至也南康郡守葉至川寧波人同治癸酉舉人寶竹坡侍郎門下士與家君爲同門友乙丈先馳書告之聞家君至命僕帶肩輿出迎家君方攜一小竹床科頭赤膊

卧於鄱陽門下僕至愕眙久之乃述主人云星子  
縣南康首邑人夫只廿四名知縣帶往鄰封相驗須明  
日方回請先到郡署暫住遂往城中空曠大半無  
人居郡署自大門至二門路約里許殆南康軍舊  
址也官齋高爽葉郡守善飲治饌甚精言地方清  
苦若連兩十日則城中米罄須入鄉採買畧談山  
中名勝次日輿夫回共用十五名每名一日官價  
只二百銅錢飯食在外先至開先漱玉亭亭已就  
圯開先有二瀑晴時一瀑乾惟存溜痕一瀑舟行  
鄱湖中已見之瀑廣僅二三尺長僅兩三丈徒以

山界江湖閒高而易顯耳太白詩云海風吹不斷  
江月照還空人稱其工不知此正言其瀑之不甚  
廣若廣至尋丈則吹之自不斷照之亦不空矣時  
與俶田激沐濯足其下未幾山雨驟至甚急則二  
瀑竝下廣狹如一東坡詩所謂劈開青玉峽飛出  
雙白龍者矣若譬以銀河落九天則大言而已至  
寺坐觀許久雨未止乘輿至歸宗寺阻雨三日不  
得出遊日徙倚於山門想望栗里雨晴澗水迸漫  
冒險渡澗至栖賢橋暢觀三峽澗澗中水石千狀  
萬態坡公兄弟之激賞有以也是夜宿栖賢寺五

老峯在寺旁仰止久之次日至白鹿洞下山復宿  
郡齋此行有滕王閣百花洲南昌別乙菴太守歸  
宗寺阻雨兩宿雨後重過開先觀二瀑布三峽澗  
五言四十韻至白鹿書院下匡廬宿南康郡齋視  
葉至川太守兼寄乙菴太守各詩而葉郡守又命  
官舫送至九江湖中遇風遇大雨至湖口停泊有  
雨中登石鐘山詩石鐘山周遭樓觀頗似北固而  
山界江湖交流處巖石玲瓏則勝之 九月有九  
日曇花林北山登高送文石善餘別文石義州李  
葆恂字前閩浙總督鶴年子精於金石書畫目錄

之學工書亦工詩時客端撫部所撫部有收藏必  
經審定 北京大學堂監督張鐵君電聘充大學

堂教授廣雅堅留不聽去以電辭管學大臣張百

熙 百熙字楚秋湖南長沙人甲戌進士官至吏部尚書謚文達 初廣雅自都歸

以家君家貧久客專恃館穀非計前後使從事張

望岷曾疇汪荃臺鳳瀛兩太守勸作官曰聊弦歌

以爲三徑之資何如家君謝曰吾自少至壯見所

知爲邑宰而擁宦囊自數萬金以至數十萬金者

無慮三十人今其子孫皆將凍餒轉瞬間耳故寧

賦乞食不折腰也曰然則以道員需次則官錢銀

元諸局務可管領也謝之曰援例爲道員須費萬  
餘金吾亦買田而有事西疇矣因託張汪二君反  
命曰某蒙宮保時廣雅加太子太保官銜愈稱以此盛意無非欲某  
勿爲客而捧檄耳卽請宮保劄委專屬督院差事  
屬撫藩兩署者不受也於是次夜連下三委劄一  
督署文案委員一商業學堂監督一幫辦洋務局  
皆道員差事薪水皆日金仍兼官報局總理事辭  
去各學堂教授席有送善餘歸鎮江將赴北京大  
學之招廣雅督部堅留不聽去且勸作官數詩  
十月委曹孝廉林宗孝廉芾爲商業學堂堂長籌



辦一切二孝廉皆以諸生為師範學生十二月

十五日二世父卒於家其夜尚與家人為菓子戲

夜深無疾坐逝年六十一

旃蒙大荒落五十歲在武昌

客歲十月三弟病於陽崎弟鄉居飲江水畏冷常

瘧疾至是病濕温乃遷城中學院前王宅其婦家

也聲暨以事羈武昌未得歸弟性不耐病有間矣

改服他醫方治暨臘月歸已不治以正月三日卒

二親聞病重信急歸至家已蓋棺十日矣哀哉是

春家君與大世父聚首兩月大世父龍鍾迴非前

年比家君甚憂之假滿當去甚難爲懷忍痛而別  
家君嘗言臨去時大世父坐牕前特回首諦視意  
謂豈真從此不再見乎豈知果然 二月買宅於  
會城文儒坊三官堂以家人住淘江水冷不宜故  
也 三月至鄂始開雕詩集初家君自少至壯有  
詩千餘首至是痛自刪削前後二十九年只存四  
百餘首編年分三卷刻之名曰石遺室詩集石遺  
室者弱冠時夢至一處重樓疊閣閱其無人有書  
數百冊隨手抽數冊閱之書邊印石遺某某書中  
似是自己著作醒時只記如此書中云何則忘之

矣時方閱元遺山集因遂自號石遺後細思此二字與叔伊頗相合遺伊國語同音石拾同音叔訓拾有題王捍鄭海東訪學圖題趙承旨杜陵遺象摹本二詩 六月往武昌西山避暑半途遇雨宿靈泉寺葛衣筠簟冷不可忍相傳舊爲吳大帝避暑宮九曲亭圯陶桓公桂久無存矣山多黃鸝歸舟過赤壁不得上有絕句五首實甫丈讀家君西山詩先得一句云飽聽寒溪夜雨聲卽寄示家君因足成一首 秋中朝派五大臣遊歷歐美考察洋務乙菴丈充參贊由江右過鄂寓家君處有

喜乙菴至卽送其別效乙菴體九日寄乙菴二詩  
嗣以五大臣出京登車時有狙擊者遂作罷議  
八月三日爲廣雅七十壽辰廣雅向不許稱觴開  
府後五十六十生辰送壽屏者皆只鈔其文原屏  
璧還至是先諭巡捕廳並文亦不許鈔錄湖北屬  
吏羣謀於家君家君曰吾姑嘗試之且看如何於  
是起草一文首段畧言廣雅六十歲以前之事業  
六十時作文者已備述今專就六十以後十年間  
所有事實關於中國政務者凡二十八節仿鄭亞  
會昌一品制集序體質言分疏二十八小段末結

一段清稿呈閱廣雅甚首肯命不要寫屏寫一冊  
頁可也於是幕僚及省垣官吏又丐家君再出一  
花樣家君乃取歷代正史中各卿相將帥事實與  
廣雅事實相類者傳採一條百傳採百條每條注  
出處似贊似銘然僉名上之廣雅甚喜 十九日  
大世父卒於家初大世父六月病急自製棺衾衣  
巾悉備遂訛傳凶耗至鄂家君大慟飛寄輓聯回  
句云視公如父視我如子兄弟師友不足道有聲  
徹天有淚徹泉山川舟車爾何仇寄至聞大世父  
尙見之至是確耗至乃作哀辭墓志陸續寄回志

墓大世父遺命也 與陳伯嚴年丈會自伯嚴丈

與家君為同年

丈壬午舉人  
丙戌進士

相知二十餘載初未

相見此次梁節菴丈大會鄂渚名流為詩鐘之集

首唱係試霜嵌在第二字家君取丈第一句云屢

試不售名輩老十霜共醉故人稀真可謂本色當

行者丈贈七言律一首云勝流沈

乙菴鄭蘇

抗顏行

說子淵淵無盡藏狼藉詩篇為客久摩挲櫺具看

人強過逢江漢頭俱白上薄風騷氣獨蒼更欲用

心到聖處坐收俊語挂奚囊家君次韻答二首所

謂聞聲廿載纔今雨者也又有文石次伯嚴韻枉

贈奉答二首與黃小魯兵備同日宴客客同者伯

嚴文石實甫子大重伯理初因移尊小魯山樓且

合席焉小魯有詩次韵時主客共十三人湖南北

居其九是年各省鐵路皆鄉人籌自辦坐中張席

二君及伯嚴理初皆籌議鐵路者小魯名嗣東漢陽人官陝西糧

道有魯叟詩存理初名廣鎔十一月詩集刻竣

自為一敘凡一百六十七字見者以為一字不能

增減 家君監督商業學堂已一年籌備一切可

開辦矣而廣雅遇事過於斟酌家君遂再三辭差

又不得請先是己亥春節菴丈門下士朱強甫以

商報繙繹東文事掣家君肘為廣雅所知撤強甫  
商報局差歸家君獨任月給強甫乾肺若干未幾  
強甫以疫卒強甫人聰慧寫作皆  
有可觀而記性太差節菴因不憚於  
家君適留學日本高等商業權某張某二人畢業  
歸皆節菴門下士也乃進言於廣雅曰從前鄂省  
無專門學商業者獨石遺講求理財學自以石遺  
為巨擘今權某張某皆專門畢業歸而石遺官不  
過知縣為監督二人僅為堂長恐不足以服二人  
非所以愛石遺也不知使石遺援例為道員否則  
升二人為副監督廣雅意動曰石遺於公益事極



能盡言大有造於湖北吾抱歉無以酬其勞但渠

又不肯改官道員吾試使人私商之

以上詳情皆許仲清大令

在旁回公事所聞

於是汪荃臺郡守婉傳此意家君立

封關防繳還人署告荃丈曰吾初未求為監督且

久不開辦吾辭差屢矣今正好讓賢也廣雅聞之

大悔調權張二人於漢口商業學堂使荃丈婉勸

家君收還關防至於再三家君堅不受因曰吾受

宮保劄委者尙有三差吾不辭他差足矣何必定

為監督乎 十二月請假回閩廣雅疑家君將他

往堅留曰再延數日吾尙有要公為我辦完假歸

實欲再委一差以堅繫維尙未得相當之事也因  
使荃丈檢公事送辦荃丈誤送賀都中王公以下  
年信來家君駁還書復荃丈曰此件當付易道順  
鼎爲之吾向不作四六也時實甫丈亦在幕中專  
辦書啟廣雅聞之頗詬荃丈次日令荃丈先告當  
再委一差以補學堂差事切勿辭其夜劄下則會  
辦漢口商務局也竝告云商務提調係同知未便  
以知縣反爲長官已代捐候選六部主事劄上卽  
書此官銜次早謝委乃許請假廣雅之待家君不  
可謂不至矣後家君由薪水扣還捐欸方家君與

廣雅齟齬時將一人入都呼聲暨至鄂豫備移家

回里因留度歲梁節菴以爲家君決去也將武昌  
府師範學堂積欠薪水補送二百金來號稱草堂  
貲並撰草堂聯句云寫經齋近鄰堪買滄趣樓高  
衡可望硬差歸里下語可謂工切矣吾家廬陽崎  
與葉損軒丈寫經齋相去一牛鳴與弢庵丈螺洲  
滄趣樓亦只隔一水之遙因集同人飲餞追廣雅  
力挽家君加委差事則致箋慰勞謂十年來爲湖  
北籌畫大計廣雅應留足下亦不應去也

柔兆敦牂五十一歲

在武昌

正月黃魯髯

號小魯

易中寶

號寶甫

招集靄園賞雪夜

歸有詩月杪

聲暨

及張宗楊

宗楊自號楞巖侯官紳帶鄉人幼樵採為

生畧識字十餘歲入城從家君為僮挈之赴鄂教之烹飪即能為美饌先母講左氏傳及三國演義以教葛妹宗楊旁聽漸通文理喜學詩見家君與朋友唱和之作則竊學吟哦久之居然成章音調甚協梁節菴既極贊其烹飪之美過譽以為厨聖又聞其能詩呼之出與拱手為禮夏劍丞詩所謂違位梁髯手重推也入都則鄭蘇隨家君與先母堪羅挾東胡詩廬諸人多延譽之

歸里 二月三日江船至鎮江寓某旅館先遊北

固繼至金山是日大風捲雲春寒僵人先母畏冷

襲狐皮一口鐘上江天一覽處與風相抗幾仆者

屢飯江天寺中素饌甚美觀東坡玉帶方玉十數

缺其二純尊節所補乃不如舊者之美次日凌晨  
放船至焦山風日清美盤旋石磴上吸江亭先母  
絕不覺登頓之用力飯枕江閣觀楊文襄所留帶  
及瘞鶴銘殘刻日斜刺船歸先母有遊京口三山  
記至滬聞蘋妹病家君攜宗楊入蘇視之妹體在  
弱回蘇州後妹婿赴津習武備愁病無人調護遂  
成瘵疾時喉痛食飲難於下咽家君至已卧床不  
能起坐妹至穎悟讀書甚少而書札千百言曲折  
達意每至一處不數日卽能操其土音請名醫陳  
蓮舫診之陳青浦人其土音至不可曉妹與問答

彼此了然陳喜甚撫妹背曰放心服吾方十劑必  
 愈豈知未數劑而妹已卒病入膏肓非醫所能救  
 也此行有畏歸二首同道安暨兒登焦山初出閭  
 門至虎邱諸詩 四月遣嫁葛妹於吳氏有三月  
 歸里於做廬築一小樓正對烏石山樓成將去詩  
 以志之與澹庵話別小樓既成樓前雜蒔花木與  
 鍾壽若倡和以落之諸作壽若名大椿丙戌進士  
 改庶吉士散館改知縣  
 不出家居求田問舍以婦人  
 醇酒終能為香山嫗解詩 五月家君與先母  
 復至武昌寓水陸街小金龍巷有題陳圓圓小象  
 讀漁洋詩話有懷伯嚴讀君常送朝鮮劉侍郎詩

寄君常時出守岳州沈雪廬

名塘蘇州人屬題

工畫山水

叟所臨張遷碑諸作選大世父詩六百首刊之詩

約二千餘首此選仿山谷精華錄意也 七月學

部以咨文向湖廣總督調家君到部廣雅詢家君

意頗不欲往澹菴聞之以詩屬君常勸駕叠韵示

二君 八月先母因夜多失眠咯血百十口不止

人甚委頓服蕭北丞方漸止

北丞名延平黃陂諸生精醫後官內務部

曹 十一月蘇堪丈至鄂同登黃鵠磯懷白樓有

作次韵時林贊虞年丈自桂撫內調在軍機大臣

上學習行走過鄂停數日舟泊文昌門外一日贊

丈言於廣雅使勸家君入都廣雅曰吾甚望石遺  
 得官久矣今不求自至豈不甚善但石遺不願去  
 又甚有造於湖北吾豈有逐客之理乎行止久速  
 聽石遺自便可也贊丈述以告家君曰如此吾決  
 去但吾婦病非春融不能行耳是月先母又咯血  
 百十口不止服北丞藥漸止 十二月大世父詩

集刊畢名曰木庵先生詩無序卽以墓志弁卷首

後有馮夢華年丈一跋 長青案馮煦字夢華號蒿菴金壇人丙戌探花官至

安徽巡撫工詞 歲暮有後月蝕詩次前月蝕韻  
有蒿菴詩文集

贈黃陂劉文卿蕭北丞二作 文卿邑諸生講宋五子之學久任教務



案以上為出遊及參幕時代

侯官陳石遺先生年譜卷五

門人王真續編

男 聲 暨 編

門人葉長青補訂

強圉協洽五十二歲

在武昌  
在都

正月杪先母病漸愈家君擬三月入都 知黃州

府王捍鄭先生仁俊約往遊携一僕往往郡齋數日

遊赤壁笠屐亭訪竹樓舊址有七言律三首次余

生鯤魏生家駒韻安徽提學使沈乙菴時由南昌  
知府升現

職聞之電招往遊二十三夜抵安慶提學署甚庠

陞一宿而返觀董蔗林相國衡湘畫冊題詩一首

二月料理行計向廣雅督部銷督署文案會辦

商務局幫辦洋務局官報局諸差廣雅致贖千金

並留官報局一差月薪水五十金以資都門旅費

知交排日飲餞十五日黃仲弢提學借梁節菴提

刑署中乃園置酒為詩鐘餞別坐客有紀香驄舍

人鉅維顧印伯大令印愚曾履初兵備廣銘程子

大太守張黃樓兵備林貽書提學開幕輩十數人

香驄河間人曉嵐先生族孫廣雅門人履初湘鄉

人文正公孫黃樓廣雅猶子貽書侯官人甲午進  
士由河南學政改江乃園花木亭榭甲武昌是日  
西提學使權布政使

風日晴和園中柳芽新綠桃李梨棠之屬數百株  
爛熳開放入夜月色妍麗益以節菴酒肴之美主  
客盡歡月午後始散節菴謂此集江山風月園亭  
花柳詩酒主賓謝康樂所謂良辰美景賞心樂事  
王荆公所謂炫晝縞夜蘇子瞻所謂一刻千金者  
殆兼有之是日作詩鐘七唱用積分計算家君第  
一得贈物元壽星一尊仿宋刻紅字本四子書一  
部紅字本湖北金石志一部朱子年譜一部東坡  
三錢鷄毛筆十枝梅花墨五笏碧霞杯一雙駱文  
忠公象曾文正公象左文襄公象德相卑士馬克

象各一二十四日柯巽庵撫部餞家君於斗級營  
新築園亭牡丹佳種甚多柯公新購全閩詩錄稿  
本爲吾鄉鄭昌英茂才杰所緝凡百餘冊舉以贈  
家君昌英嘉慶間人諸生詩錄自唐迄清已刻者  
惟清初至乾隆末年餘殘闕失次實未成之書也

三月初一日同先母由京漢鐵路快車北行渡  
江登車先母人極清健初二日在車上忽覺惡寒  
急擁被遂發燒汗出乃愈初三早至都卸裝奶子  
胡同沈丹曾表兄廡廬至午復寒熱相繼作須臾  
而止自是每日皆然蓋瘵疾已深所謂起潮熱矣

初先母雅不欲家君入都頗阻之家君謂京師友朋之多花樹之盛文酒之樂皆勝於四方盍姑往遊及走鐵道歷古申息蔡許鄭衛趙燕之墟暮春天氣一路桃紅梨白花光倚天照海動百十里相纏連先母顧而樂之乃曰吾垂死北來亦不虛矣至都第二日學部長官卽派家君在總務司審定科兼參事廳行走旬日間審定之書凡百十種時榮協揆慶爲尙書嚴修爲左侍郎寶熙爲右侍郎喬樹柟爲左丞李家駒爲右丞榮字華卿蒙古人丙戌進士軍機大臣嚴字範孫天津人癸未進

士與家君鄉榜同年寶字瑞臣壬寅典湖北試喬  
字茂萱四川人丙子舉人與榮協揆同修道教李  
字柳溪廣東人庚寅進士曾督湖北學政時兼監  
督大學堂延家君主經學講席十五日移居宣武  
門外上斜街繞屋老樹扶疏有古藤一架丁香海  
棠棗樹之屬疊石嶽嵒老槐倚之則數百年物矣  
是夕月明如晝軒牕幽敞先母流連不忍睡顧自  
此病漸深僅命車一至老墻根力宅坐花園綠陰  
中少頃歸尙謂清潤甚適人意力宅眷來拜送客  
行中庭足軟幾跌遂卧床不復出戶沈雨人右丞

朱桂莘學士力軒舉陳仲勉兩郎中均診視下藥

不效

兩人丈名雲沛海州人富有田產有園數十

帝由翰林院編修官至郵傳部侍郎署尚書洪憲

帝制取銷後卒軒舉丈名鈞永福人已丑舉人號

醫隱官農工商部郎中能醫慶邸薦供奉內庭醫

西后屢效賞賚優渥加四品銜德宗亦命診病有

閒后怒曰力鈞胡尚不死而外間則以為力鈞將

為后藥死德宗也軒舉丈危懼無以為計先母病

中間之謂家君曰軒舉君熟人何忍坐視不基之

稱疾軒舉丈乃以雞血滴唾壺偽稱略血內庭遣

太監來驗而信乃免未幾郵傳部尚書陳玉蒼丈

璧被劾罷職言官陳松山給諫田尚欲奏請查抄

軒舉丈曾受知於陳尚書者也知家君與給諫至

相善巧為緩頰家君亦以陳尚書罪不至此為力

言於給諫作罷論給諫會嚴劾袁總統必急馳書

為吳三桂者也著有明詩紀事百餘卷

促聞中子婦來然猶健啖三銀圓市一鱒魚二銀



圓市一鴨均以兩日食畢六月初長媳三媳至猶  
然五月閒天氣溽暑內室數間皆板地家君以竹  
席席地卧午倦輒睡先母在床卧大葛席擁夾被  
猶能口述新小說橡湖仙影美人手二種爲家君  
破睡自首至尾無一遺落豈知六月二十七日林  
贊虞年丈自海淀送帶雨蘋果兩籃先母素艱於  
如廁時方啖梨藥服西洋參乃食一蘋果稍通未  
暢次日又食其一則遽大瀉瀉畢腹仍痛日十數  
遍醫進煖劑轉痛易數方皆無效丹曾表兄勸吸  
鴉片煙稍差日猶數次至少亦兩三次日少進薄

糜痛時令人以拳按中臍研磨之則朦朧睡如是者曆七月一月至八月初乃忽吐痰不少停兩日而止又合眼輒大呼亦二夜而止殆肺肝兩藏漸微也呼時絕無所嚙平日洞究哲理胸中浩然不以爲有鬼物不然則骨肉物故者環而與語矣十三日傍午人甚不支氣微湧形容頓變時家君尙在大學堂歸後乃復元呼家人屬遺言欲哭無淚十四日朦朧睡仍進薄糜牛肉湯十五日中秋睡稍穩月甚明家君徘徊前庭中夜未睡仍進薄糜牛肉湯十六日諸物不進惟進橘絡湯少許十七

日如十六醫者進正武湯上燈少頃連言欲瀉者  
八次進以紙片皆清水少許須臾微睡家君命家  
人速晚餐云今夜恐不得過二更向盡先母仰臥  
喉間作響清如細泉家君請進橘絡湯頷之須臾  
清響又作家君戲言如此將痰迷心竅先母尚愠  
應曰汝意謂汝痰迷心竅也可知此時耳根猶聽  
得清楚心思猶知不願受此言腦筋猶能命令口  
舌報以此一字諸機關全未壞也家君急笑謝曰  
此戲言耳汝何怒果僅痰迷心竅神雖病形猶存  
醫之可漸愈不幸甚乎先母無言似不愠矣須臾

清響又作家君曰汝何不轉側身睡痰或不上湧  
時先母下半體已僵不能動口亦無言似以臆對  
家君頷會將先母體輕輕移轉向外則喉間遂不  
作響家君又曰何不學小兒覆席上睡痰或吐出  
先母遂自微轉上半身作覆睡狀時床懸青色鐵  
線亮紗帳帳前兩明燈聲暨見先母色變遽呼曰  
母親去矣家君方在床上整理衾被急將先母扶  
正見雙眼尚半開斜向床裏似覓家君與訣者家  
君以手指承鼻端但覺兩道涼氣有出無入漸微  
漸盡目亦閉矣哀哉時十八日子刻也後家君言

觀此狀況方知人之有氣而生如燈之有膏而光  
燈之膏盡而滅也煙往上冒漸微漸盡非此狀乎  
人氣盡而神識滅故曰閉體漸冰又何從而有鬼  
物哉先是先母與家君約吾死後須將吾上下體  
親爲洗淨家君乃忍痛爲之見自頸以上容貌端  
好如生自肩以下枯瘠無一片肌肉直髑髏裏以  
薄皮最奇者腹窪如盂臍著於背脊骨數排紋見  
腹皮上自腹至背厚不及三四分所有腸胃諸物  
已消化何往乎筋節軟活穿著大紅縐小袖細管  
衣袴轉動如生人斂以時服僅穿大綿襖大紅縐

百襴裙天青緞外套用各色綢緞被褥各二包裹  
入棺不斂不束其餘尙有綿夾單紗衣服數十事  
皆塞在棺內尸身左右是夜月極明次日自晨至  
暮日在天黯然無光見者異之 家君在部月止  
有津貼五十金益以大學堂教授月薪百二十金  
湖北官報局乾修五十金家用尙儉時禮部議從  
粵督岑春煊之請奏設禮學館改修通禮張鐵君  
丈爲禮部左侍郎奏派家君兼纂修月俸百金奏  
留補缺後有俸銀俸米印結銀尙有百金左右也  
初六月半先母以服西洋參寒熱九日不作家

君尙遊西山碧雲寺靈光寺秘魔崖龍王潭寶珠  
洞諸處一宿而返得詩數首贊虞年丈傑直樞廷  
厲海澱兩次往訪未幾贊丈由樞廷出爲豫撫招  
遊積水潭十刹海諸處有詩初丈以待御敢言觸  
西后怒出守雲南昭通循聲卓著七年洊擢至雲  
南巡撫兼權雲貴總督入覲後調撫廣西軍機大  
臣瞿鴻禨贊丈同年也方得后眷薦贊丈在軍機  
上學習行走不數月瞿公以爭御史趙啟霖褫職  
事遂出軍機贊丈爭之甚力亦將改外是歲五月  
皖撫恩銘被刺慶郡王奕劻長樞廷請卽以贊丈

撫皖后曰皖藩馮煦辦善後甚妥卽以馮某補授  
林某再候他缺軍機大臣例約五六人旁行斜上  
跪帝后榻前帝后語前一二入得聞之贊丈班居  
最後后與慶邸語全未之知也既而遂命撫汴

八月初旬張廣雅相國

廣雅於本年春間授協辦大學士旋晉體仁閣大學

士入爲軍機大臣兼管學部迎之於保定自是先

母病亟則乞假絕少出門矣 九月六日在本廨

受弔陳弢菴年丈柯巽庵撫部逢時皆遠寄輓詩

陳劍潭丈

劍潭名澹然桐城人癸巳舉人爲文肆力史漢不墨守其鄉先生所謂義法

撰哀誄文其餘輓聯數十對多可誦者家君一聯



最沈痛云不共吟白頭李花開後君始病行將作  
黃土桂樹叢生山之幽 是月學部以原主事奏  
留候補初學部尙侍丞參及各司員皆采訪虛聲  
將京外各官及無職人員奏調咨調破格擢用故  
嚴修以編修寶熙以學士擢侍郎喬樹柅以郎中  
李家駒以編修擢左右丞江瀚以布衣羅振玉陳  
毅以諸生林榮以縣令充參事獨家君以原官候  
選主事改候補而已先是榮協揆以丙午七月咨  
調家君延至次年三月始來榮公已不樂適與家  
君談顧黃王三儒從祀文廟交各部議奏事家君

見顧黃二儒早由陳爰庵閣學奏請從祀被駁孔  
學政祥霖奏請王船山先生從祀亦被駁因言此  
事恐難邀准不知榮公意正主議駁聞之大悅請  
家君代撰說帖並云代爲覓屋速移居西城及家  
君退而思之並查歷屆禮官所以議駁之說殊不  
足憑乃建議力言可以從祀上之遂大拂榮公意  
榮公蓋以爲此三人皆主張革命者 十一月將  
先母柩由後屋中堂遷前屋左廂四圍皆牆一面  
有窗外皆樹木 十二月作先母行述及蕭閒堂  
五言長律三百韻蕭閒堂者先母取眞誥事以顏

所居之堂也 是歲有三月三日仁先招遊棗花

寺送嘯桐題日本島田彥植爾宋樓藏書源流攷

并購獲本末各詩

案日本維新初唾棄舊學所有善本宜都楊惺吾丈守敬賤價

得之滿載海舶歸久之曰人乃大悔至是其國岩

崎文庫以日銀十一萬有奇購歸安陸氏書二十

萬卷因作此攷猶述楊又有子久出示本庵先生

丈事以為聊足報復云

遺墨和仁先見慰諸詩

著雍涓灘五十三歲

在都

初家君有漏痔病甚輕無所苦二月大作殆客冬

奇寒日夜向火火毒所迫也穀道左邊腫如小桃

實不可便旋使日本醫生原田川田二人割之流

膿血半碗遂成漏管孔如小蜂窠卧病旬月 沈  
子封丈去夏卽放山西平陽府知府久不赴任所  
居比鄰時來慰藉今年三月奉旨以道員用簡署  
廣東提學使家君送以七言古集中誤編在去年  
真案公荆兄所編至此 與丁叔正楊昫谷兩部  
條止以下爲真所編  
郎訂交叔正名惠康豐順人昫谷名增舉新建人  
光緒庚寅進士官刑部郎中能詩深內典 朝廷  
令岑雲階督部捨去粵督督四川岑公不欲往請  
入朝恃西太后之眷不俟命突至與岑公異者大  
賊於是得長郵傳部長樂高嘯桐丈曾居岑幕至



序詳其顛末 從丁叔正先生處見木庵先生所  
畫扇有詩為文石題寒碧樓主人畫畫一蓬髮美  
人病卧秋景蕭寥寒碧為目辟疆先生號殆寓影  
梅菴意也故詩中用壽王息夫人放翁沈園諸故  
事 上斜街寓廬是長州顧俠君先生舊居顏為  
小秀野草堂袁珏生編修以告公始知有詩紀其  
事都下和者甚眾 真案珏生名勵準大興人戊戌  
進士官翰林院編修南書房行  
走公詩有云三雅門前昔駮驂又云元詩大有因  
緣在蓋顧先生飲量至洪時稱酒帝羅揆東先生  
和詩所謂舊主尚聞尊酒帝荒龕今已屬詩淫者  
也又顧先生選元詩三百家公輯元詩紀事四十  
有五卷 何子貞先生舊題楹帖云草堂小秀野花  
故云

市下斜街沈濤園中丞書以為贈 陝西布政使

樊樊山先生來會

樊山名增祥湖北恩施人丁丑進士改庶吉士散館改外授渭

南知縣官至布政使張廣雅督學有贈詩次韻答

湖北時高才生生平有詩萬餘首

之秋布政移官江寧有送樊山之官樊山和驂字

韻詩疊韻奉答樊山復贈言再次韻樊山將行再

作廿八字送之為樊山題所南翁畫蘭卷子樊山

新刻蘇門日記成屬題諸詩 為王次腴侍御節

母作壽詩公向不作壽詩因重節母始應其請又

有題綱齋侍講扈從負書圖綱齋招集積水潭高

廟為詩鐘之戲集朱艾卿宗丞厲齋復作詩鐘

綱齋

吳士鑑錢塘人壬辰榜眼艾卿江抗甫招飲江亭

朱益藩江西人時監督大學堂

為鄭叔進題片帆細雨下瀟湘圖案叔進名沅長沙人甲午探花

官翰林院侍講工鐘鼎文俳體四首贈宋芸子名育仁富順人翰林院檢討文

學優長題彭蓮巢焦山圖諸詩又戲用上下平韻作論詩絕句卅首真案時江南有以此題徵詩者陳仁先丈屬代作公專就清代詩人

戲為取第一得彩甚多歲暮有思兄述舊詩四十

六韻公作四言詩僅此是時顧黃王三儒久已

從祀張廣雅相國所主張也初從祀一節各部長

官多議駁者惟吾鄉張燮鈞侍郎主之甚力而適

丁內艱不得與聞其事矣廣雅往弔張侍郎稽顙



謝弔後重稽顙曰從祀事惟賴世叔主持後廣雅  
 至軍機處見各部說帖皆以三儒頗言民權議駁  
 廣雅因疏孟子言民權者數條曰諸君將弁孟子  
 亦擯出文廟乎袁尙書世凱時亦為軍機大臣至  
 曰我議准誰敢議駁於是各部長官紛紛取說帖  
 回改作議准矣又一日廣雅詢從事王司直名孝  
繩可  
莊先生曰石遺已補何官丞乎參乎司直笑曰尙  
 以主事候補廣雅大怒呼學部總務司郎中楊熊  
 祥至曰調部人員皆升補實缺陳某何得獨濡滯  
 今僅補參事可乎曰不能前數日方奏定也廣雅

不得已曰限汝三日將陳某補缺諸長官惶恐卒於數日內奏補總務司審定科主事因對司直慙公曰渠胡不言司直曰陳某只有辭豈有干求之事未幾學部尙書榮華卿協揆就部中宴廣雅客凡兩席左席廣雅首座次嚴侍郎修三喬左丞樹枏至四座榮協揆舉觴將延伍編修銓萃廣雅起立曰伍叔葆小孩子可往坐第二席陳叔伊老輩請坐此協揆大赧上席談次協揆逢迎廣雅意曰三儒業已從祀聞外間亦將以曾文正公請矣廣雅嘆喏曰曾某亦將入文廟耶吾以爲將從祀武

廟舉座愕然廣雅曰天津教案曾某至戮十六人以悅法人是時德兵已入巴黎曾某尚如此廣雅蓋不志協揆往事故作此讐言不然其時中西電報未通德兵入法都會文正實未之知也是歲公多與郭春榆林畏廬陳定宇易實甫吳綱齋諸先生爲擊鉢吟之集擊鉢吟者亦創於閩人命題限韻爲七言絕句人不拘若干首輪流取若干首分等第爲勝負公與畏廬丈一題多作至十數首以洋蠟燭爲所賭之彩有一唱羸至七八十枝者林贊厦撫部六十生辰其哲嗣子有孝廉丙文

爲壽述撫部由桂撫入樞廷出樞廷撫汴又入爲  
倉督事甚詳袁慰庭樞密汴人也與贊丈有連頗  
欲交歡而贊丈屢迂其意汴撫缺分又極優袁公  
因不容其久於汴旋調爲倉場侍郎 冬西后與  
德宗前後一日崩殂初德宗久病未愈徵醫各省  
處方有效則后怒時吾鄉力軒舉已退避周松孫  
景由江南知縣被徵進診出言德宗居瀛臺炕上  
被覆全單薄室中僅一白爐一舉動皆有老太監  
監之至是西后病泄瀉口數十遍將大斲而德宗  
忽先一夜告徂次日后乃繼之故外論譁然時后

已立少帝溥儀為嗣使其父載灃輔之大臣議稱  
 輔政王與攝政王未決廣雅決用攝政又議廟號  
 始將稱禮宗後乃改德宗議昭穆大臣將以德宗  
 與穆宗相昭穆公再奏記廣雅力言不可  
真案議在文集

中廣雅遺諭曰本朝只一太廟皆百世不祧無所

謂三昭三穆不爭可也 初德宗以戊戌事積憾

於袁慰庭樞密無如之何及崩後相傳瀛臺各處

抽屜發現袁某著即凌遲處死字樣袁亦知之頗

自危時袁長外交部語其屬曰歐美各國使臣皆

派大使我國宜從同若然則美國非我莫任因自

撰條陳上之為張相國所知密電駐美公使梁誠告以中國財力不足乞緩派大使復電事寢而袁疏適上攝政王笑曰吾電商緩派大使復電已允矣越日袁公入軍機先不叫起遇江春霖方上他封事跛脚卧朝房炕上候旨袁至遇之未幾而飭袁告病之旨下矣聞者疑春霖彈擊之力其實非也 秦右衡王聘三兩太守自江西來會皆公同年真案秦名樹聲固始人丙戌進士學問博奧批年續字寫十七帖發電文動用駢儷後官至廣東提學使王名乃徵中江人庚寅進士官至廣東州布政使有嵩洛吟草天月紀遊草等集 談讌甚洽

屠維作噩

宣統元年五十四歲在都

春陳弢庵閣學被薦還朝閣學自甲申望誤退居

里中興學有年嘯桐丈與張堅伯鳴岐督部至契憇

思之奏保閣學及朱古微侍郎古微名祖謀號彊

臚官至禮部侍郎鼎革後改名孝臧工填詞宗夢窗古微不至閣學將入都

都中諸同鄉以公無宦情欲挽公歸主學務而里

中有畏公綜覈者擁某編修於閩督以沮公公問

之曰吾在都月入六七百金歸里只得二百餘金

辭十萬而受萬至蕙者乃為之耳弋人尙何算哉

遂不歸既而朝命閣學充禮學館總纂則急電都

中人止公毋歸爲臂助 嘯桐丈卒於上海公與  
畏廬丈爲位受弔于陶然亭 是春有爲金鞏伯  
題王石谷十萬圖冊後五絕十首鞏伯名城歸安  
大家多收藏許臨此圖爲報爲畏廬題圖五言絕  
句四首題孫子瀟雙紅豆詩四首題章曼仙銅官  
感舊圖五言古曼仙名華長沙人乙未進士官郵  
傳部感舊圖者曾文正國藩出治鄉兵敗於靖港  
憤而投水曼仙父某援之出文正始終不齒及其  
事於是此圖出題者論文正或然或否紛然矣

夏丁叔雅部郎

惠康

卒叔正爲雨生督部公子公嘗



擬諸戰國四公子明末四公子而與陳敬原吳彥  
 復潭復生號為清末四公子者也丁氏藏書甲嶺  
 南叔正既寢饋復出交諸名流在都兄事公近年  
 家中落旅費常不給而壁上古琴值千金地上唾  
 壺猶舊青花瓷摯友曾剛甫先生名習經揭陽人進士官財政部  
 右丞工詩每資之隆冬無裘不炭積凍傷肺胃病嗽上  
 氣繼以歐逆卒醫藥殞歛及歸其喪皆曾先生一  
 人任之公哭之慟有五古二首并為撰行狀 醫  
 隱先生屢送盆花索詩有長夏將闌醫隱送茉莉  
 兩盆小竹數叢棖觸平生成兩絕句醫隱送木芙蓉

蓉兩盆醫隱送菊花數十盆又送菊各詩醫隱好  
土木所居後圃植花甚夥所送皆觸公悼亡之思

易石甫兵備簡放雲南關督有留別詩二十五

韻次韻送別并寄樊山布政 九日同趙堯生侍

御天寧寺登高賦五律一首侍御和以七言律堯生

先生名熙四川榮縣人庚寅進士工詩下筆百十  
首立就與公至相契為諫官極敢言公嘗有鄉人  
在粵為軍將望誤罪將大辟其實冤也粵督奏請  
法部研訊定罪部中竟未訊遽定斬監候其家人  
求救於公公為丐趙先生力爭之卒得白鼎革後  
先生還鄉不出與公詩筒唱和歲常數往來多如  
骨肉沈痛之言先生工書顏黃方舟太守鳳岐從皖  
平原參董美人墓志亦工畫

至不見十五年矣相與痛飲數日有唱和詩方舟

以名進士改外能上馬擊賊下馬作露布轉戰滇黔桂皖各省大吏賴之 京師開辦分科大學科目照廣雅所定大學章程分經文理法等科江西人劉幼雲京卿廷琛爲總監督聘公爲史學教授公本教經學以史學更難其人廣雅特以屬公公特撰通鑑紀事本末書後爲講義見者謂可與王船山通鑑論並驅 秋杪贊丈招公遊戒壇至潭柘得詩二首 十一月請假歸里由京漢鐵路下長江至滬蘇堪丈築海藏樓初成屬題五言古一首入杭晤卓芝南太守時守杭州小住數日有題

烟霞洞冒雨至西溪二詩烟霞洞住持爲莆田人  
學信烹調素饌極精公留飯令具四小椀一湯給  
以八餅金學信大不悅不謝不送蓋嫌薄也後學  
信因存窖甚多被其徒某毒斃公屢游杭率未至  
西溪時方冬初將往看蘆花不識路冒雨肩輿踏  
霜葉踰嶺數重始至花塢雨甚天色向暝輿夫促  
下轎昇轎竟去遂雨行欲問路闐不見人般辟里  
許微見水色遂至菱蘆庵則全身無一乾處灰鼠  
裘可醉水一桶矣而溪上蘆花已盡遂徘徊厲徵  
君龕前喚舟至松木場乃知西溪與西湖只隔一

重山耳來遊宜由松木場進權路極近也 過滬

遇林狷生孝廉介識何梅生孝廉 狷生名大任文忠公曾孫甲午

舉人工詩近就佛學梅生先生名振 抵里住三官

堂月餘日往開化寺視蕭道安夫人殯宮出浴湯

泉聞舊僕莊秀卿已死數月為之憮然為公荆兄

置妾江生連江人也時福建特設存古學堂張鐵

君侍郎所最注重郵書敦屬松鶴齡制軍 壽 翺公

為監督公未之許也往拜松公不值旋松公來答

拜亦未之見于幼薌編修邀觀商業學校贈以所

譯商業經濟各書十餘種臘月底挈青子兄伉儷

泊月采姊江生仞九同行時津浦鐵路未通沂江  
至漢口鐵路快車已停坐尋常車每夜須下車宿  
店三千里關河冰雪甚苦寒至都歲不盡三日耳  
是冬廣雅薨於位卽日定諡文襄先是載灃爲  
攝政王專用親貴滿州人初疑漢人排滿至是不  
排於漢而見排於親貴率多解體洵貝勒旣長陸  
軍濤貝勒又長海軍又將以某富僧爲京卿廣雅  
力爭以爲不可爲載灃所斥歸寓槌胸歐血曰今  
始知軍機大臣之不可爲也有讀白樂天以心感  
人人心歸樂府云誠感人心心乃歸君臣未造自

乖離豈知人感天方感淚灑香山諷諭詩指載禮  
言也遂寢疾不起病中無以自遣乃自定其詩聞  
公有師友詩錄急索觀頗喜告從事在旁者曰選  
太多譽太過矣既薨慶邸來哭頗慟蓋相國遇人  
以誠雖異趣者至是亦不能無情也公輓廣雅聯  
句云合陶桓公謝太傅爲一人弘濟艱難心力盡  
有裴中令李贊皇老從事平生學術見聞眞陶桓  
公譬其久鎮湖廣事業謝太傅譬其戰勝法國及  
定册立君事 大學史學科肄業生多精熟歷史  
地理者河南人丁作霖尤其最與教員王某辯論

河東三鎮王大錯誤羞而成怒訴于總監督劉劉  
用專制手段黜丁尙欲科以餘罪諸同學不服雪  
夜奔集公寓請救助公爲斥駁劉乃免 爲蕭恭  
人刊列女集解行世補著凡例若干條

上章闡茂五十五歲

在都

是歲朝廷錄西洋留學生資格老者賜進士出身

嚴幾道

名復精英文舊學則研究子部所  
譯天演論原富等書世甚稱之

與焉年

已逾五十公贈詩有五十本來少進士句用唐撫  
言五十少進士四十老明經語蓋唐重進士五十  
歲得之猶爲早輕明經四十歲已爲晚也 花朝



後一日招何密威震梁仲毅志鴻朱芷青聯沅曾次公

念黃秋岳灌諸子飲集寓齋仲毅一稱衆異長樂

務院秘書長芷青海鹽人官學部小京官次公閩

縣人號風持官大理院推事秋岳號哲維侯官人

官國務院參議密威外皆公門人公與門人為文字飲始

此仲毅芷青皆受業於大學堂次公秋岳皆受業

於譯學館素拔擢居高等而能詩者故有好我二

三子起予五七言句密威江都人何簾舫棧太守

孫進士能詩與江叔海趙堯生胡瘦唐曾剛甫

楊昉谷羅揆東江逸雲林山腹胡鐵華諸君約遇

人日花朝之等世所號良辰者擇一名勝地挈茶

果餅餌集焉晚飲寓齋若酒樓分紙為卽事詩古

今體均聽次集易一地各繳前集詩互相評品其

主人輪直之瘦唐名思敬江西新昌人乙未進士

部鼎革後在南昌出所藏秘本刻豫章叢書一百

册談東名惇融順德人優貢以候選道在郵傳部

候補丞參與弟惇髮皆工詩善書揆東又號瘦菴

賦於徵歌選舞京師名伶梅蘭芳程艷秋皆經其

提倡卯翼以有大名後窮困死梅程二人盛飲助

之大有柳耆卿康對山之風著有瘦菴遺集一册

逸雲名庸叔海先生子官司法部長堯生先生高

足能詩山映名思進成都人官部曹鐵華名琳章

富順人堯生先花朝集江亭公詩有云春中草未

生高足官部曹

青步屨向郊垆詩有萌芽意人多磊砢形的是北

都春半風景清明日揆東為主約遊萬柳堂迷路

久乃至有阮文達題額在焉跋語以爲卽廉野雲

舊址實則萬柳堂有二野雲堂在北此在南乃清

初馮益都相國

溥

宴鴻博諸門生處也萬柳堂殘

破不足流連小坐茶話去尋袁督師墓不得憇夕

照寺小有亭臺是日公賦五言古一首從文達說

有雨打新荷句既成自知實誤也春盡日集棗花

寺先是三月十九日堯生鐵華招集法源寺看了

香因約遊此牡丹花信後丁香十餘日也

真案驛庵太傅

壽公六十

四月江杏村侍御春霖

侍御莆田人甲午進士直

詩云然言敢諫著有奏議四卷

歸里公有詩送之上半首云四海爭

傳眞御史九重命作老翰林當誅臣罪非今日待  
養親年值萬金江公以嚴劾慶邸逐回翰林院本  
衙門遂請假歸養親送者千百人張燮鈞侍郎嘉享  
詩甚爲結構 學部江叔海參事簡放開歸陳許  
道約往遊嵩洛是時社集已散矣楊昫谷太守亦  
將之官四川公送以詩一時號八况篇以篇中用  
八况字歷言種種難別之意又五言律送王病山  
布政之官武昌中言貨幣事望其整理也送楊祇  
庵出守廣信一七言古以舊遊廬阜未至東西林  
約後遊也 秋陳子言名詩廬江布衣工詩嘗爲  
俞確士提學從事同度隴

至招同蘇堪丈飲小秀野草堂草堂巨木既多夜色極可喜陳仁先侍御屢言之時當秋杪得二絕句有下酒催詩無別物滿林黃葉最堪聽句爲一時傳誦 是冬早寒十月廿八日已大雪張菴丈招同堯生侍御昀谷太守冒雪飲酒家遂登江亭聯句暮歸公復放言二十八韻極淋漓酣暢中有西望失翠微南望失蘆溝北不見居庸東不見田疇東西南北人搏沙聚浮漚匡廬當此時玉山照人眸石鼓當此時萬松寒颼颼側想峩眉巔終古色不秋等句又有融者疑酒泉積者疑糟丘有酒

如此雪畢生可拍浮有詩如此雪寒郊非詩囚各

云云 十二月東坡生日梁節庵按察適至端甸

齋尚書招集寶華庵至者王書衡推丞式通陳弢庵

閣學柯鳳孫提學劭林畏廬學博劉星叔孝廉羅

玉初京卿宣乃陳仁先侍御壽曾傅治薌學部嶽陳士

可參事實沈盒侍郎李柳溪侍郎繆篠珊京卿荃

于晦若侍郎式李文石兵備鳳孫山東人著有新

寅舉人官至教育總長篠珊先生江陰人丙子進

士有藝風堂各著述精目錄之學藏書數十萬卷

于侍郎庚辰進士時陶齋已望誤去位真案在德

博雅工宋四六

三

為直線督 失意至憔悴變容公數月不相見幾於不識

頌之焚香展拜陶齋謂當序齒公以司員居寶李  
兩侍郎之前陶齋因言自東坡生時至今殆踰九  
百載公言只八百餘載陶齋斷斷力爭于侍郎素  
推博洽曰陶齋誤矣石遺言是也劉星叔熟於史  
事因縱談及柯公新元史與公元詩紀事文石先  
生則說鬼不休酒闌陶齋分贈景宋東坡七集及  
成都舊帖次日公成七言長句七百字雜記其事  
陶齋以長卷乞書之陶齋精飲饌北城福全館治  
庖冠都下然必經滿人調度始盡美善聞節庵繩  
公庖要公觴之遂預約於上日開筵公詩結韻所

謂節庵切勿掉頭去更留草堂人日文字緣也

重光大淵獻五十六歲

在都泊歸里

是年文酒之會愈盛開正五日觴陶齋於寓廬陶齋評鴈食品某某非福館所及某某不及福全館皆甚允 人日挾東先生招公同陳弢庵趙堯生曾剛甫胡瘦唐林畏廬温毅夫林山腴冒鶴亭梁仲毅諸先生集所居四印齋至者五人蘇堪丈新自關外至因以人日題詩寄草堂分韻此後每集皆畏廬丈繪圖以餉主者毅夫名肅廣東人山古映名思進四川人 中和節二月一日集慈仁寺毅夫主之畏丈為繪雙松



同人題其後公頸聯云晝裏夜叉雙突臂眼中春  
物百胚胎剛甫口之不置花朝集花之寺公有憶  
叔雅舊遊示揆東長句首云一花不見春冥冥一  
僧不逢寺無名花之寺榜在寺內似愧無花相逢  
迎末云昔與令威相意行尋花過此門無局杳然  
化鶴遂千古云云謂前歲與叔雅揆東同車出西  
便門尋此寺半日乃得也清明集江亭蘇堪爲主  
春雪方晴景色特異公詩有雪晴羣玉嵯冰泮研  
羅曳及高鶩見鳳闕大園識壇壝百里帶斜陽絢  
繪益流麗白遊江亭來此景美無二如彼臨池久

放筆得新意如彼佇與時佳語出平易等句 三

月三日禊集葦灣

一名南河池又名寶泉河

山腴主之葦灣以

夏日荷花勝是年春水甚滿公示山腴句云尙覺

尋春來太早翻令消夏思無涯剛甫招集棗花寺

牡丹尙未開堯生招集法源寺丁香盛開一爲春

盡日一爲初夏某日 四月瘦唐先生將棄官歸

江西有別僚別友別謝文節祠別江亭別東華門

別琉璃殿書賈別會館花木七詩寫印送人同人

集謝文節祠送之公有七言律二首所用皆江西

故事時張丈簡放山西巡撫蘇丈簡放湖南布政

使同人排日飲餞最後集公寓寓中花木本極盛  
中有單葉白桃花一株忽變爲千葉桃爛熳千百  
朶席設花下花片時墜杯中大有宋人飛英會之  
致羣公是日樂甚

真案公嘗言平生文酒之樂是集爲最

豈知其秋

遷鼎革風流雲散矣未幾弢丈留內廷授讀蘇丈  
亦遷延未行有極樂寺之集公廿九年前舊遊地  
海棠數十株大皆合抱至是十無一二矣國花堂  
扁尚存公與蘇丈各有二絕句淒感特甚嗣是弢  
丈招同遊積水潭鶴亭招集夕照寺拜其族祖巢  
民先生生日公皆作一七言古一篇末厯舉古來

詩人流連至小之水以況積水潭一歷舉古來名  
士稱先生者語近詼諧豈知乃革命之兆無人不  
稱先生也 五月發庵招同畏廬遊西山秘魔崖  
尋寶竹坡先生題字三人同題名於其後公有詩  
紀之 繆筱珊先生管國立圖書館聘公充纂修  
招飲於十刹海 六月携張宗楊與同部胡綏之  
名玉縉仁和人考 遊泰山作記一首千餘言所以  
取特科用知縣 狀泰山者特爲詳明姚惜抱先生故有記寥寥數  
百言以示高簡不爲題壓公殊不以爲然嘗云東  
漢馬第伯封禪記洋洋二千言蓋必如是乃移不

到他山去若姚記則普通高山皆是矣諸峯或得  
日或不得日最是警語然以狀衡山不更善乎登  
山輿扛夫二平衡拾級而上日將入始入天門氣  
候冷如仲冬至日觀襲三綿衣出手尙凍道士具  
飯飯訖急擁衾五更日出奇觀詳記中歸得五言  
律四首古今登岱未有傳作惟少陵望嶽一詩然  
實未嘗登乃想像之作末四句凡高山皆可用不  
必岱也公詩廣大雄深殆無能抗手者矣下山遊  
大明湖過歷下亭楹聯卽用杜詩海右此亭古濟  
南名士多二句至名士軒輊李北海曾南豐餘韻

俯仰久之湖上得雜詩七首第二首有云老魚吹  
 沫陰垂柳可有軒頭浪接天第三首云太和寒食  
 關何事嘖嘖遺山復阮亭只道鵲華秋色好金焦  
 不見隔江青皆於阮亭有微辭真案阮亭治春絕  
句云故國風光在  
 眼前鵲山寒食泰和年邗溝未似明湖好名士軒  
頭浪接天極誇明湖之勝亦本元遺山詩意皆北  
人欲壓倒南人也詩云吳兒洲渚似神仙窰畫溪  
光碧玉泉別有洞天君不見鵲山寒食泰和年  
 實則明湖一勺之水蘆葦叢焉何足以方刊溝鵲  
 山似一乾鵲華山似一蓮樂視江南金焦渺乎小  
 矣一夜同王貢南坐月小滄浪荷風送香四更方  
 散貢南管存古學堂在金線泉上是易安居士故

宅約往遊公以棖觸悼亡不忍至 疆材侍郎寄

歸鶴圖屬題是歲出山者頗多温石二處士流亞

故公詩有云并無一鶴巢居者都去乘軒刷羽翰

江叔海兵備於洛陽白文公墓前創建白亭書

來索詩先是江公招遊洛陽公以事羈未與且謂

洛潼鐵路不日告成小待將并遊太華終南也因

題詩云伊關嵩高去不成聞君小隊出郊坰搜尋

殘碣疑玄墓商略顏題仿孟亭 案玄墓孟亭用事可謂雅切矣

七月七夕張菴都統 真案張丈時 招同林宰平 志

程郁庭 師 德施藜觀 書 遊十三陵 宰平閩縣人官司

菴丈門人入翰林真案永有記長陵樂陵享殿枌木柱

大踰車輪圓徑約一尋長數仞如是者六十蓋罄

中國山林材木矣定陵真案萬曆陵豎墓碑之寶城合

各巨柱以上至梁棟椽題簷榮椽瓦之屬以一石

琢成者自繼統之初卽經始工程作三十餘載乃

成然十三陵聚於昌平一州長陵居中山最峻自

是左右昭穆代占一山古族葬法也而天奪之魄

初不計其環抱之山至十三代而已盡雖欲不亡

不可也且莊烈陵本以葬田妃莊烈并無葬身地

矣是夜宿端陶齋所築山樓大雨忽傾盆兩夜一



日乃止將遊溝溝崖不果第三日公有事須下山  
河流甚漲無舟不得渡携僕由一鐵道軌木達彼  
岸半道頗惴惴跋丈諸人仰翻栲栳作舟使數土  
人舁水肩而行至則滿身泥滓矣 爲工科給事  
中馮莘垞先生撰墓表 八月廿日蘇堪丈自施  
飯寺電告武昌革命軍起鄂督瑞澂不知所往先  
是蘇丈本赴湘藩任以會議官制入都眷陷湘中  
公午後到部滿員皆惶恐問計公直告之曰惟有  
請今上遜位惜無人敢奏恩詠春華 郎中亦以爲  
然連日風聲甚急攝政王起用袁宮保世凱公一

日命車訪張文途遇洵貝勒便衣坐馬車上揚揚  
意得甚至臨清宮晤力軒舉方自載洵處來詢知  
袁公允出山滿人以爲長城可恃矣廿五日公命  
眷檢裝南下廿六日晨行自留京寓侍者惟張宗  
揚及車夫厨子門者三人未幾公有兌局存款將  
歸還不已與商兌聞自帶滙票携張宗揚行所有  
京寓器具書籍屏軸瓷器坐卧具之類皆未動有  
米十餘石煤數十頓油數十斤留給看守者與約  
臘內回京所有次等以下衣服盤碗皆賞給之其  
夜仲毅秋岳來送行縱談達旦舉字畫之次者皆

贈之凌晨行鵠俟汽車至急登車車中已滿僅得  
一坐處轉眼有兩少婦來坐膝上回顧赧然然無  
可推移處旁坐忽有立起急擠使坐下汽笛鳴行  
矣至津住旅館搭輪舟至滬適開口革命軍起晤  
高夢旦丈兄弟林伯穎先生父子遂航海歸里實  
十五日也次早訪鄭友其先生於楊橋巷相對慨  
然鄭先生素盼公歸方謂從此得相守又次日鄭  
先生歸臚下鄉不旬日死矣異哉公有哀辭極傷  
惋先是十七夜有黨人來告定於明晚舉事十八  
早命家人避兵陽崎後呼文筆山生墳墓佃將舉

蕭恭人及冀伯姊丈兩棺渴葬之午後携僕上山  
二壙已開竣須臾兩棺亦從開化寺權厝至公自  
舉羅盤定方向照料下窆封壙畢回家有詩紀之  
過湖上井邊亭遇孫提督道仁隨數十騎蹀躞亭  
畔是夜睡至四更果聞礮聲大震南北兩道火光  
燭天遲明出令開柵門過撫院前武備學堂見學  
生荷槍出隊至津門樓由觀巷上九仙山觀戰見  
礮彈皆發向將軍署多不中須臾下山遇林銘西  
志據云戰事已了因出城徒步往陽崎已刻至薄  
暮尙聞城內礮聲復入城覘之至倉前山天已大

黑滿村刀鎗聲因訪陳香雪父子寄宿焉香雪名海梅乙

未會元由庶吉士散館改龍泉縣家君培錕字韻珊同館翰林由編修官福建財政廳長香雪

年老早睡持酒一壺肴兩碟使自消夜終夜不成

寐聞城中礮聲不絕天明即辭出門行十數步見

地上赫然十數尸皆中刀鎗居中一尸最巨獨斷

首焉須臾入城時何梅生先生住公對門始日過

從嘗月夜抱琴動操公有庭梅將開約梅生彈琴

詩所居室前有一老梅勢極夭矯而枯改種竹二

十竿有喜竹活詩是時公眷尚居淘江隔數日則

徒步往來淘江典屋已被贖借居力醫隱即軒舉舊

園有歲暮寄醫隱四律言村居景物甚饒野趣殊  
有躬耕之志 福州既革命孫道仁爲福建都督  
革黨有彭壽松者亦湘人覬覦孫位適孫開會遍  
請紳商公亦戾止孫演說欲避賢路公以時局未  
定孫不宜遽退爲言已觸彭怒又彭暗殺士人蔣  
子莊及學生黃某衆於故總統孫中山先生遊福  
州時開會迎之公偶出觀衆以彭殺人呈告於  
孫丐公代呈中皆斥彭爲彭賊孫畧閱卽以授彭  
時彭亦在坐也彭憾公遣邏卒偵公雖不敢動手  
然亦岌岌矣知者以告公也 是歲有續題海藏

樓圖卷題劍潭亡弟事畧題力孝子萬里尋親圖

題唐人寫經圖題羅兩峯上元夜飲圖題北宋石

經禮記殘本題雙忽雷圖

真案小忽雷有歷史大忽雷唐以後無聞惟楊

廉夫有詩呂某和之貴池劉世珩以此圖屬題公曰此詩廿八字須酬一千金與君相好只送仿宋

刻書數種可也葆篠岑閣學招集高廟為繆篠珊先生題

蕉牕讀畫圖題鄜海雪墨跡題陳獨漉隸書張曲

江詩題周郁如畫山水橋價賤落戲書郊行見菜

花各詩歲暮有懷人絕句三十首

侯官陳石遺先生年譜卷六

門人王真續編

男 聲 暨 編

門人葉長青補訂

玄默困敦

民國元年

五十七歲

在家泊入都

正月公家人將自陶江移入城十二日長孫生於

陶江名曰光度入聲字曰德齋 二月石遺室前易

栽新竹舊竹樵悴移植聞雨樓後院前庭盆花數

十花朝後欣欣向榮矣 花朝同梅生師遊耿王

莊訪林韻芳夫人

真案名芳鄉賢振榮女適邱卓生先生能文墨於莊畔



寓廬有詩 三月遣張宗楊往武昌運石遺室叢  
書版閩詩錄版及已印閩詩錄二百部往北京運  
書籍字畫藝器等物暫住力醫隱先生宅 四月  
宗楊病甚重醫隱書來速公入都公亦欲觀亂後  
情狀遂行 五月初三抵都寓醫隱園中所知畢  
至張病既愈公偶傷暑泄瀉數十遍初愈發庵丈  
邀遊西苑周行南北海諸勝處足乏力天又暑幾  
踏於地歸大委頓吐瀉交下醫隱畏廬丈大怖公  
神明自清知無礙也病起作遊西苑記 六月病  
大愈將歸嚴幾道先生復爲大學校長以分科學

生未畢業訂公續主經史學講席姑諾之雅不欲就也病中爲跋丈刪定詩稿存六百首所寄都中書籍雜物一切運歸月杪到家 七月北京大學電促入都適閩省當路欲強公出任事乃出走避之 八月至都而海軍閩人在滬者公電告總統謂有盜在閩殺人重賄公使挾數十萬金行賄於總統袁總統召海軍部長閩人劉冠雄告之曰我雖知有陳某然無素何從賄我汝速解釋之一時都下喧傳此事屢見報紙求其故則由於故人沈濤園對衆戲言訪事者謠傳迨海軍發公電以濤

園與名公三函告濤園丈果不與聞須自白丈置

不答則不知其有意與無意矣公最後函嚴重詰

責刊在庸言報流傳萬本真案此函只寄濤園丈

書衡先生式通所見背誦並不欲宣布也偶為王

於庸言主筆者遂登報至殺人之人公並不與

相識肯以數十萬金賄一不識總統毫無勢力之

人恐無此大愚也真案殺人者彭壽松後輩巨

九月移寓前門右街桐城館為蕭夫人寫刻說文

重文管見作叙一首十月梁任公啟開辦庸言

雜誌時任公為約公編詩話計字酬金千字酬八

餅金月約用萬言公舊有詩話百十則未成書茲

先編二卷與之任公以遊臺灣詩稿一冊堅屬刪  
改中言臺事有誤者爲易數處任公至喜 十一  
月大學年假將回閩復作詩話四卷與任公初旬  
行至家小住二十九日復北行至滬坐滬甯鐵路  
至下關留一日登北極閣下循青溪沿秦淮至莫  
愁湖南登雨花臺不到金陵蓋十七年矣山水城  
市如故惟道旁柳樹長大舊所無耳次日渡江走  
津浦鐵道是夜四更過太山下上有積雪有詩

昭陽赤奮若五十八歲

在都

正月仍寓醫隱先生處醫隱存英德石一頗具巖

不列今之公言  
壑之勢公愛之以贈公作小玉屏記 二月大學  
分科攷畢業事竣將歸大學校長何錫侯留任續  
班講席令姚叔節教務長來言公謝之 續編石  
遺室詩話四卷充庸言雜志用梁任公復舉舊作  
一厚册使酌定則疵病甚寡無所需其修月之斧  
矣大畧任公詩如其文學韓學蘇局勢開展筆力  
雄俊古體長於近體必欲吹求則七律中對時有  
未正整處古體詩用韻有上去聲通押者間爲獻  
替 二月半後朋好排日飲餞一日與易實甫先  
生燕集對立階前風過樹上落紅成陣撲兩人衣

帽殆滿須臾砌下厚盈寸矣別後至杪秋始寄實  
甫云與子分携及暮春落紅庭院立春人春人撩  
亂風花眼不念階前對愴神時實甫選色徵歌頗  
雜亂無紀故第三句云然 清明日約梁仲毅朱  
芷青黃秋岳來寓午飯就醫隱園中看杏花遂往  
雲山別墅桃李梨開爛熳高樹花光照耀數畝小  
坐同上江亭三子各賦詩送公行劇談樂甚晚歸  
公各次韻一首三月一日行五日至上海訪蘇堪  
丈於海藏樓適櫻花盛開十數株高皆逾屋有淡  
紅有白有黃有淡綠搖風弄日流麗過於海棠晤

樊山出示三日樊園修禊詩韻次少陵麗人行有  
駢體序邀公補和諾之初七日至家海棠三株方  
開得絕句一首寄蘇戡柏梁體一首寄樊山得揆  
東書言任公集數十人修禊於西郊萬生園分韻  
賦詩印一本寄示要公補作因次任公韻贈任公  
并爲作一序未數日揆東來書告芷青病卒芷青  
亦與修禊會者纔讀其詩與別僅十餘日耳遽以  
千古此悲幾不能堪仲毅秋岳書繼至語皆至痛  
悼公爲哀辭哀之欲作詩不能成聲矣 五月六  
日施藜觀招遊龍潭午前甚晴向晚過瀨下天色

漸變入小雄口疏雨來須臾甚雨潤石上始揭終  
砭昏黑乃至小雄山止張菴丈所築聽水第二齋  
衣履毛髮無一乾處矣然大雨瀑尤可觀一宿記  
之而去次日至方廣巖亦有記 於所居石遺室  
前開一小池方廣僅八尺掘地二尺許卽得泉倒  
涌而出鑿深至八尺止作賦一首逾千言 七月  
王又點先生允欲起詩社乞公爲之長首集於李  
園裡沈祠會者何梅生劉筱雲林大年龔惕菴鄭  
國容林雪舟周郁如葉伯璉諸人次集在公宅卽  
以新鑿小池爲題惕庵梅生詩最工公得七言律



一首三集集林雪舟宅寒碧樓議重修西湖宛在

堂公有七言古一首又點丈乙酉舉人工詩詞筱雲名崧英壬寅舉人工詩能

畫善書大年名則銘工詩善書書惕菴名乾義諸生

博學能文工詩國容先生名容有無辨齋詩雪舟

名宗澤精目錄之學郁如先生 刪存舊文十二

以畫名伯璉名心炯諸生工書

卷刻之編次體例詳於集中與姚君慈劉洙源書  
五月開雕十月成續編詩話四卷寄京師 九月

京師大學兩電要任文科講席謝之十月復兩次

電要既而念前屆大學頗多得佳士當此舊學否

塞大學尚有文科尚有為文科學生者峻拒之何

忍遂許之初分科之將開辦也公奏記廣雅相國

謂經科爲中國所獨有其學精深非尋常預科學  
生升人大學者所能肄業文科亦然請由各省大  
吏保舉生監舉貢之高才者咨送入都使入學廣  
雅從之惟選舉貢而不及生監尤慎重也於是經  
文兩科畢業生所學多深造者此次學生僅由學  
堂升入則遠遜矣 十一月至都下榻陳弢丈寓  
過上海晤蘇堪古微樊山少樸伯嚴梅庵名瑞清江西人  
壬辰進士官至江甯布政使鼎革後鬻字爲生 仁先諸人 是歲有登海  
天閣寄懷滄趣苦熱和柳州悼顧印伯于麓八十  
一階望月訪棕船過蘇堪舊居題李易安小照看

黃葉寄懷滄趣登隣霄臺和蘇堪磨崖作雨中登  
 鏡湖亭約往豹屏山看紅葉不果白浦口至京師  
 二千里大雪一色和仁先菊詩題寒廬茗話圖題  
 嶽雲聞笛圖除夕前二日與幾道話陶江風物各  
 詩

闕逢攝提格五十九歲

在都

正月仍寓叟菴丈所元宵後移居東城頂銀胡同  
 屋二十餘間有楮有大榆有叢竹紫藤葡萄益樹  
 數高柳丁香海棠梨杏紅桃一春常醉其下 二  
 月月采姊婿吳鐵庵鐸

日本畢業生  
前學部主事

至繼以晚峯

五姊至

三公第  
三媳

三月公姪慰至

三日袁抱存公子

名克文總統第  
二子能詩善書

請修禊於西苑流水音成五言古

一首 晦日實甫揆東招同王壬秋太史饒春於

法源寺成五言律一首於王先生有微詞焉

真案  
王先

生在勝清以老孝廉得賜進士入翰林  
此來受袁總統任命充國史館總裁也

公荆兄

至都充行政講習所教員時黃秋岳為亞細亞報

館主筆時將公荆著作登報知道安夫人著有然

脂新話四卷亦從公鈔稿附報出之

俞確士

明  
震

至充肅政史

確士號觚菴山陰人  
進士官甘肅提學使

出詩稿一冊屬

為圈點還之確士詩功在二孟閒西行後時參杜

法海藏先生以為得杜味鄭雅星至四月與同遊

大通河風景如昔為胡子方作詩廬記馬通伯至

屬題碧梧翠竹館詩並為跋戴南山詩冊王晉卿

樹參政至為作文莫室詩續集序又有與晉卿論

文書 趙次山館長以聘充清史館名譽纂修有

書答之 劉洙源歸中江有序送之洙源名復禮中江人舉人

精經學小學工散朱古微秦右衡至飲之酒樓

有與古微詩 九月七日同張菴丈遊玉泉山別

館 馬季立先生卒為作傳先生諱貞榆充清華

學校教習卒於校中年七十有三有經學著作公

有句輓之云老猶難佚何妨息書有堪傳未算貧  
楊惺吾至詣談數次年七十有七矣耳頗重聽  
足微寔數月遽卒有句輓之云直以著書爲性命  
纔從談藝判人天爲作一傳因補作桐城蕭穆傳  
胡瘦唐歸新昌趙堯生歸榮縣久不得消息各  
與一書論學論文與蘇堪丈書頗論天人之際丈  
亦報以長函書作章草體 樊樊山參政兼充政  
治顧問清史館總纂戲贈以樊宗師歌今此歌不  
存樊有和作 十月刪丙午以後九年詩存四百  
餘首亦分三卷刻之雜文稿積三十餘篇亦料理

付刻為續集 是歲有與默園論詩即送其行胡  
 詩廬詩存題後題侯雪農吟詩圖陳師曾寄示詩  
 十數首喜而有贈三六橋屬題朔漠訪碑圖答惕  
 菴寄懷之作答大年寄懷之作寄調又點歲暮追  
 和暨兒寄詩宰平夜至去而門外雪滿矣諸詩又  
 有遊玉泉山記與何心與書沈澄園遺詩序榕陰  
 談屑敘程戶部遺集敘廿四史校勘記敘無辯詩  
 序密堂詩鈔序疑始詩序書曾子固講官議後秋  
 蟪吟館詩跋 十二月作懷舊絕句三十三首二  
 十九日黃晦聞名節順德人羅揆東約會祭陳后  
有蒹葭樓詩

山先生於法源寺會者十三人請公主祭作祭文

一篇歸賦五言古三十韻

是年四月公次孫光堊生於福州字曰嘉軒

旃蒙單闕六十歲都存

是歲福州浚小西湖兼修湖上諸名勝林惠亭炳

章

文忠公會孫甲午進士由編修官至福建財政廳長鹽運使

董其事并重建

宛在堂有寒食日寄懷梅生兼訊西湖五律二首

清明日懷堯生五古二首 里中人屬撰宛在堂

楹聯公寄兩對一云稍增東越湖山色頗似西江

宗派圖一集句云杜詩韓筆愁來讀林月湖風相

與清第二對惠亭誤挂在荷亭則上句無謂矣時



里中公議於原祀十六先生外增祀林歐齋壽謝圖

枚如音龔藹仁易圖陳木庵書葉損軒大莊林暎谷旭

六先生先是宛在堂被水牆屋倒塌堂前一紫藤

百年物委地盡矣初公會與何梅生王又點諸人

議修此堂資無所出沈愛蒼丈由江西布政任上

捐餅金一千圓存陳駸庵丈當舖生息至是撥用

堂成不復築外垣 三月一日在都於東城寓齋

建春社集者樊樊山周沈觀左笏卿名紹佐應山人庚辰進士

官廣東雷瓊道江叔海余確士易實甫吳綱齋梁眾異黃

秋岳約各為卽事詩一首次日沈觀先生先成公

次韻 樊山出觀唐硯徵同社作歌沈觀笏卿先  
成公後十餘日始和硯為唐文宗麟德殿道士楊  
弘元物泰和八年十月賜白居易旁刻有山南西  
道節度使李德裕官欵贊皇與香山不合題字其  
後大是疑義詩本此用意 四月沈雨人侍郎雲浦  
沈淇泉編修衛招同陳弢丈樊山春榆沈觀珏生  
曼仙小麓郭春榆侍郎子名則灃癸卯進士官國務院秘書長諸先生宴賞  
牡丹於浦信鐵道公所兩人為袁總統至契以不  
贊成共和被擯閒住京師僅督辦浦信鐵路羅致  
各省異種牡丹千餘本環列廣庭縱橫數百步滿

馬夜張數百光電燈其中花氣與酒氣與燈光相  
蕩晃賞牡丹者殆未會有也公詩云魯連身手沈  
東陽如海王城坐此堂百種芳姿千里致一春間  
醉二年強不知酒氣還花氣但覺燈光勝月光自  
謂願盡其艷麗之景 是月八日爲公六十生辰  
不許家人稱觴介壽惟門人申江劉復禮由蜀寄  
散文一篇以杜甫氏韓愈氏爲比林畏廬丈散文  
一篇 李拔可請續編詩話人雜誌 七月陳士  
可毅招同樊山寶甫諸君讌集畿輔先哲祠坐中  
論詩寶甫謂張廣雅獨賞蘇堪吟就武昌花寄與

南皮老未免溺愛不明又舉散原作健逢辰領元  
老句廣雅不解謂元老乃被領耶公謂廣雅於蘇  
堪詩無不贊賞并非獨賞此二句此詩上二句係  
門外大江橫轉覺詩難好散原下句係夕陽城郭  
萬鴉沈白是佳句因次韻湊成一律後半云萬鴉  
沈郭悲元老一笑橫江下建康回首題襟詩事在  
散原分散海藏藏次康字藏字韻天然詩料 平  
政院院長周少樸先生檄公荆兄充書記官 初  
六月間有人來訪索開履歷公却之曰吾自入民  
國既不爲官絕口不談政治無用此也未幾而籌

安會事起籌安會者顧鼇施愚楊度夏午詒等以  
為共和政體不能長治久安非改復專制不可創

為此會將擁戴袁氏為帝制嚴幾道與焉

真案嚴幾道晚

年體羸讀書外不能事事而用度皆恃顧問諮議  
各名目歲入不貲創會者要與名乃為保全進款  
數月間示意各大吏令軍民紳商等僉名勸進於  
是聯名千百人上書闕下日數十起籌備處中人

大修宮殿制禮服定朝儀駸駸乎將登大寶復於  
京師分數項人使上表勸進一勳貴凡封五等爵  
者一巨富凡家產在二三百萬以上者一碩學通  
儒凡學問經濟有大名者十月廿八日將以上各

項姓名列榜衆議院照牆謂之初選三日後大集  
內廷投票被選者上表勸進公皆未之知也有姪  
在衆議院充速記皇皇然來報曰叔父名列碩學  
通儒之首公急命駕至仲毅處以電話詰施愚等  
何爲首列吾名答曰上意也公曰子之上不我識  
必汝舉之請速爲除名我明日不到曰恐干未便  
公曰未便固也汝舉之而吾不至汝之未便殆尤  
甚焉曰足下真不至乎不要後悔他人求之不得  
者尙多公曰決不後悔曰吾改選他人公果不後  
悔乎於是乃除名 十一月一日樊山七十初度

袁總統頌一 楠額幸帝制未成僅題大總統袁頌  
某某上不書賜下不書臣公送以聯句云白傅放  
翁海涵地負太初元朔嶽降崧生首切其有詩萬  
首次切樊姓三切十一月一日四切布政司 有  
連日讀杜詩題絕句三首安祿山之亂降賊者分  
六等定罪少陵陷賊中而不與者避於贊公禪房  
也病後過王倚微雨過蘇端諸詩皆此時作公以  
自譬帝制紛紜中得與羅揆東諸人觀梅蘭芳劇  
而女伶魁首劉喜奎時已赴津故有臨穎美人今  
不見云云 是歲兼主法政學校文字學講席

有戲呈樊山社長兼示一庵同社題桐城姚氏所  
 存石田長卷節庵寄二扇爲壽報以小詩題漢江  
 秋望圖爲徐又錚中將又爲題填詞圖題實甫所  
 存張船山詩冊節庵以古靈先生焦山題名搨本  
 寄贈小詩爲報輓麥孺博疊疊字韻追和樊山韻  
 泊園種竹詩次韻奉和中秋雨後得月和樊山送  
 今頗上將軍回瀋陽題張紅橋硯搨本題湯貞愍  
 詩墨爲黃胥庵題東溪送別圖哭李文石寄題三  
 百三十三士亭真案此題公要切三百三十措  
 皆渾寫大意惟樊詞詩中有關合極巧處和者數人  
 山先生獨能巧切答劍丞諸詩又有放翁詩選序

百書七主手曾六

三



柔兆執徐六十一歲在都泊  
歸里

是歲大學堂分科學生二次畢業公方將歸里而  
福建省長許俊人世英聘總纂福建通志而袁氏  
有取消帝制之議時張繼堯蔡松坡等討袁之軍  
疊起初松坡被袁氏用重祿羈縻在都松坡詭計  
脫身至湖南起事所有應得薪俸封還袁氏一文  
不取公時居東南城頂銀胡同樊山先生居西北  
城平口皆天明就寢傍午起三月某日天遲明樊  
山先生忽至公異而詢之曰吾被兩傭嫗隔屋相  
罵睡不成故來訪耳小頃乃言袁氏將取消帝制

蓋夏午詒編修壽田樊山長子妻弟爲袁氏要人  
故先知之公決於三月初出都而袁氏有令非有  
公事不得帶行李家眷出城嗣與警察局長洪寬  
孫毅謀以福建省長聘函爲據先遣眷屬行李至  
津公自於三月三日行是日揆東復庵兄弟與陳  
波丈諸人修禊二閘不得與矣八日航海至滬九  
日攜晚峯五姊月采姊都甥遊杭州午後泛湖遊  
湖而諸勝晚至廉氏小萬柳堂約輿夫明晨至將  
遊南北高峯次早忽傳戒嚴杭滬鐵路斷堂主人  
傳呼儲米公計此地不可留令肩輿改道往拱辰

橋搭小輪遶道往蘇州歷太湖吳興吳江震澤諸  
縣一日夜達閬門由蘇杭鐵道歸有詩二首紀之  
時許俊人省長已與李培之督軍厚基政見不合  
避至滬閩公至來訪 刊漁洋感舊集小傳拾遺  
四卷將成作序一首 四月初旬公與濤園丈同  
歸里李培之督軍厚基來拜招飲因識一時當道  
諸君李督軍時兼省長請先定修志凡例公撰就  
若干條印刷寄各省開局於烏石山沈文肅公祠  
中濤園丈為名譽總纂不辦事不駐福州陳陀菴  
大令元凱為提調劉耕雲太守瀛何梅生師為協

纂沈冠生禮部觀冕葉獻恭大令大琛林耕煤大  
令蒼陳小真大令鉅前林敏生大令翊陳大彌大  
令敬王鏡湖大使慶湘鄭星帆孝廉祖庚林可山  
諸生孝穎吳樵笑炎南陳恥樓諸生聰陳益卿諸  
生謙葉伯聰諸生心炯及李苑之龔惕庵林雪舟  
共十餘人爲分纂外採訪校對謄錄又二十餘人  
月糜銀圓二千元其費出全省各縣錢糧串票項  
下每張加徵一文錢三文後數月經各縣議員將  
此款爭回以修縣志經費無著志局將停辦嗣經  
李兼省長於閩侯兩縣串票項下可徵三百餘元

外另籌補足至十二月乃切實開辦約以三年期限修新通志一部仍從最初編起 初至家有雜詩八首時小西湖新浚各處臺榭花木頗有可觀有重修宛在堂記公常與濤園丈夜泛湖上濤園每携能歌吹者管絃聲沸水面或達旦始歸一日濤園丈與韻珊丈劉建安諸人攜妓夜泛至洪山橋忽遇暴雨酒酣諸妓歌聲與雨聲相答又一夜携妓至南公園坐月飲達曙故公詩有云老逐少年坊小叢紅牙板扣大江東雨聲月色雙奇絕丈入溝還百步洪公數年離鄉所知多約出遊因至

小金山石倉園諸處塔江老樹猶存林怡庵

名葵諸生

能詩

畫 聯句猶題壁上石倉園松翠依然四十年人

面桃花非黃土即白頭矣

是夏奇熱幾無夜不

乘涼湖上有次鄭棕船湖上雨飲韻林敏生招泛

湖上有詩次韻林耕煤復疊前韻再次之暑夜泛

湖達曉不寐諸作

六月杪同溥園丈至滬挈眷

歸、交通部總長許世英調公荆兄補航政司主

事 重九始致祭宛在堂詩龕復增祀十餘人與

祭者除詩龕諸先生後嗣外約數十人議立一公

社公為名湖心社每年以三月三日九月九日舉

春秋二祭合周郁如師繪宛在堂秋祭圖 十月  
 京師大學校校長胡仁源屢電請續講席許之月  
 杪至時開第三次分科公任文學教授廡頂銀胡  
 同故居適公甥沈鴈南丈至都公為芝青十三從  
 女兒執柯配鴈南丈長子亮超芝青姊公之弟子  
 也 臘月大學校長易蔡鶴卿先生元公辭席歸  
 薦江叔海先生代之 是歲詩有和樊山春寒詩  
 雪意詩贈賴生籌題李西涯詩橫卷哀寒碧題白  
 蓮居士畫題胥庵詩稿將至界首回望泰山汽車  
 上望華不注晤雁南甥題其詩卷諸作文有收回

屏山果樹記抑快軒文鈔跋如來金粟詩龕集敘

強園大荒落六十二歲家在

是年李培之督軍仍兼省長 二月於所居後屋

關匹園建皆山樓有匹園記皆山樓記嗣改皆山

樓為花光閣有記詳其事花光閣屬蘇堪丈書扁

自撰楹帖云移花種竹剛三徑聽雨看山又一樓

屬發庵丈書之

公廡書發庵丈云此聯套先生聽水第二齋聯句調蓋丈句係聽泉

看竹無餘事擅壑專丘又一齋也

畏廬挾東秋岳諸人皆寄詩落

之公有和作 門人劉洙源姚君慤自粵來謁留

飯即送其行有詩君慤首届大學畢業生即任命



為南洋宣撫使

真案君愨名梓芳廣東順德人副貢生

與洙源同學

至契歸粵薦洙源為地方審判廳長至是解職將

入都過福州也君愨有秋園在其邑屬公題園中

入景為賦短古八首 秋同梅生師無辨師遊石

鼓山有坐聽水齋懷聽水老人詩 黃君墨園自

都寄重九見懷之作次韻和之 匹園成欲自作

數詩落之久未成歲暮乃足成十四絕句中有簷

溜聚成雙瀑長雨中月色電燈光二語公絕愛觀

瀑乃謀於大雨時聚重屋數十瓦溝之水滙於東

西兩處瀉下成小瀑布又張電燈於樓角最高處

使滿園花樹一如月來弄影樓旁一露臺設醉翁  
倚數張夜足乘涼不必肩輿往湖上矣 是歲志  
事方殷編纂之法徵書數間屋使各分纂翻閱凡  
遇福建人福建事皆折角呈覽公乃摘其有用者  
起訖加兩小點合膳錄鈔之不論長短一葉一條  
然後分題編次如李綱一人碑志筆記凡若干條  
彙次爲一疊撰傳時刪複節繁先後銜接湊成一  
片不過將各葉上下移動過渡處加數語以爲筋  
節耳餘皆仿此 是歲文有林文直公神道碑銅  
仁知府饒君墓志銘詩有送胥庵之官泰寧旆雲

舫屢示新詩久無以和勉成一絕句題洪橋送別

圖圖葉旬卿先生為張亨甫先生作者題明宮詹

陳醴元先生像美夾竹桃曉圃饋歲且先以詩次

韻奉答等作案黃式蘇字胥菴樂清人工詩 匹

園缺花樹半野軒主人歲暮送梅桃三株并所種

菜二擔有詩報之 除夕偶讀白詩恰遇六十二

歲之作和之是歲又有聞妙香室遺集跋書墨藻

著雍敦牂六十三歲在家泊在上海

元旦見桃開有詩效香山體不得堯生書六年矣

聞蜀中甚亂有登樓懷堯生二律 正月三日地

大農公適上北郊墳未之知也 有客來訪長孫  
光度答以在匹園中且能言園中風景因遣就傅  
並紀以詩 自去秋不雨至春已入閱月各處祈  
禱無靈農民大憂公爲作禱雨詩五言五十韻端  
書持向高台焚之是夜微雨次日沛然如是三四  
日有喜雨詩有海棠將開喜得微雨詩有再喜雨  
三喜雨四喜雨詩喜雨方過而大水連旬農人告  
早晚稻俱盡矣有春盡日絕句七首公每以春盡  
日宴客 閩粵戰事忽起初張勳在都謀復辟勝  
清遺臣愆恩尤力夜半入宮擁清帝出諸擁戴者

遂不次賞官某爲尙侍某爲丞參矣公方在臺上  
坐月陳陀庵欣欣來曰京中復辟矣公曰不三日  
卽當烟消雲散已而果然馬廠討逆軍起諸擁戴  
者紛紛奔竄京中小有格鬥未幾張勳卒跳天津  
租界以免於是督軍團起李培之督軍赴徐州會  
議未幾閩粵遂有戰事下游數敗卽李督軍赴厦  
督戰戰未有功省垣人心皇皇城內處處樹柵諸  
當道數訪公商維持治安公畧爲計畫旋攜家赴  
上海先是官軍旣屢挫福建人欲練民軍而壓於  
官力乃議清鄉謀督辦適林仲宣艦長戰艦在馬



遊釣臺過富陽宿桐廬登桐君山次早易小舟赴  
嚴瀨望見一石四方削成矗立數十丈舟人告曰  
釣臺至矣其西一石亦如之爲謝臯羽慟哭之西  
臺其下爲嚴先生祠艤舟登臺眺望久之遂歸有  
登釣臺記一篇絕句四首富春一首歸仍寓陳莊  
仁先扣遊相法寺至虎跑泉歸途遇雨有詩次日  
歸滬 劉蘅莊朝敘前福建臺灣巡撫銘傳孫也  
重刻其祖大潛山房詩請公爲序爲述前在幕府  
時論詩舊事 九月仁先至滬約同古微病山諸  
人焦山登高弁訪伯嚴不能往以遊三潭印月之

夜康先生勸食稀柿二大顆歸而瘧病有詩紀之  
重陽後一日又寄一絕句與仁先梅生得唐琴來  
書索詩以一律答之客邸無花向蘇堪丈乞菊數  
枝挿瓶有詩在滬過從最密者爲沈乙庵乙庵由  
麥根路海日樓移居威海衛路自號所居爲谷隱  
使公爲之記記俳體也未刻入集中於是乙庵  
移寓約乙庵作詩乙庵兩和邊字韻疊韻諸詩  
十月同梅生遊無錫至惠山過寄暢園送梅生歸  
里皆有詩張宗揚書來言匹園石榴六株亡其最  
佳者有詩悼之十一月俞恪士卒於杭州哭以



五言古廿二韻恪士有莊在湖上與陳莊隣 是  
歲文有廬江福田王公墓志銘江陰宜甫章公墓  
志銘江陰聲鏞陳先生墓志銘成都知府葉公墓  
表南充知縣華公墓表雅泉王君墓志銘河南知  
縣何君墓表重修青芝寺記詩有讀蘇詩忽憶準  
辦心中多樂事賣書示雪舟最喜豈有木筆初放  
海棠將開招梅生來看霜雨後蘇堪喪其第三子  
乞詩唁之朱九江先生入祀鄉賢祠翻高詩人徵  
詩和之鏟蕉歎卧聞送紱雲回江陰并示治庵瓶  
蓮夜落早起有作寓樓早起客牕新情輕陰卽事

憶梅答堯衢畏廬書來力勸節食報之以詩耕梅

寄七言古見憶報以律句節庵卧病京師詩以訊

之聞古微同年喪子奉唁獨眠食燒餅斗室壽夢

旦五十諸詩案九江名次琦南海人道光丁未進

進士工詩章廷華字紱雲謝鼎鎔字洽菴皆江陰

人皆能詩夢旦名鳳謙嘯桐丈弟商務印書館發

起人夢旦丈將以公元詩紀事由商務館印行公

抽空整理清稿付之次年乃出版

屠維協洽六十四歲在上海泊入杭州金陵虞山蘇州鎮江揚州京都歸里

正月遊蘇州至天平山訪范文正公墓山上千百

石皆如笏俗所謂萬笏朝天也月杪同休雪舟往

鄧尉看梅鄧尉梅花準於雨水節後十日開不可  
過遲過早舟行九十里過木瀆靈巖諸處晚至光  
福觀方塔登還元閣天黑下舟宿翌晨天雨坐兜  
到玄墓真假山司徒廟諸處夾道花開高與肩齊  
拾供平視行數里上山腰香雪海四望真立雪海  
中矣聞鄧尉梅舊本萬餘株近闕樹桑無慮萬樹  
而已下山至石壁望太湖水色沈碧中水中諸山  
皆作卵青色不知何者爲漁洋法華也是日凍雨  
不成雪從僕無繖頗能緩步逍遙雨中無怨色公  
記起漁洋有還元閣懷太湖詩太湖卽在眼底何

以稱懷當誤司徒廟下有清奇古怪四柏怪最妙

卧地似兩蛟遇張菊生

元濟叔通漢第皆浙人

重光印昆

湖南人

劍丞諸人午後回船喫飯船菜至佳來往兩

日凡三餐并船資僅九餅金船可睡三人傍晚回

蘇州止林肖頊寓

名榮侯官人江蘇高等審判廳長能詩

同肖頊觀

植物園梅花遊滄浪亭又次日同肖頊出葑門賞

驢訪寒山寺唯大殿鐘樓尚在徘徊久之橋外有

一二小舟楓則無矣公四十年前過滬即約遊此

寺不果十四年前至姑蘇聞寺已廢遂亦未至皆

有詩 二月函請福建省長派通志局分纂林雪

舟一人校對謄錄數人帶往金陵杭州圖書館鈔  
志中應用材料先搭長江輪船往金陵公自津浦  
鐵路成不坐江船十年矣有何人不逐騷輪往而  
我偏隨估客眼句舟中憶起花朝取酒獨酌至金  
陵寓散原宅初李文石曾寄公與可銅印山谷鐵  
印各拓本未知其乞題詩也茲於散原書堆見坊  
印本文石遺墨有與仁先書諄諄言之感嘆不已  
補作一絕句訪俞園獨坐小亭追懷觚庵同散原  
遊倉園小憩初臺看花園爲仇君徠之所結構徠  
之公與散原同年也同散原至鷄鳴寺豁蒙樓茗

坐不到石城七年矣樓爲南皮相國所建連日在散原別墅痛飲杏花漸開聞侯府張宅杏花最盛同散原往觀公嘗言平生所見各園林未有如簣齋所居結構之稱意者簣齋爲合肥相國快壻此屋爲贈嫁之物修葺後簣齋遷入遂寢疾未幾歿初未嘗日涉成趣也亦可悲已又觀古物保存所方正學血碑皆有詩帶來志局數人皆在圖書館鈔書館在黑龍潭旁公每晨起至館指出應鈔書乃出遊因訪掃葉樓隨園故址十日而歸在滬遇乙庵先生七十生日以七言一百句壽之又遇蘇

堪丈六十生日以五言四十字壽之公向不作壽  
詩客中無可爲壽故以塞責聞趙堯生先生仍居  
榮縣喜極有詩寄之聞先生取酒誤飲強水腸爛  
一段西醫剖割之故詩有破腦次風曾不死拖腸  
藍理竟生全句 三月率志局諸人入杭州諸人  
借住湖上一古廟公住杏花村旅舍有詩每日至  
舊行宮文瀾閣督同檢書至暮始返旅舍訪仁先  
一次無詩杭州樊漱圃鎮贈樊宗師先生集爲孫  
晴川註本報之以詩 夏林肖頊招遊虞山過破  
山中峯二寺飯於清涼寺遂至劍門憩拂水巖旣

雨復晴歸途拜虞仲雍言子游墓又大雨紀以五律五絕夙聞虞山風俗最重飲饌飯酒樓果然

歸滬屢遊拔可園林每夜坐劇談甚暢與馮夢華先生數有唱和夢華贈所刻徐州二遺民詩繆藝風先生七十六歲雙壽索詩賦五言六十韻蘇堪丈常邀同意行至其徐家滙野屋公以爲較勝西式海藏樓 六月刊尙書舉要七卷說文舉例七卷說文采證十四卷成方面皆蘇堪丈書之說文各有自敘 肖頊招遊蘇州公荆兒與焉遊荷花蕩遇雨旋晴蓮蓬高者過船頂如張蓋焉次日遊



京江雇大紅船至焦山止松寥閣下坐月至曙忽  
大雨公賦七言古十韻有天下明月無此明句公  
荆兒亦有五言古一首又次日渡江至揚州有後  
揚州雜詩六首既而肖頊別歸蘇州公父子由鐵  
路入都公荆兒時官交通部主事兼平政院書記  
官寓龍巖會館小有邱壑鄉人排日招飲都中常  
往來者爲泊園先生張庵丈沈子封先生諸人視  
梁節庵疾神識不甚清明未幾公荆移寓長安街  
適志局催歸至滬挈眷旋里 八月納妾李氏名  
柳字小楊保定人 是歲有題映菴詩稿後題疆

柯校詞圖次堯衢韻題丁叔衡未完畫稿早睡早起二詩示海日海藏次韻答審言歲暮哭節菴輓筱珊各詩案堯衢名肇康丙戌進士官江西按察使初新通志限是年修畢因連歲兵事起展期二年

上章潛灘六十五歲在家修志

二月林西園翰蘇鑑寶南江伯修古懷林謙宣葆董

仲純子良陳友漁樵林雪舟宗澤陳澤觀鳴張秀淵葆

陳梅峯元璋陳肖絜忻侯沈冠生覲冕吳鐵庵鐸十餘人

結社從公學詩案西園莆田人王寅舉人有山與樓集幹寶南安人官少將伯修侯

官人舉人畢業日本法政考入翰林謙宣閩縣人歷官廣東湖南廈門審判廳長仲純長樂人王寅

不

三

舉人友漁莆田人權福建財政廳長澤觀閩縣人  
諸生秀淵閩縣人王寅舉人梅峯莆田人官古田  
知事肖黎閩縣人精法律官推事冠生侯官人北  
京大學畢業官至福建鹽運使鐵菴公女夫官學  
部主 第一集諸人請社名名之曰說詩西園為省  
事

議院院長故貢院地後有劍池泊亭公不遊四十

三年矣與西園談及西園因於清明日觴公池上

社人皆集西園先有詩公次韻 花封別徑有環

翠樓高穎生名向瀛舉人先生宅也樓前有丁香

一樹覆池上大可蔭畝花時招飲賦囿絕句凡花

皆五出雪花六出了香與桂花四出自公始道及

又丁香詩少陵未工冬郎外漁洋最賞安邱馬源

思作公詩及之 尙絜秀淵招集開化寺有感舊  
示同人詩此詩本事甚多有自注 是歲購文儒  
坊宅深十七丈有奇名曰直園有記畧云屋北向  
大門內爲廡廡左接廡廡盡爲室四達八牕廡立  
五柱柱相間十有二尺其右各花木位焉室後堂  
塗上階爲堂爲後堂左右夾室頂爲重屋堂塗之  
東西位各花木其西爲籬其旁木階以登重屋屋  
後窻有竹百十挺負牆立其左有榭東有閨達於  
匹園匹園扁形此園直形南橫北縱相接如矩之  
有句偕焉 四月移花竹於直園經雨都活有詩

鄭無辨卒輓以七言律遊貢院舊址有詩 五月

初二日公三孫光威生字公望 秋易哭庵卒哭

以入絕句寄樊山年來朋好濤園恪士節庵篠珊

梅庵元素俱逝并哭庵七人矣公甥墨藻卒於京

師哭以五言律 十月二十二日公四孫光衡生

字曰叔平 與說詩社門人遊桑溪有記

重光作噩六十六歲 在家修志

吳董卿 名用威仁和舉人 運使招遊百洞山 百洞山一

名青芝在瑄頭鄉去會城百 疊有唱和公十餘歲

時即聞是山之勝以近而易至轉蹉跎數十年未

往讀董見龍先生集有甜泉定光石室星窩懸石  
洞猿公巖天路三五蛛諸勝葉臺山詩序孟溪之  
上爲中峯巖洞奇絕廷尉董公芟蕪刊阻名勝始  
出云云每爲神往山故有寺久傾圯今青芝徵社  
同人爬梳修葺築一小樓始有休憩之所寺中未  
有佛也 沈子封先生卒於京師哭以五言古五  
十韻王夢湘先生卒哭以三絕句年來海內名宿  
卒者九人矣第十人未知爲誰也江伯修營雙荔  
園乞題詩賦一五古 夏夜賦得竹露滴清響詩  
公自叙云幼讀孟公此句疑非秋何以有露至於

能滴而響懷之數十年去夏坐竹閒驗之方知諸  
花木皆無有惟竹吸地氣爲露點點綴於葉尖稍  
重則滴漑然也隔歲成一絕句 蘇幹寶臨河而  
居隔岸有餘地丈許饒有雜樹以木橋通之招客  
坐橋上遂自名曰河園乞公張以詩爲作五言廿  
二韻 王叔田以黑痘卒於京師無子至可哀也  
哀以五言律四首 歲暮新通志全稿告成凡六  
百餘卷約一千萬言除鹽政志爲公猶子大彌先  
生編水利志爲陳益卿先生編藝文志爲梅生師  
分類職官志爲吳樵笑先生編地理志則鄭星帆

先生編公刪改十七八山川志葉伯璉先生編公  
分爲山經河渠書竄改幾盡此外字字皆一人手  
自編纂多數易稿者其新創門類爲前志所未有  
者如通紀二十卷方言志十二卷藝文志提要七  
十六卷藝文志附錄五卷板本志八卷金石志三  
十卷山經三十五卷河渠書十一卷儒行傳六卷  
酷吏傳滑稽傳宦者傳各一卷分類列女傳七卷  
其改名目者爲高士傳五卷高僧傳一卷神仙傳  
一卷道士傳二卷而新政不在此論焉所採取必  
載出處皆主廣義寧繁毋簡曰此史料也以備後



人刪節可也 刻石遺室文三集詩卷七至卷十

成 十一月廿六日五孫光權生字季重

玄默閣茂六十七歲 在家指在 上海在都

二月費叔遷度支使 名毓楷蘇州人 懷緝修念慈子 招同發庵

又并惠亭墨園諸君遊石鼓有詩次惠亭韻發庵

又示公遊石鼓詩次韻和之發庵文悼亡歸里營

葬公為作王夫人誄文 乞發庵文書一聯云地

小花裁儉窗虛月到勤一時傳為勤儉聯對 七

月延平防軍王伯川旅長 永泉 受徐又鏗中將指揮

與粵軍合舉兵東下李培之督軍悉師禦之連戰



久盼不來惟祝公鄉有兵事耳公因成一絕句

與李拔可遊宜興遊無錫登善卷山觀前後三洞  
二洞竅山前上如鼻中如唇下如口下洞相傳水  
中有蛟蟒伏流出山後別爲一洞相傳陳迦陵前  
生爲此山聽經猿臨終戟手口吟山鳥山花是故  
人句舟過西泖團團如一玉壺謂可稱宜興小太  
湖宜興到處皆窰宜興茶壺所以遍天下也遊龍  
池山看楓樹遊梅園薄暮至萬頃堂堂臨太湖酷  
似鄧尉石壁遠堤衛以松樾皆長數十尺沈乙  
庵卒哭以二詩乙庵作詩多自棄斥戊戌同客武

昌公始爲存稿旋刊行之近復刊近代詩鈔鈔乙

庵詩甚多 十月附滬寧鐵道入都江浦縣知事

奚度青大令

度青名佃當塗人能詩有子部著述

先約於金陵小住

行至下關度青與黃方舟先生佇於車棧伯嚴劍

潭遲於旅館談宴極歡幾于達曙翌晨度青又送

渡江感賦長句此詩至都後和者甚衆樊山凡六

疊韻秋岳三疊韻小麓兩疊韻泊園忍堪治薌墨

園皆一次韻 至都寓小院胡同公荆兄宅前後

六十日公荆兄爲具馬車每日下午出應遊宴上

午在寓見客及爲人寫字題詩爲秋岳題楊選王

批鈴山堂詩而為傳沅叔題元刻胡注資治通鑑

為曹纒蘅題春曹話舊圖為鄧忍堪題禮塔園圖

為梅蘭芳題香南雅集圖綴玉軒話別圖為陳淮

生題其尊人邵亭遺照為李釋戡題二開泛舟圖

卷為張乾若題杜茶邨先生小象杜茶邨自書詩

卷為周少樸院長題泊園圖為羅鴈峯題秋林脫

劍圖為蕭北丞題武湖漁隱圖為楊搏九題黃石

齊畫松卷沅叔名增湘四川江安人乙未進士官

部主事忍堪名鎔成都人官陸軍部有荃察余齋

詩淮生幼蓮先生姪邵亭名宗雍官江蘇知縣釋

國淦湖

北人官內務總長搏九詔安人

卓芝

南先生屢招觀劇贈一詩林宗孟留飯盡室出陪  
索作白話詩應之宗孟名長民侯官人日本法政  
畢業生官司法總長後死於奉天郭松林之難將  
行吳董卿送以六韻長句和以四韻短句 雪後  
浚庵丈招集釣魚臺臺前後老松近百株松頂壓  
雪倍增偃蹇之態南牕竹一邈弄影晴日浚庵丈  
載酒攜大白魚向曝聽濤飲啖樂甚歸滬近歲除  
鄉思甚濃得詩二首有云七旬百鍊筋骸在萬里  
三分骨肉親

卷之三十一

侯官陳石遺先生年譜卷七

門人王真續編

男聲暨編

門人葉長青補訂

昭陽大淵獻六十八歲

在上海泊往廈門歸里

李拔可促成近代詩鈔甚急日編數卷客歲在里

時拔可以公舊有師友詩錄百十家因此議編近

代詩鈔行世乃搜集咸同以來已刻未刻詩稿寄

閩編纂畧就緒而兵亂起至是促就滬編之期以

上半年告竣於是求選者麋至披沙而難以揀金



用頗招怨道刊成賦五言古六首以釋衆議  
二  
月與夢旦丈拔可丈遊杭州久聞傅沆叔言行春  
橋桃花冠湖上往看至桃花嶺下賦一七言古復  
泛舟循蘇堤至南屏山下顧園看桃花次日復至  
曹氏園看桃花園方一里遍植桃李居中有一墩  
可以四望花梢遂遊臯亭山與劍丞沆叔夢旦拔  
可穿石逕行數里臯亭山土名半山一日湖中遇  
林涼生名之夏軍  
人能詩梅生師與余等同至陳莊看仁  
先所臨李龍眠白描佛像月底拔可丈有事先回  
上海與夢旦丈同遊紹興紹興之遊率住船上至

一名勝則停舟上岸往遊至遠者不過里許遂遊

禹陵

禹穴在其下

吼山柯亭吼山以石勝巖洞疑出人

爲然色已蒼黝石勢或一豎戴一橫如尊然或一

股接一句如磬折然高數十丈又呼曰乾宕以匹

水宕水宕巨石插水也作東湖巖洞記清明日雨

後至蘭亭清溪屈曲數里修竹百叢亭館蕭疏而

已登放翁快閣已屬人家樓對青山門臨綠水耳

皆有詩 歸滬聞大彌兄噩耗哭以五古是歲又

多輓詩暗滄趣老人亡姬之戚暗周頌臚悼亡頌

臚合肥人能詩哭陳肖絮哭劉篠雲輓竹坪哀陳

師曾兼慰散原爲趙堯生輓其兄岷興先生五言  
卅韻堯生書來請作長篇以當墓表鐫之也是春  
有和堯翁同年除夕詩和堯翁元旦詩皆次韻蘇  
堪丈有所賞伶人王梅笙周信芳令以美饌屢觴  
公堅乞贈詩丈謂梅笙熟左傳繪有書味齋圖公  
詩畧言今人治辭章絕不理經史王生獨有左癖  
又善演風流天子劇故以李天下及南唐伶官王  
感化爲警信芳脚色爲大花臉專演包龍圖公詩  
謂使尹京兆可以愧唯阿者文則有吳鼎雲傳王  
夔強傳李審言詩序 成親王永惺藏元明以來

印章千百事後歸內務府大臣慶蕃號松月居士  
費五千金捐印百部部二十冊丐海內名流題詠  
公題五古三十韻得酬贈一部 讀杜集戲題二  
律讀宛陵集戲題一律皆以自況也得堯生詩札  
用算博士體答之凡用數自字一十有四 蘇堪  
丈去海藏樓前百餘步重建盟鷗社招飲池上索  
詩述舊奉題蘇堪和詩來再答 劉衡莊以其祖  
壯肅公所藏號盤銘初拓本爲贈既爲作跋一篇  
辨號子白專征獫狁與毛詩六月篇爲兩事未幾  
衡莊要求作歌爲作長歌次昌黎石鼓歌韻因辨

石鼓秦物非周物秦以前銘功皆在石不在石下

半篇并言吳皖黨派水火翁文恭同與李文忠章鴻

生意見釀成中日之戰此篇不但筆力雄鷲而關

繫時事亦不淺矣 王逸塘總長忽自海外寄詩

有扶風下拜載酒問字等語公急次元韻答之唐逸

名廢合肥人進士官內務部總長 廈門大學校長林文慶是閩

清黃紱丞裳乃女夫也由紱臣知公聘主大學文科

教授書中以公辦學數十年不能不為鄉邦服務

且廈地亦世外桃源既避兵在滬不如來廈要之

乃遣眷歸里自於九月初應聘至廈薦門人龔惕

菴先生乾義為國文講師大學學舍為三層石樓

背南普陀面海九日與葉俊生龔達深南普陀登

高歸小飲二人先有詩公和之歷數平生登高賦

詩故事

俊生名長青閩縣人公舉為助教後官福安縣知事達深閩縣人廈門大學畢業教

育科

長青以家世不壽賴有垂白大母自顏所

居為松柏長青館乞為賦詩樓居室前有廣臺

風景極似杭州西湖湖濱旅館有詩率大學生

俊生達深葉培元葉松坡諸人

培元羅源人松坡侯官人皆廈門大

學畢業教

育科學士山行由鹿洞至虎溪有詩鹿洞頗似福

州百洞山虎溪頗似杭州十八澗唯襲取名號依

樣畫胡盧為可哂耳 為蘇樂天題扶犁圖樂天

充教會學校教員公詩以為必多得王面錢故買

田置牛例以合肥徐西叔買牛有詩牛死痛哭書

告曾文正及張狀元審有荷鋤圖為鄭齊林太守

題其先德吳淞放艇圖門人陳寄今董廈門巡警

借財政長邢仲采庖觴公仲采復招飲索詩寄今名為

銚福州人龍溪籍北京大學畢業曾任大學生謝

龍溪縣知事充國會議員仲采天津人幼安多病自謂將死作白輓詩公以詩關之

關逢困教六十九歲在廈門泊歸里

為陳友全題橋隱村圖末韻云汝村匹詩村汝集

匹鈞磯皆雅切閩南事友漁莆田人也 正月杪

復之厦葉俊生屬周郁如畫松筠并茂圖為其大

母祝嘏也丐公題公詩畧言近人畫樹一面皆無

枝如經削平郁如先生此幀獨不然蓋臨石谷本

也 花朝王孝泉振先閩縣人曾官學部僉事招飲邨店有作

首云無花無柳過花朝蓋夫學濱海斥鹵不宜種

樹 三日復遊虎溪有詩 南普陀之左有泉石

甚奇伏流斷為三節達深舉以告公屢於雨後往

遊取名三節澗有記一篇復有詩示俊生達深厦

島罕可遊觀春來又得五事各系一絕句名厦島



五君詠為絳桃綠蕪紫燕白鷺青蛙 大學花匠

所植皆洋花覓得紅玫瑰一盆寵之以詩 春暮

作都過了賣春二詩春盡日有書感及寄懷說詩

社諸子二詩 同龔華鬢揚菴號及諸生野步得一

荷塘小立遇雨得一律 公荆兄由都寄賞海棠

二詩和之 林西園新築一園及山與樓於其故

里以所撰園樓二記寄正公以其結構頗似匹園

寄詩題之 攬揆日諸生以銀杯為壽意不可却

示以絕句 丁訥庵來詩數首皆用公舊作韻和

一首 德國人艾克在大學充哲學教員喜讀莊

子最欽慕公贈以五律艾曾偷攝公影寄回國公

自嫌老醜不喜攝影也 林耕煤卒哀以五言古

厦島詩人黃鴈汀

雁汀名瀚壬寅舉人長禾山商業學校能詩

招遊

萬石巖遂至中巖及太平崖太平崖為鄭延平王

成功讀書處有詩 遊鼓浪與林菽莊別業負山面

海有巖洞之勝為作菽莊記菽莊名爾嘉字叔臧

時甫京卿子能文曾捐貲助刊新通志 門人侯

乙符

名節潮陽人有詩千餘首

自汕頭寄其詩稿嫌其近易題

詩政之訥庵

名乃濬豐順人丁雨生中丞子工詩

次公早睡早起二

絕句見寄叠韻答之公荆兄自都寄呈江亭補作

登高詩次韻和之 羅揆東先生卒於都門鼎革  
後君自晦於聽歌選舞提獎梅蘭芳程艷秋皆成  
名角幾欲追柳屯田康對山故步公哭以二律與  
二絕句有久荒問柳尋花路更愴春蘭秋菊神覆  
甫翻雲千鼓版曉風殘月幾沾巾對山不作屯田  
死誰續金臺一記新諸句問柳尋花謂萬柳堂花  
之寺愴神句謂君病中醫藥喪葬皆蘭芳艷秋分  
任其費未幾其婦迦音亦葬於西山 畏廬卒  
於柳哭以五言四十韻 訥庵用米襄陽贈湛禪  
師韻預壽公七十次韻報之門人劉仲英

名仲英  
潮州人

寄七言古數十韻推挹甚至報以一律仲英與石

銘吾

名維巖  
潮安人

皆潮州詩人之雄者銘吾亦寄五古

八十八韻未和

過曾遜臣

名宗禮家  
有收藏

齋頭酌茗

品簞因題其壁遜臣有蟲蛀假山題一長古其上

次年又屬書一軸幅以德化香爐哥窑瓷瓶為酬

葉謙丞

昭

招遊頤園屬題石上

周墨史

名殿薰  
壬寅舉

人考取  
部主事

吏部與黃鴈汀皆能詩公以為鷺江二妙

嘗導公出遊以轎坐公而自徒行贈以詩歲暮將

歸福州墨史約公同余雨農蔡維中翁純玉黃鴈

汀葉謙丞曾遜臣柯伯行李壽禧於其家衙樓上

不道夕生全詩

公賦長句留別以易堂九子譬之

文有小瓶花齋詩跋蛻菴詩序

旃逢赤奮若七十歲

在里泊至都

客臘公屢得余父書約歸里勿再出新正相見方  
謂從此過從三徑不孤矣纔過燈節吾父突於十  
七日嗽上氣舊疾作誤服涼劑遽卒公在家聞噩  
奔臨至慟哭以五言古三十韻因慰余此後爲培  
植學業 是年公力辭厦大講席林夢琴校長堅  
不允公不得已寄講義屬華鬢先生代講華鬢有  
詩見懷詩境甚淒寂次韻答之中有我雖痛飲花  
前酒誰與同行李下蹊句末云連霄不寐看殘月

樹頂貓頭鳥正啼公居去鳥石山不遠西城一帶  
林木陰翳時聞梟鳥聲聞俗忌梟鳥相傳啼處數  
日內下必有死人往往有驗公終不之信也 二  
月公荆兄自都寄家書以公七十生辰將挈眷回  
里稱祝公力止之畧云吾生平與蘇戡最厭爲壽  
以人家喜事如婚嫁置酒席皆出於不得不然惟  
爲壽乃本無事而特作宴樂盈滿當戒且因一人  
之生多殺畜類於心何忍公荆兄復書以爲爲父  
母者固無自壽之心然爲人子者親年得至古稀  
而身世間尙足致數篇好文字而薄酒粗肴財力

尙辦得到此人子一生至樂不易得之事且去家  
多年藉此可請假歸里公只得聽之三月下旬乃  
捆載壽屏百十幅歸文則有散有駢有長至五千  
餘言者門人黃秋岳撰秋岳駢文公常以爲能集  
清代作者之大成此篇尤其精心結撰者南滙朱  
鴛福技正惟傑公荆兄同寅也見秋岳作欲以長  
勝之所作凡六千餘言鴛福留學美國精西文西  
學者斯以難矣梅生師見之大稱賞願爲之書計  
四十二幅書法古雅可寶也秋岳文凡二十八幅  
以外散文交通部長葉公恭綽作以政教二字括

其大要謂天下之政莫大于財與兵天下之教莫  
大于學部與大學未有官不過五品舉不過乙科  
特科而于政教之大實能有所左右其閒者有之  
惟侯官陳某某先生云云其他江夏畢惠康侯官  
陳壽彭門人遵義游騫侯官何琇先陳海瀛葉長  
青所作各極其勝云惠康字斗山官交通部騫字  
翰明肄業廈門大學劬學工  
詩文琇先字崑士諸生海瀛瀛字說洲舉人皆工詩文屆時不發請帖而當道  
麋至不知何所聞而來是日不演劇不召女樂酒  
席款客而已 林西園卒於福州初西園以孝廉  
充省議院議長十年官民無異詞然體羸善病又



鮮食劬學少時爲詩喜效李昌谷玉溪生入說詩社後捐去故技般旋於瘦硬沈摯之詞散文亦不懈而時入老蒼公方以爲老我將休付子斯文矣乃入春寢疾勢漸纏綿同社以公今年七十方羣推西園爲介壽之文西園亦樂任不辭詎委頓不能屬稿乃改他屬西園病中猶屢詢脫稿未少間尙欲自作而未幾竟以不起公哭之慟爲詞千餘言哀之以唐歐陽行周爲比讀者謂喪予祝予之情得未曾有 門人陳友漁卒哭以五言古卅二韻 公荆兄去里數年歸戚友招邀燕飫過度又

遊石鼓山飲冷泉歸而病熱服藥遂解然溺終不  
清病中伏也是歲閏四月家人留過重慶月底行  
一路舟車勞頓皆能支持端節後至都尙能進署  
銷假辦公如常寓中裱屋張挂屏軸以備宴客凡  
十餘日而病大作手書報公云中西醫皆言無害  
而燒不退飲食不進委頓極矣云云字法蹇澀蓋  
支床所寫絕筆也公得書電令試入德國醫院已  
當携醫赴診詎適遇中英構釁船商罷工稽延十  
餘日始得行於七月七日至都未至而成永訣矣  
初公電告某日行愆期未至公荆兄尙以爲公病

也及至滬復電告某日必至屆日屢問何以未至  
家人曰當待午後及至呼與語一勝無言須臾含  
淚面向裏德醫克禮來肺部砭一針出膿少許克  
禮欲再下一補針勸而後可針進覺甚苦殆虛不  
能受補也天向暝忽告其妾曰吾死矣遂瞑先是  
公以候輪不得行家人禱禳備至因扶呂仙眞案  
呂出  
字洞賓相傳爲八叩云當往鼓山大雄殿禮斗禮  
仙之一常降於叩畢例請叩批示吉凶批一圖字見者皆曰吉謂圖  
字凡四口合兩呂字公曰不然吾家共十四口是  
十四口完全俱在也既而曰中非十字乃一點一

畫在都共四人今四口黥去其一 是共存三口凶  
必矣十三日出殯於長椿寺公爲撰事畧乞王晉  
卿先生樹暨馬通伯先生其誌墓八月三日受弔  
輓詩百十幅輓對數百合朱君鴛福撰駢體誄文  
甚工公自輓之云我何人斯乃繼孔仲尼卜子夏  
鄭康成朱元晦而哭汝壽非福也請看竹垞翁顧  
黃公傅青主查初白之春年樊山先生有詩輓公  
荆并有詩慰公公次其韻 周泊園撫部卒哭以  
詩 旬月以來京師朋好日招遊西北山以解公  
悲一夜在翠微山坐月至四更詩境至足然終哽

咽不能成篇惟題墨龍潭一首而已卓君庸

定謀芝南

丈子官部曹能詩工書築別業於京西玉泉山左近背山臨

流凡仲長統所謂良田廣池場圃果園之屬罔不

備招公往遊竟日公為作一記中秋後挈公荆

脊航海歸里至津與李星治巡使

兆珍

跋庵丈郭篠

麓先生諸人盤桓兩日夜四鼓跋庵丈同車送登

舟相對愴然頗難為別十一月公荆之喪至公

為附葬於文筆山有同鄉陳伯材者在京師立恒

善社普行慈善事為鄉人運柩還鄉章程最善公

荆之柩即託其包運公為陳公作恆善社記又為

書曾將軍歸葬事存文集中。林宗孟斃於遼陽，有詩哀之。門人鄭守堪以紙乞書，君足跡滿天下，曾宦蜀中公所最羨也。書絕句贈之，有歸作白蓮社裏賢句。時說詩社適十八人也。除夕續作懷舊詩，計有廿餘人，纔成五首而罷。是歲有送葉長青赴金陵大學教授序。

柔兆攝提格七十一歲

在里

正月廈門大學校長林文慶電催開學，公亦擬一往。結束校事，行裝已發，意不樂而止。門人何崑士先<sup>瑒</sup>卒，往哭甚哀，歸成輓詩廿六韻。崑士劬學能

散文腰腹甚大健啖豪飲常獨盡一罇中年傷於酒會中風救愈遂戒飲然年餘竟卒去年曾作文壽公引潘稼堂壽顧林亭文以鄭康成文中子皆生亂世晦道林莽門下多才云云爲况極見雅切石遺室詩話初集十三卷附庸言報分期發行廣益書局竊翻印爲單行本錯誤甚多續集十八卷附東方雜誌分期發行無單行本海內寄書求合刻單行者甚衆因使商務印書館刊行之二  
月成傷暨兒詩八首積數月所作也又檢暨兒書篋成五絕句又書前詩寄散原成一絕句  
花光

閣前雙海棠盛開匝月未已爲賦長句讀放翁遺  
舟迎子適詩口號爲陳棗莊題聯軒 三月廈門  
大學校長數電促往不得已往爲結束一閱月乃  
回在廈作林天遺詩序賦只有二絕句廈島書所  
見廈樓獨坐題南普陀佛學院示會泉和尚贈常  
惺和尚送哲學教員戴密微歸瑞士并遊學日本  
諸詩戴密微與艾克友善要公贈詩以瑞士山水  
冊爲報自跋云此冊得自其姊也 龍巖蘇逸雲  
公荆兄摯友也在其鄉築卧雲樓郵書丐公爲記  
並爲其友杜俊聲乞志墓皆應之 門人劉松之



元 南通諸生工詩及公門數年貧老公薦充集美  
粥 學校教員至是始相見書二十字贈之爲龍蛻庵  
題龍眠山莊圖書陳夷平六十自述詩後皆五言  
古 四月林西園遺詩其家人將以付印爲作山  
與樓詩序畧言西園一生以師友文字爲性命與  
武進黃景仁建寧張際亮傷心人同懷抱然黃張  
所以牢愁幽憂者關乎一身西園所以牢愁幽憂  
者及乎斯世云云 五月回家是年移李姬及公  
荆兄江姬母子居同街第四樓樓初爲一破屋舊  
年方改作三楹一樓旁有露臺樓前地約三四丈

雜植花木名四園取義於小而方也因古窗字有

苦熱龔荆公語意詩二首

陳黼玄鍾凡陳柱尊柱

二君新及公門黼玄教授東南大學移作金陵大學文科主任文學東漢江蘇鹽城人柱尊廣西北流人充上海大夏大學文科主任皆精考據柱尊兼攻詩至是各有所著寄呈合贈一絕句先是公有與黼玄書辨論文王受命稱王之說繼而黼玄尚有所商榷公復有書公嘗言乾嘉後此詞不彈久矣黼玄築室於青溪上流寄詩落之又別贈黼玄長句一首 久不得章太炎先生書忽寄書并

其全集至有書復之張爾田字孟劬深於史學著有史徵玉溪生年譜會箋二書寄贈會箋攷證之精得未曾有公有書與之有與葉長青論版本學書 九月兵事起廈門周墨史黃鴈汀二君招公往避兵挈家至則舍館器用飲食俱備墨史先以三絕句來公以爲此少陵所未得於孫宰者也次韻報之鴈汀和詩疊韻答之又倒次前韻呈柯君碩士柯亦居停主人也兼示遜臣時寓鎮南關旁一善堂遜臣攜字畫爲張四壁再倒疊韻答碩士在廈聞張毅寇福州南港九十餘鄉盡遭焚掠居

民流離顛沛公勉力寄振百金次日即賣一文得

二百餘金 鴈汀招同墨史文典 陳沙墨史女 登

雲頂巖雲頂巖在洪濟山頂為厦島最高山公數

至厦以路偏未遊半山有寺鴈汀攜鼎肉及酒肴

飯焉既而登崖頂是日天氣晴朗而忽現雲海下

山憩禾山學校遇雨有七律二首有小記入新通

志山經中 鴈汀又招遊禾山有雜詩五首是日

過湖裏山礮臺觀禾山自來水地係連山為背塞

門土合石為陂蓄水可支全島終年飲料鴈汀所

居一村盡黃姓有黃帝廟 為墨史題王阮亭明

湖秋禊圖圖中第三人為阮亭綠鬢朱顏手提塵

尾 十月挈眷歸里長句送門人游翰明騫赴上

游翰明董革命軍軍需處由粵入閩醉以酒送之

是歲文有江杏村侍御奏議序小瓶花齋詩集跋

蛻菴詩存序為門人黎繼菴景曾作寧化縣志序

林蔚文振翰作鹽政詞典序書斟玄遊華山記後

強圉單閼七十二歲在家

公自廈歸皮膚常病癢遍服涼劑不效故隔日赴

溫泉浴之有畏日詩 三月移第三樓前松樹植

第四樓前竟活并買木芙蓉一樹栽之有秀淵謙

宣送瓜喜作又有苦熱答華曼疊韻答華曼諸作  
青子七兄素喜言病好服補劑數年致脇旁生癰  
如小布袋西醫林翔亭砭之膿下一臉盆治數月  
就痊矣以元氣大虧不數日遽卒有葬訖兒訖郊  
行口號一律六絕句公生八男兒成人者四至是  
盡矣 爲門人陳獻侯崇祖黃陂人序所註張廣  
雅駢文獻侯刻成寄贈款式甚雅尙欲箋注石遺  
室詩時以書來查所用字有字典所無者真案如  
本草綱目樣字有寄獻侯詩 是歲起公自課孫  
出閩小紀之類鬼醜出  
長孫光度入聲字德齋年十六下筆千百言離騷兩

都賦哀江南賦一篇皆一日能背誦兼令從師習  
 英文算學次年入英華學校肄業四孫光衡字叔  
 平年八歲幼即勤讀能作小詩小論說 黃秋岳  
 自都歸為序其聆風簌詩謂才力可方駕廣雅澗  
 于 九月建設廳毀城垣至烏石山下射烏樓發  
 古壙得所存藝器數事公據三山志八閩通志定  
 城垣為明初所築據左海文集謝塚壙志跋定為  
 唐人墓於是門人葉長青黃蔭亭 曾樾永安人少喜舊學留學法  
 國得碩士學位矣其哲學師法人某使著 請公記  
 中國哲學一書為進諸圖書館得贈博士  
 之城垣既夷為平路城外豹頭山宿猿洞可平步

而至有攜度衡二孫往遊詩 九日說詩社集於  
酒樓時公以病癢戒黃酒乃代以啤酒有佳節總  
須求酩酊強攜啤酒注深杯句蓋至是已飲啤酒  
百餘瓶矣公常論新名詞有不能不用者不必禁  
避如此詩之啤酒前某詩之電燈是也 門人蘇  
幹寶呈所作柚詩公書二絕句其後畧言揚州所  
貢橘柚的是福建產道遠難致或有或無故錫而  
乃貢僞孔傳王肅皇甫謐所作不辨橘柚爲二物  
只以大小分之可哂也 日本總領事西澤義徵  
招飲索詩爲紀念將介公遊日本并傳臺灣總督



意以公舊參臺撫幕欲招公往遊公譙西澤頡事

歡甚 是歲文有鹽城陳章甫墓志福安陳獻廷

墓志南城萬母危宜人墓志再與斟玄書沈甥繼

室祝夫人誄

陳禮庭經

江陰人

舊為福建高等審

判廳長正色率屬獄貨舉功之習一洗而空為民

國以來所未有而以勸阻李培之督軍與粵構粵

拂衣而去移江西又忤大吏入都供職大理院體

素羸至是勤事而死公極哀之輓以五言古 是

歲有答辭叟寄張庵太傅天津讀宋人小說陳丹

初自厦至福州贈以拙集有詩來謝次韻答之梅

生自都摹宋人雪境圖見寄報以長句書陳文典  
 榜園吟稿後諸作 刻詩續集二卷文四集一厚  
 册成 將刻公荆兄遺集以志事忙未暇為刪削  
 先彙事畧銘誄輓詩等刻之為哀錄將以冠遺集  
 之首也蕭恭人尙有道安室筆記未刻亦待料理

著雍執徐七十三歲 家在

正月湖西看梅憶去歲與蔭亭遊賦一詩寄之

哭門人江陰章紱雲 鼎 五古一首紱雲為陳禮庭

書記官長工詩公哭禮庭詩中有定應舊府主死  
 作刑官去慮囚書牘背要汝指臂助云云 公以

門人陳柱尊與伯斲斲玄號稱三陳柱尊斲玄又  
皆伯斲門人柱尊將遊日本考察學務後回桂籌  
辦大學公寄以五言譬以胡瑗石介孫明復 薦  
江西門人龍榆生茂才沐助於陳斲玄斲玄使充  
上海暨南大學國文講師時斲玄爲文科主任也  
劉松之先生久失館貧困而詩益工公亦薦於暨  
南大學充文牘員 說詩社同人謀於常會外遇  
良辰別爲飲集以一席爲限花朝集匹園公以瓶  
盎徧供羣花而閩中苦無牡丹乃以吳昌碩牡丹  
畫幀中懸使集者賦詩適王逸塘曹纓蘅二君遠

道寄詩述近狀次韻二首報之寒食日又集疊前  
 韻并寄逸塘纓衡 李釋戡卓公庸自都寄荊部  
 叢談自青社圖卷報以續刊詩集四疊長韻黃墨  
 園寄修禊北海鏡清齋見憶詩奉答昌鶴亭寄詩  
 補哀公荆報之王明孫以其尊人司直詩文遺墨  
 及畫蓮帳額求題題二詩一跋 陳士可卒於上  
 海輓以五古士可長於史地之學以秀才歷官至  
 庫倫辦事大臣惜爛於著述身後不存一字吳昌  
 碩卒於上海輓以絕句黃蔭亭自江南寄示遊攝  
 山詩三首和之并示江伯修李鴈晴

笠温  
州人贈史記

補校報以詩爲李雲仙

霞莆田人善畫人物

題抱琴獨立圖

七月廿日公姬李氏誕一男公此事已斷四十

有一年有詩紀之李釋戡以七夕書懷見寄次韻

答之釋戡屢寄長句酬一首黃藹農

名葆戊侯官人精金石學

工篆刻

以散盤拓本屬題跋之復以號盤後歌見屬

編福建新通志至山經感書一絕句 夜睡多子

刻就寢不過五小時左右卽起或早睡則四更輒

醒有零星未完文字債則於此時抽思得之記以

詩公門人劉松之自集美歸南通久不得館貧困

而詩益工公爲推轂兩次均未成書來請預作墓

銘詩以解之爲鄭守戡題篋灰鞭影圖守戡幼逃  
學母氏督之不改因舉火佯欲毀書以嚇之竟誤  
焚母懼且悔遂成心疾守戡乃長跪請痛改前非  
學漸成母疾亦霍然此題事情曲折序來易落平  
衍公詩以兵法危地後存爲譬結構頗久乃成

九日同公家人往烏石山登高劉秀明亦至歸坐  
公聞雨樓小飲看登高人尙滿山上樓與山相去  
僅里許也 冬半劉秀明招公及余遊螺洲秀明  
有園在倉前山名蟄廬由蟄廬携酒肴肩輿十餘  
里至白湖亭登舟港道迴灣似杭州西溪而兩岸

橘樹朱實纍纍殊可觀舟徐徐行臨流小飲樂甚  
過數橋出港乃至螺江舍秀明故居一宿而返並  
遊陳太傅滄趣樓秀明適吳氏能詩公門人也郭  
春榆卒哭以七律公以近年哭友詩多用古體未  
能包掃特以五十六字括之 歲暮連日有雪意  
頗用晏起記以二小詩是歲有借一山房文稿跋

屠維大荒落七十四歲

家在

元旦晴有詩公築諸樓率多留隙地種花木致簷  
短廊狹大雨時步履滑澆為家人所怨是歲元旦  
晴旭公作詩解之末有云曠曠曉日今何如不然

洞房重闔暗烏烏又檢讀韓詩得木庵先生圈點  
本園小而整如珊瑚珠因憶先生所批山谷集久  
已遺失作詩紀之南州潮濕書集雖置樓上亦蟲  
蛀不可收拾公檢書作有天下萬惡不可赦唯有  
閻羅與蛀蟲云云傳誦舊京詫爲奇作 三日說  
詩社集湖上改用素食席設開化寺余亦在座公  
示社中諸子云不道孟嘗齋菜好兔因佳句號魚  
蝦用吳孟舉戲祁文友事也 公每歲必於人日  
招說詩社門人飲近年來者益盛前所載林西園  
輩十三人外有陳鹿莊壽璠陳省吾耀媯陳說洲



海瀛梁芬敏禹瓚皆閩縣人舉人官廣東知縣林  
鼎燮步瀛閩縣人官浙江鹽大使馬幹侯光楨舉  
人廣東知縣張如香培挺舉人陳伯治世鎔官地  
方檢察首席沈劍知覲安官海軍林密字楓丹皆  
侯官人黃樾觀適光舉人陳尺山天尺皆長樂人  
黃挺生懋和永泰人官陸軍團長鄭菊丞君醴閩  
清人官浙江知縣陳寄今爲銚陳暫我鑑修皆龍  
溪人周仲平翰王德齋子懿皆建陽人黃蔭亭曾  
樾永安人法國哲學博士陳西園文翰福安人鄭  
守堪宗霖寧德人凡二十一人嗣又增劉孟純子

達閩縣人舉人官直隸縣知事張幼珊俊勛侯官  
人林秉周秉周官陸軍團長徐鯉九徵祥官鹽知  
事皆仙游人 聞兩樓前紅梅盛開招劉秀明飲  
未來次日遂風雨交至却寄堯生寄見懷詩篇末  
有孤臣二字小印公和答結韻調之云杜宇杜陵  
不同姓不須憔悴怨江潭又再和一首前三句云  
蜀山閩嶠萬千重尺素虧他遞一封李白李花方  
坐對公作至此屬對數四皆不稱意一夜五更醒  
得陳芳陳酒日相從日足以對之矣 二月杪公  
及匹園諸女伴往桑溪雜坐石上聽水分飲侑以

菜果餅餌酒盡置瓶溪上以當流觴兒童數人赤

足跳躍淨濯後往觀野屋中水碓既而同上金鷄

山公家祖墳乃歸

鱣叟

李審言號

寄詩次其韻第二

韻槐字三韻才字四韻裁字皆眼前字甚難出色

公押槐葉冷淘邢子才修竹風裁皆極雅切春盡

日匹園有飲集余往他處酬應未至次日公示以

詩云一路倉山去腥臊不可聞如何關飲啄獨鶴

入鷄羣是春匹園排日花開時有小飲余無不與

焉公有六絕句紀其事花朝招同王德愔

德愔王又點丈

女通文墨工畫為前桐鄉令方雨臣文子婦

劉秀明小飲聞雨樓下以



證東岳廟爲康保裔據湄州志證天后爲莆田孝女嘗於海上救人陳靖姑呂岳及社公十人據各種書證其有功德於民者皆獲保全 教育廳長程時奎議毀程埔頭狀元墓吉祥山等處墓萬餘穴以充學堂體操場城台人起而力爭傳電求南都同鄉人之居要津者阻其事請公領銜公自入民國十八年未與當道通電以茲事被害者眾允之爲酌定電文數百言致楊主席樹林院長森海軍陳總司令季良得其覆電極力阻止此案遂撤銷未幾而建設廳廳長許顯時乃專遷吉祥山墓以

開馬路 余歸來將一年以家貧服務財政廳奔走勞苦幾於廢學雖常至公處問業而一暴十寒深懼無所成就公既以絕句諷余又示以七言律深以通志歲事無可位置爲歎未幾首邑修志當道丐公總編纂遂檄余分任纂修 八月林宰平丈自舊京歸過從甚數初宰平悼亡公以宰平素深佛理其夫人又年逾中身輒以二絕句命意特別至是宰平丈運柩回營葬畢擬於重陽前卽行九月五日公與同登隣霄臺有詩并送其行蓋已廿年不登此臺矣宰平丈以事阻未行十三夜公

與坐月於花光閣下再以詩送其行 侯乙符卒  
於暹羅公哭以五古五首 公居宅凡四樓一闌  
兩樓前有二梧二梅其右爲正屋其後爲匹園上  
有花光閣爲第二樓又其右爲直園爲第三樓第  
一樓之左爲第四樓中隔他人屋地僅丈許公議  
以重價買之不成乃以第四樓賃人而第三樓前  
後花竹久已成林爰廓充樓屋使高敞自夏徂秋  
工程始竣以重九日置酒落之余與德愔在座公  
先成六絕句末首念隔屋松卽指第四樓也 龍  
君榆生自上海真茹大學寄張園雅集照片圖中





西關外將軍山十月公率家人上之感賦二絕

是歲刻就新通志三百二十餘卷裝訂九十餘本  
分類零售行銷各省先是歲在辛酉全志告成規  
定刻費每月二千銀元限三年歲工八閱月而兵  
事起纔刻百餘卷而工停乃陸續募捐數千元刻  
事羈縻勿絕而已丁卯十月省政府續籌刻費月  
八百元限二十箇月竣事復刻百餘卷尙餘三百  
餘卷未刻也已已續議籌款三萬元刻完全書而  
亂事又起矣 是歲尙有和林山腴隔年詩題晴  
梅館圖待月坐月殘秋贈病驥贈百一  
子柱尊各詩

文則有改建城隍廟爲東越王廟碑記林文忠公  
銷毀鴉片煙紀念碑銘尙幹林義姑事畧書後王  
錦銓先生家傳陳君璞玉墓表祭林理齋文林君  
理齋墓志銘廖君葆珊墓表澄海廖君墓碑于振  
聲傳跋亞傑金石書侯乙符遺詩敘王春榜哀辭  
與陳柱尊論公羊書李雲仙人物畫冊跋

上章敦牂七十五歲

家在

元旦得林山腴去歲人日寄懷長歌和以一律

立春日謙宣以詩招說詩社同人飲公次其韻人  
日招說詩社門人飲庭中梅花未開無詩燈節挺

生招飲黃樓有詩亦次其韻梅峯亦以詩招飲復  
次韻皆七言律西園以園中梅花盛開招飲成兩  
絕句次日從湖西至半野軒飲於方氏園皆看梅  
也 門人葉松坡東南鄉小坂人招飲其家有松  
坡草堂蘇堪丈書匾上有一樓舊請公撰書楹聯  
云但見風帆沙鳥煙雲竹樹使居良田廣池背山  
臨流登其樓無一不合松坡乞詩成一五言古  
上海杭州各開書畫展覽會既乞公書張之王者  
用玻璃版彙印復丐公題詩公辭曰是自題自贊  
也斷無此理黜之不已卽本此意各與一詩 廣

東某大學聘公爲教授月奉小銀圓三千枚辭之  
友漁之子將刻友漁丘園遺詩乞敘敘言丘園  
詩甚少而結構可傳之作爲多 二月洪寬孫毅  
將往臺陽鬻畫請公題其畫册及以書介紹於所  
識日人臺人公爲題三絕句並爲介於臺北海關  
監督西澤義徵 閩西公園桃花落盡成一絕句  
林楓丹與志社同人建詩樓於釣龍臺畔已有  
年矣花朝後約公及余與說詩社諸人燕集請公  
作記樓後一古榕數百年物右臺江一道百十里  
左闔闐萬家而已 舊歲遼陽有黃黎雍式者寄

贈所印松客詩則隸事新穎近於樊山詩派今年  
寄千華覓句圖屬題千華者遼陽之千蓮華山簡  
稱千山張金坡將軍作督時曾約公往遊者也爲  
題二絕句未幾寄俄璫爲報作一絕句謝之 舊  
歲漢口有徐君行可 恕者績學能文公故人劉耘  
卿門人奉其慈闈命寄購蕭道安夫人列女傳集  
解數十部以餉女學校及戚友婦女又寄貲購福  
建新通志石遺室叢書並託鈔公未出版著述今  
年復縷述母德欲乞文字公爲作徐賢母詩柏梁  
體十八韻以章之 日本文學士神田喜一郎來

訪學問淹洽書法穩秀筆談甚久蓋精於考據目錄之學謂公所著尙書周禮禮記攷工記說文諸書尙未讀過惟見元詩紀事近代詩鈔詩話公出尙書攷工記說文諸書贈之因談鈴木虎雄博士著有石遺詩說一本謂主西江派然否公告以大家詩文要有自己面目決不隨人作計自三百篇以逮唐宋各大家無所不有而不能專指其何所有蓋不徒於詩中討生活也神田先生極以爲然先生爲臺北大學助教授 有道士黃松峯者寧德人能詩好遊春初訪公購詩文集言欲徧遊南

北山水至津沽抱病而返未幾竟卒輓以小詩

得馬通伯赴輓以五言古 絕句送陳說洲之鷺

江 輿中見賣笋者有作 孟純就縣西宜園招

補修禊有作 清明有詩體格甚別 梁稚雲送

酒謝以二小詩 更正二十年前守分安心作楚

囚句成一絕 晝寢有詩 梨花年年盛開向未

有詩美以一律 為林韻芳敘其尊人小謨觴詩

為陳梅峯敘其所作福建省地方財政狀況書

歙縣許疑菴編修承堯肆力為詩為弢菴丈梅生師

所深許春間由公門人李次貢自都寄詩集請評

騰且傳疑菴書乞序至是序成以繼武程春海侍郎爲言 曾履川乞詩贈一長句 春盡日有花光閣送春詩 四月得揭陽丁韻初書求敘其父訥菴遺詩方知訥菴先生已於前年歸道山韻初與弟樵隱皆工詩又有摯友林寄澹奇相倡和公乃尙論古來事業學問往往有家學淵源獨至爲詩則父子並稱者千古不三數人而豐順丁氏獨三世皆工詩至於五人云云 爲金門洪景星先生作哀誄 五月福州戰事起初尤溪廬氏受撫得軍職洵升至師長已足以雄長一方矣不逞者



利用其贛道使侵襲省垣既曠省防軍逮捕各任職者六人獻於尤溪盧氏軍隊遂蠶食至近郊占西北各山頭時國府方令五十六師劉波鳴師長和鼎移防省垣布署畧定已稍落後著故連夜惡戰始奪回近郊之馬鞍山大夫嶺以至於小北嶺白沙崙桂振遠劉尙志陳萬泰三旅長部下輪流擔任前敵劉師長時復親臨指揮盧氏漸退至白沙竹埕一帶省政府乃加派海軍陸戰隊第二旅進逼前敵第三團團長林秉周由水口下血戰至水口上陣斬千餘人自己將卒亦傷亡二百餘人

而後盧氏始將被逮五人放回其一人已病卒矣  
公有贈秉周一律一絕句 惕菴有感事二律次  
韻和之 堯生自蜀寄到玻璃板兩照片一印自  
畫羅漢一印公宜與二絕句廈門二絕句 病起  
寄拔可二絕句 福建枇杷興化爲佳秉周圍長  
與林玉田旅長壽徐秘書鯉九皆寄餉甚多六月  
則繼以荔支余得分甘飽啖公評本年所啖荔子  
以林韻芳女士所餉出家中小荔灣者爲第一美  
以小詩 楓丹有饋時物必先人至戲成一絕  
爲劉東明跋許有介詩稿 八月梅峯權知古田

縣事謂一行作吏此事將廢抱其詩求公訓詞爲  
作一序勉之爲徐鯉九作史記摺華敘 廈門黃  
雁江先生書來報墨史病卒語極悲痛公與墨史  
交雖晚而情甚摯哭以五言古二十六韻 楓丹  
乞記其詩樓久未成前月始成一律寄題有萬家  
人籟定詩鐘句蓋楓丹與同社常在樓中作折枝  
吟集也楓丹仍求作記至是記成 曾履川先生  
自金陵寄書求作涵負樓記記成畧謂昌黎稱樊  
紹述文字海涵地負然僅存絳州一記綿州一詩  
其鉤章棘句決不足以言涵負求所以無愧涵負

者當有在矣 爲莆田康修其爵尊人志墓修其  
林西園先生門人家有藏書熟於目錄之學寄書  
數百本爲謝 忽得汕頭石銘吾書報丁韻初病  
卒賦痛萬分寄滄書亦至韻初孝而能文天奪之  
速若此豈能無懟哭以五絕句 爲樂清朱鐸民  
作其尊人滙東先生家傳 爲吳愛言尊人香田  
先生作傳 梁稚雲先生病數日竟卒誤於藥也  
公作哀詞極道庸醫誤人之罪 是歲尙有次韻  
答昀谷見寄贈商董鄭季明題纓衡春遊雜詩後  
讀銘吾近詩却寄輓施葵觀和釋戡題齋壁題三

世耄耄偕老圖輓王又點諸詩文尙有臺江羅母  
曹太夫人哀誄 時閩侯縣志已成方進行刊刻  
新通志補刻列女節烈門 十一月日本文學博  
士久保得二偕飯沼龍遠石井喜之助來訪筆談  
甚久久保號天隨臺北帝國大學教授飯沼同校  
教授亦博士石井長福州東瀛學校校在倉前山  
舊曾同臺灣總督府翻譯官井出季和太來訪過  
天隨工梅村體詩才華富有極似樊樊山詩集名  
秋碧吟廬一年一卷已數十卷贈公七律一首茶  
前酒後一冊蓋詩話也詩有一獲君知死不辭句

情亦摯矣。浙江嵯縣有慈善家金祿甫者，以絲茶商起家，介李拔可請公爲作家傳，並丐題其三界水閣詩。許疑菴自歛來書，議論警闢，附贈五律一首，次韻和之。時福州有折萬壽橋之事，於是地方檢察官楊崇實搜查檢舉之案，以起其原，因畧見於華報。是月爲福安陳君贊卿撰墓表，眞乘間乞序學畫樓筆記。近年公與地方官吏極少往來，惟高等檢察首席張曙蓮先生清過從甚密，喜公詩文集，嘗特印白紙大本者多部，送人公每與談司法中人精法理者甚寡，而曠廢延宕

者居多卽如志局公款被趙姓久欠不還有房屋  
爲抵押物而起訴地方法院已數年推事魏琳璋  
僅斷款應歸還不爲處理抵押物致所判無效至  
上訴高等法院並由省政府主席行文催其連結  
而踰年終不判決如此司法而言獨立難矣哉  
教育廳長程柏廬奉中央命令將接管孔廟誤傳  
將設民眾學校於廟中孔教會中人以孔廟前經  
火災由紳商捐巨款重建誠恐學童躑躅且廟中  
並無隙地經公與同人向程妥議由教廳與地方  
人士共同保管程自被拘廬部放歸著有日記名

逆境生活丐公題後爲題七律一首 自去歲施  
涵宇孝廉創設福州古蹟古物保存會請公發起  
爲會長以福州古蹟莫古於泉山先從下手爭回  
鄰近人侵占各地重建東山樓將三山志所載唐  
刺史裴次元二十名勝湮沒不彰者若望京山觀  
海亭雙松嶺天泉池翫琴臺筋竹巖荻蘆岡芳茗  
源合清洞越壑橋等處請公補書磨崖勒之 林  
亞傑先生 鈞 刊有金石書志舊以餉公已爲題跋  
矣亞傑收藏饒富顏所居曰三萬金石文字室公  
將往觀尚須俟開歲也 歲暮閱凌霄一士隨筆



有據蘭隱齋筆記咎公主張鑄銅元爲病民之策  
可謂道聽途說不識貨幣制度不可不辨者光緒  
末年銅價騰踊私毀銅錢以中國錢荒東南尤甚  
不鑄銅元更用何物以爲零星易中越眼榆筴徧  
地皆是不鑄銅元尙復成何貨幣至其餘利不過  
十得二三焉有本二利八之事以福建之無政跌  
價至今尙值四文零則物價騰貴各省續鑄源源  
供過於求故也若論不利只在肥缺之知縣錢徵  
銀解者其在民出入皆當十無絲毫之不利也何  
謂病民爲此說者非貪吏不得錢徵贏餘卽不得

志於張文襄者也夫貨幣用國家名義其有贏餘本國家應享之權利金鎊參銅大小銀元參銅皆有贏利銅元創鑄於湖北得風氣之先救濟錢荒行用徧十餘省積少成多故贏利較巨至江督周馥避而效之禁湖北銅元入境則已落後而供過於求所得極微薄矣鐵良中央集權不許各行省鑄造則更落後而購機設廠皆折閱矣若與公同在張文襄幕府而能勸阻鑄銅元者當時並無其人且公之建議文襄遲疑經年不敢行至文襄入都端午橋方署督亦遲疑不決公復與往來辨論

乃決行之並不始於文襄其條議皆載在商務報  
當時行紙幣行統捐等政庫儲已極充足不過銅  
元餘利亦其一端因而多派留學士官練新軍添  
鑄槍礮造淺水兵輪種種厲行新政無形中成就  
辛亥革命知我罪我則不敢辭若以鑄銅幣爲不  
合則易中無物將抱布貿絲以粟易械器如上古  
之日中爲市乎以鄉下人而談國事未有不舛誤  
百出令人齒冷者而謂曾居幕府者開口便錯如  
是乎夫誰信之公有書後二絕句云云

卷葉一行錯改 卷葉行錯改

序 日 日 廣雅 三 三 卜 子磯磯子

一 上 以 壁 璧 四 卜 卜 答 答

二 川 日 大 天 四 夕 夕 博 博

二 十 夕 易 易 四 夕 夕 博 博

二 日 日 與 興 四 土 土 鋪 鋪

二 日 日 博 博 四 土 土 博 博

二 日 日 如 加 四 土 土 締 締

二 日 日 以 梁 梁 四 十 夕 博 博

三 土 土 睡 睡 四 日 川 博 博

交 劫 卷

四	四	四	四	四	四	四	四	四	四
𠂇	𠂇	𠂇	𠂇	𠂇	𠂇	𠂇	𠂇	𠂇	𠂇
川	𠂇	𠂇	𠂇	𠂇	川	川	𠂇	𠂇	文
滕	𠂇	博	博	家	風	辨	𠂇	博	博
滕	𠂇	博	博	嘉	楓	辨	鏽	博	博
五	五	五	五	五	四	四	四	四	四
𠂇	𠂇	𠂇	𠂇	𠂇	𠂇	𠂇	𠂇	𠂇	𠂇
𠂇	𠂇	𠂇	𠂇	十	𠂇	𠂇	𠂇	𠂇	三
特	生	公	淵	痺	煦	南	入	檄	瑄
持	丈	君	文	廩	煦	浦	人	檄	瑄
			體	廩					

卷葉行錯改 卷葉行錯改

五 𠄎 一 蜜 密 六 𠄎 𠄎 有 別

五 𠄎 川 君 公 六 𠄎 𠄎 記 館

五 𠄎 文 五 七 六 𠄎 𠄎 𠄎 𠄎

五 𠄎 文 律 古 六 𠄎 𠄎 孺 孺

五 𠄎 𠄎 𠄎 𠄎 六 𠄎 𠄎 𠄎 洪

五 𠄎 𠄎 秦 泰 六 𠄎 𠄎 川 田 由

六 𠄎 𠄎 裁 裁 六 𠄎 𠄎 川 首 四 五 絕

六 川 𠄎 淮 淮 六 𠄎 𠄎 𠄎 要 乞

六 𠄎 𠄎 余 公 六 𠄎 𠄎 𠄎 榮 張

七	七	七	七	七	七	七	七	六
攷	卩	卩	以	以	以	卩	又	卩
川	卩	卩	川	川	川	卩	卩	卩
拙	基	燕	都	構	於	太	廬	苦
詩	之	熱	蘇	勸	其	大	廬	若
七	七	四	七	七	七	七	七	七
卩	収	卩	卩	卩	卩	卩	卩	以
夕	卩	卩	夕	卩	卩	仁	十	三
李	廠	盒	訴	家	生	据	抑	辨
盤	廠	盒	起	作	先	招	仰	辦
跋	廠	盒	檢	作	生	招	仰	辦
亞	廠	盒	舉	作	生	招	仰	辦
金	廠	盒	舉	作	生	招	仰	辦
石	廠	盒	舉	作	生	招	仰	辦
青	廠	盒	舉	作	生	招	仰	辦

4021.jpg